

॥ श्रीवीरनाथाय नमः ॥

# श्रीवर्तमान चौबीसी पूजा विधान

BE  
NCE

लेखक—स्व० पं० वृन्दावनदासजी

संप्रहकर्ता और प्रकाशक :—

दुलीचंद पन्नालाल परिवार,

प्रोप्राइटर—जिनवाणी प्रचारक कार्यालय, कलकत्ता ।

प्रथम वार  
१००० प्रति

श्रुत पंचमी १९८५

{ न्योछावर एक रुपया  
रेशमी जिन्द १॥)

## पूजाओंकी सूची ।

	पत्रांक		पत्रांक
१ समुच्चय चतुर्विंशतिजिनपूजा	४	१३ श्री वासुपूज्यजिनपूजा	६१
२ श्रीआदिनाथजिनपूजा	८	१४ श्रीविमलनाथजिनपूजा	६७
३ श्रीअजितनाथजिनपूजा	१५	१५ श्रीअनन्तनाथजिनपूजा	१०४
४ श्रीशंभवनाथजिनपूजा	२२	१६ श्रीधर्मनाथजिनपूजा	१११
५ श्रीअभिनन्दननाथजिनपूजा	२६	१७ श्रीशान्तिनाथजिनपूजा	११८
६ श्रीसुमतिनाथजिनपूजा	३६	१८ श्रीकुन्त्यनाथजिनपूजा -	१२५
● श्रीपद्मप्रभजिनपूजा	४७	१९ श्रीअरहनाथजिनपूजा	१३२
८ श्रीसुपार्श्वनाथजिनपूजा	५४	२० श्रीमह्लिनाथजिनपूजा	१४०
९ श्रीचन्द्रप्रभजिनपूजा	६१	२१ श्रीमुनिसुव्रतजिनजा	१४७
१० श्रीपुष्पवन्तजिनपूजा	६६	२२ श्रीनमिनाथजिनपूजा	१५४
११ श्रीशीतलनाथजिनपूजा	७६	२३ श्रीनेमिनाथजिनपूजा	१६०
१२ श्रीश्रेयांसनाथजिनपूजा	८४	२४ श्रीपार्श्वनाथजिनपूजा	१६६
		२५ श्रीमहावीरजिनपूजा	१७१

ॐ

श्रीपरमात्मने नमः ।

काशीनिवासी स्वर्गीय कविवर वृद्धावलकृत ।

वर्तमानचतुर्विंशतिजिनपूजा ।

दोहा—बंदों पाचों परमगुरु, सुरगुरु बंदत जास ।

बिघनहरन मंगलकरन, पूरन परमप्रकाश ॥ १ ॥

चौवीसों जिनपति नमों, नमों सारदा माय ।

शिवमगसाधक साधु नमि, रचों पाठ सुखदाय ॥ २ ॥

नामावली स्तोत्र ।

जय जिनंद सुखकंद नमस्ते । जय जिनंद जितफंद नमस्ते ॥

जय जिनंद वरबोध नमस्ते । जय जिनंद जितक्रोध नमस्ते ॥ १ ॥

पापतापहरइंदु नमस्ते । अर्हवरनजुतबिंदु नमस्ते ॥  
 शिष्टाचारविशिष्ट नमस्ते । इष्ट मिष्ट उतकृष्ट नमस्ते ॥ २ ॥  
 परम धर्म वरशर्म नमस्ते । मर्मभर्मघन धर्म नमस्ते ॥  
 दृगविशाल वरभाल नमस्ते । हृदिदयाल गुनमाल नमस्ते ॥ ३ ॥  
 शुद्ध बुद्ध अविरुद्ध नमस्ते । रिद्धिसिद्धिवरवृद्ध नमस्ते ॥  
 वीतराग विज्ञान नमस्ते । चिद्विलास धृतध्यान नमस्ते ॥ ४ ॥  
 स्वच्छगुणांबुधिरत्न नमस्ते । सत्त्वहितंकरयत्न नमस्ते ॥  
 कुनयकरी मृगराज नमस्ते । मिथ्या खगवर बाज नमस्ते ॥ ५ ॥  
 भव्यभवोदधितार नमस्ते । शर्माभृतसितसार नमस्ते ॥  
 दरशज्ञानसुखवीर्य नमस्ते । चतुरानन धरधीर्य नमस्ते ॥ ६ ॥  
 हरि हर ब्रह्मा विष्णु नमस्ते । मोहमर्दमनु जिष्णु नमस्ते ॥  
 महादान महभोग नमस्ते । महाज्ञान महजोग नमस्ते ॥ ७ ॥

महा उग्र तपसूर नमस्ते । महा मौन गुणभूरि नमस्ते ॥  
धरमचक्रि बृषकेतु नमस्ते । भवसमुद्रशतसेतु नमस्ते ॥ ८ ॥  
विद्याईस मुनीश नमस्ते । इंद्रादिकनुतशीस नमस्ते ॥  
जय रतनत्रयराय नमस्ते । सकल जीवसुखदाय नमस्ते ॥ ९ ॥  
अशरनशरनसहाय नमस्ते । भव्यसुपंथलगाय नमस्ते ॥  
निराकार साकार नमस्ते । एकानेकअधार नमस्ते ॥ १० ॥  
लोकालोकविलोक नमस्ते । त्रिधा सर्वगुनथोक नमस्ते ॥  
सल्लदल्लदलमल्ल नमस्ते । कल्लमल्ल जितछल्ल नमस्ते ॥ ११ ॥  
भुक्तिमुक्तिदातार नमस्ते । उक्तिसुक्ति शृंगार नमस्ते ॥  
गुन अनंत भगवंत नमस्ते । जै जै जै जयवंत नमस्ते ॥ १२ ॥

इति पठित्व जिनचरणान्ने परिपुष्पांजलि क्षिपेत् ।

# समुच्चयचतुर्विंशतिजिनपूजा

छंद कवित्त ।

वृषभ अजित संभव अभिनंदन, सुमति पदम सुपास जिनराय ।  
चंद्र पुहुप शीतल श्रेयांस नमि, वासुपूज पूजितसुरराय ॥  
विमल अनंत धरम जस उज्ज्वल, शांति कुंथु अर मल्लि मनाय ।  
मुनिसुव्रत नमि नेमि पार्श्वप्रभु, वर्द्धमानपद पुष्प चढ़ाय ॥ १ ॥

ॐ ह्रीं श्रीवृषभादिवीरान्तचतुर्विंशतिजिनसमूह अत्र अवतर अवतर । संवौपट् ।

ॐ ह्रीं श्रीवृषभादिवीरान्तचतुर्विंशतिजिनसमूह अत्र तिष्ठ तिष्ठ । ठः ठः ।

ॐ ह्रीं श्रीवृषभादिवीरान्तचतुर्विंशतिजिनसमूह अत्र मम सन्निहितो भव भव । वपट् ॥

अष्टक ।

चाल धानतरायकृत नंदीश्वरछीपाष्टककी तथा गरवारागआदि अनेक चालोमें वनता है ।

मुनिमनसम उज्ज्वल नीर, प्राशुक गंध भरा ।

भरि कनककटोरी धीर, दीनों धार धरा ॥

चौबीसों श्रीजिनचंद, आनंदकंद सही ।

पद्मजत हरत भवफंद, पावत मोक्षमही ॥ १ ॥

ॐ ह्रीं श्रीवृषभादिवीरान्तेभ्यो जन्मजरामृत्यु विनाशनाय जलं निर्वपामि ॥

गोशीर कपूर मिलाय, केशररंग भरी ।

जिनचरनन देत चढ़ाय, भवआताप हरी ॥ चौ० ॥ २ ॥

ॐ ह्रीं श्रीवृषभादि वीरान्तेभ्यो भवातापविनाशनाय चन्दनं निर्वपामि ॥

तंदुल सित सोमसमान, सुन्दर अनियारे ।

मुक्ताफलकी उत्तमान, पुंज धरों प्यारे ॥ चौ० ॥ ३ ॥

ॐ ह्रीं श्रीवृषभादिवीरान्तेभ्योऽक्षयपदप्राप्तये अक्षतान् निर्वपामि ॥

वर कंज कदंब करंड, सुमन सुगंध भरे ।

जिन अग्र धरौं गुनमंड, कामकलंक हरे ॥ चौ० ॥ ४ ॥

ॐ ह्रीं श्रीवृषभादिवीरान्तेभ्यः कामबाणविध्वंसनाय पुष्पं निर्वपामि ॥

मनमोहन मोदक आदि, सुन्दर सद्य बने ।

रसपूरित प्राशुक स्वाद, जजत क्षुधादि हने ॥ चौ० ॥ ५ ॥

ॐ ह्रीं श्रीवृषभादिवीरान्तेभ्यः क्षुधारोगविनाशनाय नैवेद्य नि० ॥

तमखंडन दीप जगाय, धारों तुमआगे ।

सब तिमिरमोह क्षय जाय, ज्ञानकला जागै ॥ चौ० ॥ ६ ॥

ॐ ह्रीं श्रीवृषभादिवीरान्तेभ्यो मोहान्धकारविनाशनाय दीपं नि० ॥

दशगंध हुतासनमाहिं, हे प्रभु खेवत हों ।

मिस धूम करम जरि जाहिं, तुम पद सेवत हों ॥ चौ० ॥ ७ ॥

ॐ ह्रीं श्रीवृषभादिवीरान्तेभ्योऽष्टकर्मदहनाय धूपं नि० ॥

शुचि पक्क सरस फल सार, सब ऋतुके ल्यायौ ।

देखत दृगमनको प्यार, पूजत सुख पायौ ॥ चौ० ॥ ८ ॥

ॐ ह्रीं श्रीवृषभादिवीरान्तेभ्यो मोक्षफलप्राप्तये फलं नि० ॥



जलफल आठों शुचि सार, ताको अर्घ करों ।  
तुमको अरपों भवतार, भवतरि मोक्ष वरों ॥ चौ० ॥ ६ ॥  
ॐ ह्रीं श्रीवृषभादिचतुर्विंशतितीर्थकरेभ्यो अनर्घ्यपदप्राप्तये अर्घं नि० ॥

## जयमाला

दोहा—श्रीमत तीरथनाथपद, माथ नाथ हितहेत ।

गावो गुणमाला अबै, अजर अमरपद देत ॥ १ ॥

छन्द—जय भवतमभंजन जनमनकंजन, रंजन दिनमनि स्वच्छ करा । शिवमगपर-  
काशक अरिगननाशक, चौवीसों जिनराज वरा ॥ २ ॥ छंद पद्धरी—जय रिपभ देव रिषिगन  
नमंत । जय अजित जीत वसुअरि तुरंत । जय संभव भवभय करत चूर । जय अभिनंदन  
आनंद पुर ॥ ३ ॥ जय सुमति सुमतिदायक दयाल । जय पद्म पद्मद्युति तन रसाल ॥ जय  
जय सुपास भवपासनाश । जय चन्द चन्दतनदुतिप्रकाश ॥ ४ ॥ जय पुष्पदंत दुतिदंत सेत ।  
जय शीतल शीतलगुननिकेत ॥ जय श्रेयनाथ नुतसहसभुज । जय वासवपूजित वासुपुज ॥ ५ ॥  
जय विमल विमलपददेनहार । जय जय अनंत गुनगन अपार ॥ जय धर्म धर्म शिवशर्म देत ।

जय शांति शांति पुष्टी करेत ॥ ६ ॥ जय कुंथु कुंथवादिक रलेय । जय अर जिन वसुअरि  
छय करेय ॥ जय मल्लि मल्ल हतमोहमल्ल । जय मुनिसुव्रत व्रतसल्लदल्ल ॥ ७ ॥ जय नमि  
नित वासवनुत सपेम । जय नेमनाथ वृषचक्रनेम ॥ जय पारसनाथ अनाथनाथ । जय  
वद्धमान शिवनगरसाथ ॥ ८ ॥

घत्तानंद छंद—चौवीस जिनंदा आनंदकंदा, पापनिकंदा सुखकारी ।

तिनपद जुगचन्दा उदय अमन्दा, वासववंदा हितधारी ॥ ६ ॥

ॐ ह्रीं श्रीवृषभादिचतुर्विंशतिजिनेभ्यो महार्घं निर्वपामीति स्वाहा ॥

सोरठा—मुक्तिमुक्तिदातार, चौवीसौं जिनराज वर ।

तिनपद मनवचधार, जो पूजै सो शिव लहै ॥ १० ॥

इत्याशीर्वादः ( पुष्पांजलिं क्षिपेत् )

## श्रीश्रादिनाथपूजा ।

अडिल्ल—परमपूज वृषभेश स्वयंभूदेवजू । पिता नाभि मरुदेवि  
करै सुर सेवजू । कनकवरणतन तुंग धनुष पनशत तनों । कृपासिंधु  
इत आइ तिष्ठ मम दुख हनों ॥ १ ॥

ॐ ही श्रीआदिनाथ जिन अत्र अवतर अवतर । संवौषट् । अत्र तिष्ठ तिष्ठ । ठः ठः ।  
अत्र मम सन्निहितो भव भव । वषट् ।

## अष्टक ।

हिमवनोद्भव वारि सुधारिकै । जजत यों गुनबोध उचारिकै ॥

परमभाव सुखोदधि दीजिए । जन्ममृत्युजरा छय कीजिये ॥ १ ॥

ॐ हीं श्रीऋषभदेवजिनेन्द्रेभ्यो जन्ममृत्युविनाशनाय जलं निर्वपामीति स्वाहा ॥

मलयचंदन दाहनिकंदनं । घसि उभै करमें करि बंदनं ॥

जजत हों प्रशमाश्रम दीजिये । तपततापत्रिधा क्षय कीजिये ॥ २ ॥

ॐ हीं श्रीवृषभदेवजिनेन्द्रेभ्यो भवतापविनाशनाय चंदनं निर्वपामि ॥

अमल तंदुल खंडविवर्जितं । सित निशेषहिमामियतर्जितं ॥

जजत हों तसु पुंज धरायजी । अखय संपति द्यो जिनरायजी ॥ ३ ॥

ॐ हीं श्रीवृषभजिनेन्द्रेभ्योऽक्षयपदप्राप्तये अक्षतान् निर्वपामि ॥

कमल चंपक केतकि लीजिये । मदनभंजन भेट धरीजिये ॥  
परमशील महा सुखदाय हैं । समरसूल निमूल नशाय हैं ॥ ४ ॥

ॐ ह्रीं श्रीवृषभदेवजिनेन्द्रेभ्यः कामवाणविध्वंसनाय पुष्पं निर्वपामि ॥

सरस मोदनमोदक लीजिये । हरनभूख जिनेश जजीजिये ॥  
सकल आकुलअंतकहेतु हैं । अतुल शांतसुधारस देतु हैं ॥ ५ ॥

ॐ ह्रीं श्रीवृषभदेवजिनेन्द्रेभ्यः श्रुधादिरोगविनाशनाय नैवेद्यं निर्वपामि ॥

निविड मोहमहातम छाईयो । स्वपरभेद न मोहि लखाइयो ॥  
हरनकारन दीपक तासके । जजत हों पद केवल भासके ॥ ६ ॥

ॐ ह्रीं श्रीवृषभदेवजिनेन्द्रेभ्यो मोहान्धकारविनाशनाय दीपं निर्वपामि ॥

अगरचन्दन आदिक लेयकें । परम पावन गंध सुखेयकें ॥  
अगनिसंग जरै मिस धूमके । सकल कर्म उड़े यह घूमके ॥ ७ ॥

ॐ ह्रीं श्रीवृषभदेवजिनेन्द्रेभ्योऽष्टकर्मदहनाय धूपं निर्वपामि ॥

सुरस पक्क मनोहर पावने । विविध लै फल पूज रचावने ॥

त्रिजगनाथ कृपा अब कीजिये । हमहि मोक्ष महाफल दीजिये ॥८॥

ॐ ह्रीं श्रीवृषभदेवजिनेन्द्रेभ्यो मोक्षफलप्राप्तये फलं निर्वपामि ॥

जलफलादि समस्त मिलायकै । जजत हों पद मंगल गायकै ॥

भगतवत्सल दीनदयालजी । करहु मोहि सुखी लखि हालजी ॥९॥

ॐ ह्रीं श्रीवृषभदेवजिनेन्द्रेभ्यो अनर्घ्यपदप्राप्तये अर्घं निर्वपामि ॥

### पंचकल्याणक ।

छंद द्रुतविलंबित तथा सुन्दरी ।

असित दोज अषाढ सुहावनी । गरभमंगलको दिन पावनी ॥

हरि सची पितुमातहिं सेवही । जजत हैं हम श्रीजिनदेवही ॥१॥

ॐ ह्रीं आपाढकृष्णद्वितीयादिने गर्भमंगलप्राप्तये श्रीऋषभदेवाय अर्घ्यं निर्वपामीति स्वाहा ॥१॥

असित चैत सुनौमि सुहाइयो । जनममंगल तादिन पाइयो ॥

हरि महागिरिपै जजियो तबै । हम जजै पदपंकजको अबै ॥ २ ॥

ॐ ह्रीं चैत्रकृष्णनवमीदिने जन्ममंगलप्राप्ताय श्रीवृषभनाथाय अर्घं निर्वं ॥ २ ॥  
 असित नौमि सुचैत धरे सही । तपविशुद्ध सबै समता गही ॥  
 निज सुधारससों भरलाइयो । हम जजै पद अर्घ चढ़ाइयो ॥ ३ ॥

ॐ ह्रीं चैत्रकृष्णनवमीदिने दीक्षामंगलप्राप्ताय श्रीआदिनाथाय अर्घं निर्वं ॥ ३ ॥  
 असित फागुन ग्यारसि सोहनों । परम केवलज्ञान जागो भनों ॥  
 हरि समूह जजै तहँ आइकै । हम जजै इत मंगल गाइकै ॥ ४ ॥

ॐ ह्रीं फाल्गुनकृष्णैकादश्यां ज्ञानसाम्राज्यमंगलप्राप्ताय श्री वृषभनाथाय अर्घं ॥ ४ ॥  
 असित चौदसि माघ विराजई । परम मोक्ष सुमंगल साजई ॥  
 हरिसमूह जजे कैलाशजी । हम जजै अति धार हुलासजी ॥ ५ ॥

ॐ ह्रीं माघ कृष्णचतुर्दश्यां मोक्षमंगल प्राप्ताय श्रीवृषभनाथाय अर्घं निर्वं ॥ ५ ॥

जयमाला ।

छंद घत्तानंद ।

जय जय जिनचंदा आदिजिनंदा, हनि भवफंदा कंदा जू ।

वासवशतवंदा धरि आनंदा, ज्ञान अमंदा नंदा जू ॥ १ ॥

छंद मोतीदाम ।

त्रिलोकहितंकर पूरन परम । प्रजापति विष्णु चिदात्म धर्म ॥  
जतीसुर ब्रह्मविदांवर बुद्ध । वृषंकर अशंकर क्रियाम्बुधि शुद्ध ॥ २ ॥  
जबै गर्भागममंगल जान । तबै हरि हर्ष हिये अति आन ॥  
पिताजननीपदसेव करेय । अनेक प्रकार उमंग भरेय ॥ ३ ॥  
जन्मे जब ही तब ही हरि आय । गिरेन्द्रविषै किय न्हौन सुजाय ॥  
नियोग समस्त किये तित सार । सुलाय प्रभू पुनि राज अगार ॥४॥  
पिताकर सोंपि कियो तित नाट । अमंद अनंद समेत विराट ॥  
सुथानपयान कियो फिर इंद । इहां सुर सेव करै जिनचंद ॥५॥  
कियो चिरकाल सुखाश्रित राज । प्रजा सब आनंदको तित साज ॥  
सुलिस सुभोगनिमै लखि जोग । कियो हरिने यह उत्तम योग ॥६॥

निलंजन नाच रच्यो तुमपास । नवों रसपूरित भाव विलास ॥  
 बजै मिरदंग द्रमं द्रम जोर । चलै पग झारि झनांझन झोर ॥७॥  
 घना घन घंट करै धुनि मिष्ट । बजै मुहचंग सुरान्वित पुष्ट ॥  
 खड़ी छिनपास छिनैही अकाश । लघू छिन दीरघ आदि विलास ॥८॥  
 ततच्छन ताहि विलै अविलोय । भये भवतैं भयभीत बहोय ॥  
 सुभावत भावन बारह भाय । तहां दिवब्रह्मरिषीश्वर आय ॥ ९ ॥  
 प्रबोध प्रभू सुगये निज धाम । तबै हरि आय रची शिवकाम ॥  
 कियो कचलौंच पिरागअरन्य । चतुर्थम ज्ञान लह्यो जगधन्य ॥१०॥  
 धर्यो तब योग छमास प्रमान । दियो शिरियंस तिन्हें इख दान ॥  
 भयो जब केवलज्ञान जिनेंद । समोसृतठाठ रच्यो सु धनेंद ॥११॥  
 तहां वृषतच्च प्रकाशि अमेस । कियो फिर निर्भयथानप्रवेस ॥  
 अनंत गुनातम श्रीसुखराश । तुमैं नित भव्य नमैं शिवआश ॥१२॥



छंद वृत्तानंद ।

यह अरज हमारी सुनि त्रिपुरारी, जनम जरा मृति दूर करो ।

शिवसंपति दीजे ढील न कीजे, निज लख लीजे कृपा धरो ॥ १३ ॥

ॐ ह्रीं श्रीवृषभदेवजिनेन्द्राय महार्घं निर्वपामीति स्वाहा ॥

छंद आर्या—जो ऋषभेश्वर पूजै, मनबचतनभाव शुद्ध कर प्राणी ॥

सो पोवै निश्चैसौ, भुक्ति औ मुक्ति सारसुखथानी ॥ १४ ॥

पुष्पाञ्जलिं क्षिपेत् । इत्याशीर्वादः

## श्रीअजितनाथपूजा ।

छंद—त्याग वैजयंत सार सारधर्मके आधार, जन्मधार धीर नग्र  
सुष्टुकौशलापुरी । अष्टदुष्टनष्टकार मातु वैजयाकुमार, आयु लक्ष  
पूर्व दक्ष है बहत्तरैपुरी ॥ ते जिनेश श्री महेश शत्रुके निकंदनेश,  
अत्र हेरियेसुदृष्टि भक्तपै कृपा पुरी । आय तिष्ठ इष्टदेव में करों

पदाब्जसेव, पर्मशमदाय पाय आय शर्न आपुरी ॥ १ ॥

ॐ ह्रीं श्रीअजितनाथ जिन अत्रावतरावतर । संवौपट् । अत्र तिष्ठ तिष्ठ ठः ठः । अत्र  
मम सन्नि हितो भव भव वषट् ॥ १ ॥

अष्टक ।

छंद त्रिभंगी अनुप्रासक ।

गंगाहृदपानी निर्मल आनी, शौरभसानी सीतानी ।

तसु धारत धारा तृषानिवारा, शांतागारा सुखदानी ॥

श्रीअजितजिनेशं नुतनाकेशं, चक्रधरेशं खग्गेशं ।

मनवांछितदाता त्रिभुवनत्राता, पूजों ख्याता जग्गेशं ॥ १ ॥

ॐ ह्रीं श्रीअजितजिनेन्द्राय जन्ममृत्युविनाशनाय जलं निर्वपामि ॥

शुचि चंदन बावन तापमिटावन, सौरभ पावन घसि ल्यायो ।

तुन भवतपभंजनहौ शिवरंजन, पूजारंजनमैं आयो ॥ श्री० ॥ २ ॥

ॐ ह्रीं श्रीअजितजिनेन्द्राय भवतापविनाशनाय चन्दनं नि० ॥

सितखंडविवर्जित निशिपतितर्जित पुंज, विधर्जित तंदलको ।  
भवभावनिखर्जित शिवपदसर्जित, आनंदभर्जित दंदलको ॥ श्री० ३॥

ॐ ह्रीं श्रीअजितजिनेन्द्राय अक्षयपदप्राप्तये अक्षतान् नि० ॥

मनमथमदमंथन धीरजग्रंथन, ग्रंथनिग्रंथन ग्रंथपती ।

तुअपादकुशेसे आदिकुशेसे, धारि अशेसे अर्चयती ॥ श्री० ॥ ४ ॥

ॐ ह्रीं श्रीअजितजिनेन्द्राय कामवाणविध्वंसनाय पुष्पं नि० ॥

आकुलकुलवारन थिरताकारन, छुधाविदारन चरु लायो ।

षटरसकर भीने अन्न नवीने पूजन कीने सुख पायो ॥ श्री०॥ ५ ॥

ॐ ह्रीं श्रीअजितजिनेन्द्राय क्षुधारोगविनाशनाय चरुं नि० ॥

दीपकमनिमाला जोतउजाला; भरि कनथाला हाथलिया ।

तुम भ्रमतमहारी शिवसुखकारी केवलधारी पूज किया ॥ श्री० ॥ ६॥

ॐ ह्रीं श्रीअजितजिनेन्द्राय मोहान्धकारविनाशनाय दीपं नि० ॥

अगरादिकचूरन परिमलपूरन खेवत क्रूरन कर्म जरै ।

दशहूँ दिशि धावत हर्ष बहावत अलिगुणगावत नृत्य करै ॥ श्री० ॥

ॐ ह्रीं श्रीअजितजिनेन्द्राय अष्टकर्मदहनाय धूपं नि० ॥

बादाम नरंगी श्रीफल चंगी आदि अभंगीसौं अरचौं ।

सब विघनविनाशै सुखपरकाशै आतम भासै भौविरचौं ॥ श्री० ॥ ८ ॥

ॐ ह्रीं श्रीअजितजिनेन्द्राय मोक्षफलप्राप्तये फलं नि० ॥

जलफल सब सज्जे बाजत बज्जै गुनगनरज्जै मनमज्जै ।

तुअपदजुगमज्जे सज्जन जज्जै ते भवभज्जै निजकज्जै ॥ श्री० ॥ ९ ॥

ॐ ह्रीं श्रीअजितजिनेन्द्राय अनर्घ्यपद प्राप्तये अर्घं निर्वपामि० ॥ ९ ॥

**पंचकल्याणक ।**

छंद द्रुतमध्यकं १६ मात्रा ।

जेठ असेत अमावशि सो है । गर्भदिना नँद सो मनमोहै ॥

इंद फनिंद जजे मनलाई । हम पद पूजत अर्घ चढ़ाई ॥ १ ॥

ॐ ह्रीं ज्येष्ठकृष्णामावास्यायां गर्भमंगलप्राप्तय श्रीअजितजिनेन्द्राय अर्घं निर्व० ॥ १ ॥

माघसुदी दशमी दिन जाये । त्रिभुवनमें अति हरष बढ़ाये ॥

इंद्र फनिंद्र जजै तित आई । हम नित सेवत हैं हुलशाई ॥ २ ॥

ॐ ह्रीं माघशुक्लदशमीदिने जन्ममंगलमंडिताय श्रीअजितजिनेन्द्राय अर्घं निर्व० ॥ २ ॥

माघसुदी दशमी तप धारा । भव तन भोग अनित्य विचारा ॥

इंद्र फनिंद्र जजै तित आई । हम इत सेवत हैं सिरनाई ॥ ३ ॥

ॐ ह्रीं माघशुक्लदशमीदिने दीक्षाकल्याणकप्राप्तय श्रीअजितजिनेन्द्राय अर्घं निर्व० ॥ ३ ॥

पौषसुदी तिथि चौथ सुहायो । त्रिभुवनभानु सु केवल जायो ॥

इंद्रफनिंद्र जजै तित आई । हम पद पूजत प्रीत लगाई ॥ ४ ॥

ॐ ह्रीं पौषशुक्लचतुर्थीदिने ज्ञानकल्याणकप्राप्तय श्रीअजितजिनेन्द्राय अर्घं निर्वपामीति स्वाहा ॥

पंचमि चैतसुदी निरवाना । निजगुनराज लियो भगवाना ॥

इंद्रफनिंद्र जजै तित आई । हम पद पूजत हैं गुनगाई ॥ ५ ॥

ॐ ह्रीं चैतशुक्लपञ्चमीदिने निर्वाणमंगलप्राप्तय श्रीअजितनाथाय अर्घं निर्वपामीति स्वाहा ॥५॥

## जयमाला ।

दोहा—अष्ट दुष्टको नष्ट करि इष्टमिष्ट निज पाय ।

शिष्ट धर्मभाख्यो हमें पुष्ट करो जिनराय ॥ १ ॥

छंद पद्धती १६ मात्रा ।

जय अजित देव तुअ गुन अपार । पै कहूँ कछुक लघु बुद्धि धार ॥ दशजनमतअतिशय  
बलअनंत । शुभलच्छन मधुरबचन भनंत ॥ २ ॥ संहनन प्रथम मलरहित देह । तनसौरभ  
शोणितस्वेत जेह ॥ वपु स्वेदविना महरूपधार । सम चतुर धरें संठान चार ॥ ३ ॥ दश  
केवल गमनअकाशदेव । सुरभिच्छ रहै योजन सतेव ॥ उपसर्गरहित जिनतन सु होय । सब  
जीव रहितवाधा सु जोय ॥ ४ ॥ मुखचारि सरबविद्याअधीश । कवलाअहार बर्जित गरीश ॥  
छायाविनु नख कच बढै नाहि । उन्मेष टमक नहिं भ्रुकुटि माहिं ॥ ५ ॥ सुररुत दशचार  
करो बखान । तय जीवमित्रता भावजान ॥ कंटकविन दर्पणवत सुभूम । सब धान वृच्छ फल  
रहे भूम ॥ ६ ॥ पटरितुके फूल फले निहार । दिशि निर्मल जिय आनंदधार ॥ जहँ शीतल  
मंद सुगंध वाय । पदपंकजतल पंकज रचाय ॥ ७ ॥ मलरहित गगन सुर जय उचार ।  
परपा गंधोदरु होत सार ॥ वर धर्मचक्र आगे चलाय । वसुमंगलजुत यह सुर रचाय ॥ ८ ॥

सिंहासन छत्र चमरसुहात । भामंडलछवि वरनी न जात ॥ तरु उच्च अशोक रु सुमनवृष्टि  
 धुनि दिव्य और दुन्दुभी मिष्ट ॥ ६ ॥ दृग ज्ञान शर्म वीरज अनंत । गुण छियालीस इम तुम  
 लहंत ॥ इन आदि अनंते सुगुन धार । वरनत गनपति नहिं लहत पार ॥ १० ॥ तव सम-  
 वशरनमहँ इंद्र आय । पद पूजत बसुविधि दरब लाय ॥ अति भगतिसहित नाटक रचाय ॥  
 ताथेइ थेइ थैइ पुनि रही छाय ॥ ११ ॥ पग नूपुर भननन भनननाय । तननननन तननन  
 तान गाय ॥ घननन नन नन घंटा घनाय । छम छम छम छम घुंघरू बजाय ॥१२ ॥ दूम  
 दूम दूम दूम मुरज ध्वान । संसाग्रदि सरंगी सुर भरत तान ॥ भट भट भट अटपट  
 नटत नाट । इत्यादि रच्यो अद्भुत सुठाट ॥ १३ ॥ पुनि वंदि इंद्र थुति नुति करंत । तुम हो  
 जगमें जयवंत संत ॥ फिर तुम विहार करि धर्मवृष्टि । सब जोग निरोध्यो परम इष्ट ॥१४॥  
 सन्मेदथकी लिय मुकति थान । जय सिद्धशिरोमन गुननिधान ॥ वृन्दावन वंदत बारबार ।  
 भवसागरतँ मो तार तार ॥ १५ ॥

छंद घत्तानंद ।

जय अजित कृपाला गुनमणिमाला, संजमशाला बोधपती ।

वर सुजसउजाला हीरहिमाला, ते अधिकाला स्वच्छ अती ॥ १६ ॥

ॐ ह्रीं श्रीअजितजिनद्राय पूर्णार्घं निर्वपामीति स्वाहा ॥

छंद मदावलितकपोल ।

जो जन अजित जिनेश जजै हैं, मनवचकाई ।

ताकों होय आनंद ज्ञान सम्पति सुखदाई ॥

पुत्र मित्र धन्यधान्य सुजस त्रिभुवनमहँ छावै ।

सकल शत्रु छय जाय अनुक्रमसों शिव पावै ॥ १७ ॥

इत्याशीर्वादः ।

## श्रीशंभवनाथ पूजा ।

छंद मदावलितकपोल ।

जय शंभव जिनचंद सदा हरिगनचकोरनुत ।

जयसेना जसु मातु जैति राजा जितारसुत ॥

तजि ग्रीवक लिये जन्मनगर सावत्री आई ।

सो भवभंजनहेत भगतपर होहु सहाई ॥ १ ॥



ॐ ही श्रीशंभवनाथ जिनेन्द्र ! अत्रावतरावतर । संवौपद् ॥

ॐ ही श्री शंभवनाथ जिनेन्द्र ! अत्र तिष्ठ तिष्ठ । ठः ठः ॥

ॐ ही श्रीशंभवनाथ जिनेन्द्र ! अत्र मम सन्निहितो भव भव । वपद् ॥

## अष्टक ।

छंद चौबोला तथा अनेक रागोमे गाया जाता है ।

मुनिमनसम उज्जल जल लेकर, कनक कटोरीमें धारा ।

जनमजराभृतुनाशकरनकों, तुमपदतर ढारों धारा ॥

शंभवजिनके चरन चरचतें, सब आकुलता मिट जावै ।

निजनिधि ज्ञानदरशसुखवीरज, निराबाध भविजन पावै ॥ १ ॥

ॐ ही श्रीशंभवजिनेन्द्राय जन्ममृत्युविनाशनाय जलं निर्वपामि० ॥

तपतदाहकों कंदन चंदन मलयागिरिको घसि लायो ।

जगवंदन भौफंदनखंदन समरथ लखि शरनै आयौ ॥ शं० ॥ २ ॥

ॐ ह्रीं श्रीशंभवजिनेन्द्राय भवतापविनाशनाय चंदनं नि० ॥

देवजीर सुखदास कमलवासित, सित सुन्दर अनियारे ।

पंज धरों इन चरनन आगों, लहों अखयपदकों प्यारे ॥ शं० ॥ ३ ॥

ॐ ह्रीं श्रीशंभवजिनेन्द्राय अक्षयपदप्राप्तये अक्षतान् नि० ॥

कमल केतकी बेल चमेली चंपा, जूही सुमन वरा ।

तासों पूजत श्रीपति तुमपद, मदनवान विध्वंसकरा ॥ शं० ॥ ४ ॥

ॐ ह्रीं श्रीशंभवजिनेन्द्राय कामवाणविध्वंसनाय पुष्पं नि० ॥

घेवर बाबर मोदन मोदक, खाजा ताजा सरस बना ।

तासों पदश्रीपतिको पूजत, चुधारोग ततकाल हना ॥ शं० ॥ ५ ॥

ॐ ह्रीं श्रीशंभवजिनेन्द्राय क्षुधारोगविनाशनाय नैवेद्यं नि० ॥

घटपटपरकाशक भ्रमतमनाशक, तुमढिग ऐसो दीप धरों ।

केवलजोत उदोत होहु मोहि, यही सदा अरदास करों ॥ शं० ॥ ६ ॥

ॐ ही श्रीशंभवजिनेन्द्राय मोहान्धकारविनाशनाय दीपं नि० ॥

अगरतगर कृसनागर श्रीखंडादिक चूर हुताशनमें ।

खेवत हों तुम चरनजलजडिग, कर्म छार जरि ह्वै छनमें ॥शं०॥७॥

ॐ ही श्रीशंभवजिनेन्द्राय अष्टकर्मदहनाय धूपं निर्वपामि० ॥

श्रीफल लौंग बदाम छुहारा, एला पिस्ता दाखर मैं ।

लै फल प्राशुक पूजों तुमपद, देहु अखयपद नाथ हमैं ॥शं०॥८॥

ॐ ही श्रीशंभवजिनेन्द्राय मोक्षफलप्राप्तये फलं निर्वपामि० ॥

जल चंदन तंदुल प्रसून चरु, दीप धूप फल अर्घ किया ।

तुमको अरपों भावभगतिधर, जै जै जै शिवरमनिपिया ॥ शं०॥९॥

ॐ ही श्रीशंभवजिनेन्द्राय अनर्घ्यपदप्राप्तये अर्घं नि० ॥

पञ्चकल्याणक ।

छन्द हंसी मात्रा १५ ।

मातागर्भविषै जिन आय । फागुनसित आठै सुखदाय ॥

सेयो सुरतिय ल्पन वृन्द । नानाविधि मैं जजों जिनन्द ॥१॥

ॐ हीं फाल्गुनशुक्लाष्टम्यां गर्भमंगलप्राप्ताय श्रीशंभवजिनेन्द्राय अर्घं निर्वपामीति स्वाहा ॥१॥

कार्तिक सित पूनम तिथि जान । तीनज्ञानजुत जनम प्रमाण ॥

धरि गिरिराज जजे सुरराज । तिन्हें जजों मैं निजहित काज ॥२॥

ॐ हीं कार्तिकशुक्लपूर्णिमायां जन्ममंगलप्राप्ताय श्रीशंभवजिनेन्द्राय अर्घं निर्व० ॥२॥

मंगसिरसित पून्यों तप धार । सकल सङ्ग तजि जिन अनगार ॥

ध्यानादिक बल जीते कर्म । चर्चों चरन देहु शिवशर्म ॥३॥

ॐ हीं मार्गशीर्षपूर्णिमायां दीक्षाकल्याणकप्राप्ताय श्रीशंभवजिनेन्द्राय अर्घं ॥३॥

कार्तिक कलि तिथि चौथ महान । घाति घात लिया केवल ज्ञान ॥

समवशरनमहँ तिष्ठे देव । तुरिय चिहन चर्चों वसुभेव ॥ ४ ॥

ॐ हीं कार्तिककृष्णचतुर्थीदिने ज्ञानसाम्राज्यमंगलप्राप्ताय श्रीशंभवजिनेन्द्राय अर्घ्यं ०

चैत शुक्ल तिथि षष्ठी घोख । गिरसमेंदतैं लीनों मोख ॥

चारशतक धनु अवगाहना । जजों तासपद थुतिकर घना ॥ ५ ॥

ॐ ह्रीं चैत्रशुक्लपष्ठीदिने निर्वाणकल्याणप्राप्ताय श्रीशंभवजिनेन्द्राय अर्घ्यं ॥ ५ ।

## जयमाला ।

दोहा—श्रीशंभवके गुन अगम, कहि न सकत सुरराज ।

मैं वशभक्ति सुधीठ हूँ, विनवों निजहितकाज ॥ १ ॥

छंद मोतीदाम ।

जिनेश महेश गुणेश गरिष्ट । सुरासुरसेवित इष्ट वरिष्ट ॥ धरे वृषचक्र करे अघ  
चूर । अतत्त्वच्छपातममर्दनसूर ॥ २ ॥ सुतत्त्वप्रकाशन शासन शुद्ध । विवेक विराग  
वदावन बुद्ध ॥ दयातरुतर्पनमेघ महान । कुनैगिरिगंजन वज्र समान ॥ ३ ॥ सुगर्भरु  
जन्ममहोत्सवमांहि । जगज्जन आनंदकंद लहाहिं ॥ सुपूरव साठहि लच्छ जु आय । कुमार  
चतुर्थम अंश रमाय ॥४॥ चवालिस लाख सुपूरव एव । निकंटक राज कियो जिनदेव ॥  
तजे कछुकारन पाय सुराज । धरे व्रत संजम आतमकाज ॥ ५ ॥ सुरेन्द्र नरेन्द्र दियो  
पयदान । धरे वनमें निज आतम ध्यान ॥ कियौ चवघातिय कर्म विनाश । लयो तत्र

नगर अजोध्या जनम इंद, नागिंद जु ध्यावै ।

तिन्हें जजनके हेत थापि, हम मंगल गावैं ॥ १ ॥

ॐ ह्रीं श्रीअभिनंदनजिनेन्द्र अत्र अवतर अवतर । संवौषट् ॥१॥

ॐ ह्रीं श्रीअभिनंदनजिनेन्द्र अत्र तिष्ठ तिष्ठ । ठः ठः ॥२॥

ॐ ह्रीं श्रीअभिनंदनजिनेन्द्र अत्र मम सन्निहितो भव भव । वषट् ॥३॥

### अष्टक ।

छन्द गीता, हरिगीता तथा रूपमाला ।

पद्मद्रहगत गंगचंग, अभंग धार सुधार है ।

कनकमणिगनजड़ित भारी, द्वारधार निकार है ॥

कलुषतापनिकंद श्रीअभिनंद, अनुपम चंद है ।

पदवंद बृंद जजे प्रभू, भवदंदफंदनिकंय है ॥ १ ॥

ॐ ही श्रीअभिनन्दनजिनेन्द्राय जन्मजरामृत्युचिनाशनाय जलं निर्वपामि ॥

शीतचंदन कदलिनंदन, सुजलसंग घसायकै ।

ह सुगंध दशोंदिशामें, भ्रमैं मधुकर आयकै ॥ क० ॥२॥

ॐ ह्रीं श्रीअभिनन्दनजिनेन्द्राय भवतापविनाशनाय चन्दनं निर्वपामि ॥

हीरहिमशशिफेनमुक्ता, सरिस तंदुल सेत हैं ।

तासको ढिग पूंज धारौं, अक्षयपदके हेत हैं ॥ क० ॥ ३ ॥

ॐ ह्रीं श्रीअभिनन्दनजिनेन्द्राय अक्षयपद प्राप्ताय अक्षतान् निर्वपामि ।

समरसुभटनिघटनकारन, सुमन सुमनसमान हैं ।

सुरभितैं जापैं करै भ्रंकार, मधुकर आन हैं ॥ क० ॥४॥

ॐ ह्रीं श्रीअभिनन्दनजिनेन्द्राय कामवाणविध्वंसनाय पुष्पं निर्वपामि ॥

सरस ताजे नव्य गव्य मनोज्ञ, चितहर लेयजी ।

छुधाछेदन छिमाछितिपतिके, चरन चरचेयजी ॥ क० ॥५॥

ॐ ह्रीं श्रीअभिनन्दनजिनेन्द्राय श्रुधारोगविनाशनाय नैवेद्यं नि० ॥

अतततममर्दनकिरनवर, बोधभानुविकाश है ।

तुम चरनढिग दीपक धरों, मोहि होहु स्वपरप्रकाश हैं ॥क०

ॐ ही श्रीअभिनन्दनजिनेन्द्राय मोहान्धकारविनाशनाय दीपं नि० ॥

भूर अगर कपूर चूर सुगंध, अग्नि जराय है ॥

सव करमकाष्ट सुकाष्टमैं मिस, धूमधूम उड़ाय है ॥ क० ॥ ७ ॥

ॐ हीं श्रीअभिनन्दनजिनेन्द्राय अष्टकर्मदहनाय धूपं निर्वपामि ॥

आँम निंबु सदा फलादिक, पक्क पावन आनजी ।

मोक्षफलके हेत पूजाँ, जोरि कै जुगपानजी ॥ क० ॥ ८ ॥

ॐ हीं श्रीअभिनन्दनजिनेन्द्राय मोक्षफलप्राप्तये फलं नि० ॥

अष्टद्रव्य सँवारि सुन्दर, सुजस गाय रसाल ही ।

नचत रचत जजाँ चरनजुग, नाय नाय सुभाल ही ॥क० ॥ ९ ॥

ॐ हीं श्रीअभिनन्दनजिनेन्द्राय अनद्यपदप्राप्तये अर्घं निर्वपामि ॥



## पञ्चकल्याणक ।

छंद हरिपद ।

शुकलछद्म वयशाखविषै तजि, आये श्रीजिनदेव ।

सिद्धारथमाताके उरमें, करै सची शुचि सेव ॥

रतनवृष्टि आदिक वर मंगल, होत अनेकप्रकार ।

ऐसे गुननिधिकों मैं पूजौं, ध्यावों वारंबार ॥ १ ॥

ॐ ह्रीं वैशाखशुक्लपष्ठीदिने गर्भमंगलमंडिताय श्रीअभिनन्दनजिनेन्द्राय अर्घ ॥ १ ॥

माघशुकलतिथि द्वादशिके दिन, तीनलोकहितकार ।

अभिनन्दन आनंदकंद तुम, लीन्हों जगअवतार ॥

एक महूरत नरकमांहि हू, पायो सब जिय चैन ।

कनकवरन कपि चिह्नधरनपद, जजों तुमैं दिनरैन ॥ २ ॥

ॐ ह्रीं माघशुक्लद्वादश्यां जन्ममंगलमंडिताय श्रीअभिनन्दनजिनेन्द्राय अर्घ ॥ २ ॥

साढे छत्तिसलाख सुपूरब, राजभोग वर भोग ।

कछु कारन लखि माघशुकल, द्वादशिकों धारो जोग ॥  
पष्टम नैम समापत करि लिय, इंद्रदत्तघर छीर ।

जय धुनि पुष्प रतन गंधोदक, वृष्टि सुगंध समीर ॥ ३ ॥

ॐ ह्रीं माघशुक्लद्वादश्यां दीक्षाकल्याणप्राप्ताय श्रीअभिनंदनजिनेन्द्राय अर्घं ॥ ३ ॥

पौष शुकल चौदशिको घाते, घातिकरमदुखदाय ।

उपजायो वरबोध जासको, केवल नाम कहाय ॥

समवसरन लहि बोधिधरम कहि, भव्यजीवसुखकंद ।

मोकों भवसागरतैं तारो, जय जय जय अभिनंद ॥ ४ ॥

ॐ ह्रीं पौषशुक्लचतुर्दश्यां केवलज्ञानप्राप्ताय श्रीअभिनंदनजिनेन्द्राय अर्घं ॥ ४ ॥

जोगनिरोध अघातिघाति लहि, गिरसमेदतैं मोख ।

माससकल सुखराश कहे बैशाखशुकल छट चोख ॥

चतुरनिकाय आय तित कीनो, भगतभाव उमगाय ।

हम पूजै इत अरघ लेय जिमि विघनसघन मिट जाय ॥ ५ ॥

ॐ ह्रीं वेशाखशुक्लपष्ठीदिने मोक्षमङ्गलप्राप्तये श्रीअभिनन्दनजिनेन्द्राय अर्घ ॥ ५ ॥

### जयमाला

दोहा—तुंग सु तन धनु तीनसौ, औ पचास सुखधाम ।

कनकवरन अवलौकिकै, पुनि पुनि करूँ प्रणाम ॥ १ ॥

छंद लक्ष्मीधरा ।

सच्चिदानंद सद्-ज्ञान सद्दर्शनी । सत्स्वरूपा लई सत्सुधाससंनी ॥

सर्वआनंदकंदा महादेवता । जास पादाब्ज सेवै सबै देवता ॥ २ ॥

गर्भ औ जन्मनिःकर्मकल्याणमें । सत्त्वको शर्म पूरे सबै थानमें ॥

वंशइक्ष्वाकमें आपु ऐसे भये । ज्यों निशाशर्दमें इंदु स्वच्छै ठये ॥ ३ ॥

लक्ष्मीवती छंद ।

होत वैराग लौकांतसुर बोधियो ।

फेरि शिविकासु चढ़ि गहन निजसोधियो ॥  
 घाति चौघातिया ज्ञान केवल भयो ।  
 समवसरनादि धनदेव तव निरमयो ॥ ४ ॥  
 एक है इन्द्रनीली शिला रत्नकी ।  
 गोल साढेदशै जोजने जलकी ॥  
 चारदिशपैड़िका वीस हज्जार है ।  
 रत्नके चूरका कोट निरधार है ॥ ५ ॥  
 कोट चहुँओर चहुँद्वार तोरन खँचे ।  
 तास आगे चहुँ मानथंभा रचे ॥  
 मान मानी तजै जासढिग जायकै ।  
 नम्रताधार सेवै तुम्है आयकै ॥ ६ ॥

छंद लक्ष्मीधरा ।

बिंब सिंहासनोप जहाँ सोहहीं । इंद्रनागेन्द्र केते मनै मोहहीं ।

वापिका वारिसों जत्र सोहै भरौ । जासमें न्हात ही पाप जावै टरी ॥ ७ ॥

तास आगें भरी खातिका वारसों । हंस सूआदि पंखी रमैं प्यारसों ॥

पुष्पकी वाटिका बागवृच्छें जहां । फूल और श्रीफलं सर्वही हैं तहां ॥ ८ ॥

कोट सौवर्णका तास आगें खड़ा । चारदर्वाजचौओर रत्नों जड़ा ॥

चार उद्यान चारोंदिशामें गना । है धुजापंक्ति औ नाटशाला बना । ॥ ९ ॥

तासु आगें त्रितीकोट रूपामयी । तूप नौ जास चारों दिशामें ठयी ॥

धाम सिद्धांतधारीनके हैं जहां । औ सभाभूमि है भव्य तिष्ठै तहां ॥ १० ॥

तास आगें रची गंधकूटी महा । तीन है कट्टिनी सारशोभा लहा ॥

एकपै तौ निधे ही धरी ख्यात हैं । भव्यप्रानी तहां लौं सर्वे जात हैं ॥ ११ ॥

दूसरी पीठपै चक्रधारी गमै । तीसरे प्रातिहार्ये लशै भागमें ॥

तासपै वेदिका चार थंभानकी । है बनी सर्वकल्यानके खानकी ॥ १२ ॥

तासपै है सुसिंघासनं भासनं । जासपै पद्म प्रांफुल्ल है आसनं ॥

तासुपै अंतरीक्षं विराजै सही । तीनछत्रे फिरें शीसरत्नै यही ॥ १३ ॥

पंचमउदधितनों सम उज्जल, जल लीनों वरगंध मिलाय ।  
 कनककटोरीमाहिं धारिकरि, धार देहुं सुचि मनवचकाय ॥  
 हरिहरवंदित पापनिकंदित, सुमतिनाथ त्रिभुवनके राय ।  
 तुमपदपद्म सद्मशिवदायक, जज्ञत मुदितमन उदित सुभाय ॥ १ ॥

ॐ ह्रीं श्रीसुमतिनाथजिनेन्द्राय जन्मजरामृत्युविनाशनाय जलं निर्वपामि ॥

मलयागर घनसार धसौं वर, केशर अर करपूर उलाय ।  
 भवतपहरन चरन परवारों, जनमजरामृतताप पलाय ॥ हरि० ॥२॥

ॐ ह्रीं श्रीसुमतिनाथजिनेन्द्राय भवतापविनाशनाय चंदनं निर्वपामि ॥

शशिसमउज्जल सहितगंधतल, दोनों अनी शुद्ध सुखदास ।  
 सो ले अखयसंपदाकारन, पुंज धरों, तुमचरननपास ॥ हरि० ॥३॥

ॐ ह्रीं श्रीसुमतिनाथजिनेन्द्राय अश्रयपदप्राप्तये अक्षतान् निर्वपामि ॥

कमलकेतुकी बेल चमेली, करना अरु गुलाव महकाय ।

सो लै समरशूलछैकारन, जजों चरन अति प्रीत लगाय ॥ हरि० ॥ ४ ॥

ॐ ही श्रीसुमतिनाथजिनेन्द्राय कामवाणविध्वंसनाय पुष्पं निर्वपामि ॥

नव्य गव्य पकवान बनाऊं, सुरस देखि दृगमन ललचाय ।

सो लै छुधारोगछयकारण, धरौं चरणद्विग मनहरषाय ॥ हरि० ॥ ५ ॥

ॐ हीं श्रीसुमतिनाथजिनेन्द्राय क्षुधारोगविनाशनाय नैवेद्यं निर्वपामि ॥

रतनजडित अथवा घृतपूरित, वा कपूरमय जोति जगाय ।

दीप धरौं तुम चरननआगें, जातैं केवलज्ञान लहाय ॥ हरि० ॥ ६ ॥

ॐ हीं श्रीसुमतिनाथजिनेन्द्राय मोहान्धकारविनाशनाय दीपं निर्वपामि ॥

अगर तगर कृष्णागर चंदन, चूरि अग्निमें देत जराय ।

अष्टकरम ये दुष्ट जरतु हैं, धूम घूम यह तासु उड़ाय ॥ हरि० ॥ ७ ॥

ॐ हीं श्रीसुमतिनाथजिनेन्द्राय अष्टकर्मदहनाय धूपं निर्वपामि ॥

श्रीफल मातुलिंग वर दाड़िम, आम निंबु फल प्रासुकलाय ।

मोक्षमहाफल चाखन कारन, पूजत हो तुमरे जुग पाय ॥ हरि०॥८॥

ॐ हीं श्रीसुमतिनाथजिनेन्द्राय मोक्षफलप्राप्तये फलं निर्वपामि ॥

जल चंदन तंदुल प्रसून चरु, दीप धूप फल सकल मिलाय ।

नाचि राचि शिरनाय समरचों, जय जय जय जय जय जिनराय ॥ ह० ६ ॥

ॐ ही श्रीसुमतिनाथजिनेन्द्राय अनर्घ्यपदप्राप्तये अर्घं निर्वपामि ॥

## पंचकल्याणक ।

रूप चौपाई ।

संजयंत तजि गरभ पधारे । सावनसेतदुतिय सुखकारे ॥

रहे अलिप्त मुकुर जिमि छाया । जजों चरन जय जय जिनराया ॥ १ ॥

ॐ हीं श्रावणशुक्लद्वितीयादिने गर्भमंगलप्राप्तय श्रीसुमतिनाथजिनेन्द्राय अर्घं ॥ १ ॥

चैतसुकलग्यारस कहँ जानों । जनमे सुमति सहित त्रयज्ञानों ॥

मानों धस्यो धरम अवतारा । जजों चरनजुग अष्टप्रकारा ॥ २ ॥



ॐ ह्रीं चैत्रशुक्लैकादश्यां जन्ममंगलमण्डिताय श्रीसुमतिनाथजिनेन्द्राय अर्घं ॥ २ ॥  
चैतसुकलग्यारस तिथि भाखा । तादिन तप धरि निजरस चाखा ॥  
पारन पद्मसद्म पय कीनों । जजत चरन हम समता भीनों ॥ ३ ॥

ॐ ह्रीं चैत्रशुक्लैकादश्यां तपमङ्गलमण्डिताय श्रीसुमतिनाथजिनेन्द्राय अर्घं ॥ ३ ॥  
सुकलचैतएकादशि हाने । घाति सकल जे जुगपति जाने ॥

समवसरनमहँ कहि वृषसारं । जजहुं अनंतचतुष्टयधारं ॥ ४ ॥

ॐ ह्रीं चैत्रशुक्लैकादश्यां ज्ञानसाम्राज्यप्राप्ताय श्रीसुमतिनाथजिनेन्द्राय अर्घं ॥ ४ ॥  
चैतसुकलग्यारस निरवानं । गिरिसमेदतै त्रिभुवनमानं ॥

गुनअनंत निजनिरमलधारी । जजों देव सुधि लेहु हमारी ॥ ५ ॥

ॐ ह्रीं चैत्रशुक्लैकादश्यां मोक्षमङ्गलप्राप्ताय श्रीसुमतिनाथजिनेन्द्राय अर्घं ॥ ५ ॥

जयमाला ।

सुमति तीनसौ छत्तिसौ, सुमतिभेद दरसाय ।

सुमति देहु विनती करों, सुमति विलंब कराय ॥ १ ॥

दयावेलि तहँ सुगुननिधि, भविक-मोद गम चंद ॥

सुमतिसतीपति सुमतिकों, ध्यावो धरि आनंद ॥ २ ॥

पंच परावरतन हरन, पंचसुमति सित दैन ॥

पंचलब्धिदातारके, गुन गाऊं दिनरैन ॥ ३ ॥

छंद भुजंगप्रयात ।

पिता मेघराजा सबै सिद्धकाजा । जपें नाम जाको सबै दुःख भाजा ॥

महासुर इक्ष्वाकचंशी विराजे । गुणग्राम जाको सबै ठौर छाजे ॥ ४ ॥

तिन्होंके महापुण्यसों आप जाये । तिहंलोकमें जीव आनंद पाये ॥

सुनासीर ताही घरी मेरु धायो । क्रिया जन्मकी सर्व कीनी यथा यों ॥

बहुर्त्तातकों सोंपि संगीत कीनों । नमें हाथ जोरों भलीभक्ति भीनों ॥

चिताई दश लाख ही पूर्व वाली । प्रजा लाख उन्नीस ही पूर्व पालै ॥ ६ ॥

कछू हेतुनै भावना वार भाये । तहाँ ब्रह्मलौकांतके देव आये ॥

गये बोधि ताही समैन्द्र आयो । धरे पालकीमें सु उद्यान ल्यायो ॥ ७ ॥  
नमें सिद्धको केशलोचे सर्व ही । धसो ध्यान शुद्ध जु घाती हने ही ।

लह्यो केवलं औ समोसर्न साजं । गणाधीश जु एक सौ सोलराजं ॥ ८ ॥  
खिरै शब्द तामें छहाँ द्रव्य धारे । गुनौपर्जउत्पादव्यैध्रौव्य सारे ॥

तथा कर्म आठों तनी तिथि गाजं । मिलै जासुके नाशतेंमोच्छराजं ॥  
धरे मौहिनी सत्तरं कोड़कोड़ी । सरित्पत्प्रमाणं थितिं दीर्घ जोड़ी ॥

अवज्ञानद्वग्वेदिनी अंतरायं । धरै तीसकोड़ाकुड़ी सिंधुकायं ॥ १० ॥  
नथा नाम गीतं कुड़ाकोड़ी वीसं । समुद्रप्रमाणं धरें सत्तईसं ॥

सु तैतीसअब्धिं धरें आयु अब्धिं । कहें सर्ग कर्मोतनी वृद्धलब्धिं ॥ ११ ॥  
जघन्यप्रकारै धरें भेद ये ही । मुहूर्त्त वसू नामगोतं गने ही ॥

तथा ज्ञानद्वग्वेदिनी प्रत्यूह आयं । सुअंतमुहूर्त्तं धरेंथित्ति गायं ॥ १२ ॥  
तथा वेदिनी वारहें ही मुहूर्त्तं । धरै थित्त ऐसें भन्यो न्यायजुत्तं ॥

इन्हें आदि तत्त्वार्थ भाव्यो अशेसा । लह्यो फेरि निर्वाण माहीं प्रवेसा ॥ १३ ॥  
अनंतं महंतं सुरंतं सुतंतं ॥ अमंदं अफंदं अनंदं अभंतं ॥

अलक्षं विलक्षं सुलक्षं सुदक्षं । अनक्षं अवक्षं अभक्षं अतक्षं ॥ १४ ॥

अवर्णं अघर्णं अमर्णं अकर्णं । अभर्णं अतर्णं अशर्णं सुशर्णं ॥

अनेकं सदेकं चिदेकं विवेकं । अखंडं सुमंडं प्रचंडं तदेकं ॥ १५ ॥

सुपर्णं सुधर्मं सुशर्मं अकर्म । अनंतं गुनाराम जैवन्त वर्मं ॥

नमै दास वृदावनं शर्न आई । सबै दुःखतै मोहि लीजै छुड़ाई ॥ १६ ॥

छंद घत्तानंद ।

तुव सुगुन अनंता ध्यावत संता, भ्रमतमभंजनमार्तंडा ।

सतमतकरचंडा भवि-कजमंडा, कुमतिकुबल इन गन हंडा ॥१७॥

ॐ ह्रीं सुमतिजिनेन्द्राय महार्घं निर्वपामीति स्वाहा ॥

छंद रोडक ।

सुमतिचरन जो जजै, भविक जन मनवचकाई ।

तासु सकलदुखदंद फंद ततछिन छय जाई ॥

पुत्रमित्र धन धान्य, शर्म अनुपम सो पावै ॥

बृन्दावन निर्वाण, लहै जो निहचै ध्यावै ॥ १८ ॥

इत्याशीर्वाद पुष्पाञ्जलि क्षपेत ।

# पद्मप्रभजिनपूजा ।

छंद रोडक ( मदाविलितकपोल ) ।

पदमरागमनिवरनधरन, तनतुंग अढ़ाई ।

शतक दंड अघखंड, सकल सुर सेवत आई ॥

धरनि तात विख्यात सुसीमाजूके नंदन ।

पदमचरन धरि राग सु थापो इतकरि वंदन ॥ १ ॥

ॐ ह्रीं श्रीपद्मप्रभजिनेन्द्र ! अत्र अवतर अवतर । संवौपट् ।

ॐ ह्रीं श्रीपद्मप्रभजिनेन्द्र ! अत्र तिष्ठ तिष्ठ ठः ठः ।

ॐ ह्रीं श्रीपद्मप्रभजिनेन्द्र ! अत्र मम सन्निहितो भव जव । वपट् ।

## अष्टक ।

चाल होलीकी—ताल जत्त ।

पूजों भावसों, श्रीपद्मनाथपद सार, पूजों भावसों ॥ टेक ॥

गंगाजल अति प्रासुक लीनों, सौरभ सकल मिलाय ॥

मनवचतन त्रयधार देत ही, जनमजराभृत जाय ।

पूजों भावसों, श्रीपद्मनाथपद सार, पूजों भावसों ॥ १ ॥

ॐ ह्रीं श्रीपद्मप्रभजिनेन्द्राय जन्ममृत्युविनाशनाय जलं निर्वपामि ॥

मलयागर कपूर चंदन घँसि, केशररंग मिलाय ।

भवतपहरन चरनपर बारो, मिथ्याताप मिटाय ॥ पू० ॥ २ ॥

ॐ ह्रीं श्रीपद्मप्रभजिनेन्द्राय भवतापविनाशनाय चन्दनं निर्वपामि ॥

तंदुल उज्जल गंधअनीजुत, कनकथार भर लाय ।

पुंज धरों तुव चरनन आगै, मोहि अखयपद दाय ॥ पू० ॥ ३ ॥

ॐ ह्रीं श्रीपद्मप्रभजिनेन्द्राय अक्षयपदप्राप्तये अक्षतान् निर्वपामि ॥

पारिजात मंदार कलपतरुजनित, सुमन शुचि लाय ।

समरशूल निरमूलकरनकों, तुम पद पद्म चढ़ाय ॥ पू० ॥ ४ ॥

ॐ ह्रीं श्रीपद्मप्रभजिनेन्द्राय कामवाणविध्वंसनाय पुष्पं निर्वपामि ॥

घेवर बावर आदि मनोहर, सद्य सजे शुचि भाय ।

क्षुधारोगनिर्नाशन कारन, जजों हरष उर लाय ॥ पू० ॥ ५ ॥

ॐ ह्रीं श्रीपद्मप्रभजिनेन्द्राय क्षुधारोगविनाशनाय नैवेद्यं निर्वपामि ॥

दीपकजोति जगाय ललित वर, धूमरहित अभिराम ।

तिमिरमोह नाशनके कारन, जजों चरन गुनधाम ॥ पू० ॥ ६ ॥

ॐ ह्रीं श्रीपद्मप्रभजिनेन्द्राय मोहनन्धकारविनाशनाय दीपं निर्वपामि ॥

कृष्णागर मलयागर चंदन, चूर सुगंध बनाय ।

अग्निमाहिं जारों तुम आगें, अष्टकरम जरि जाय ॥ पू० ७ ॥ ॥

ॐ ह्रीं श्रीपद्मप्रभजिनेन्द्राय अष्टकर्मदहनाय धूपं निर्वपामि ॥

सुरस-वरन रसना मनभावन, पावन फल अधिकार ।

तासों पूजों जुगम चरन यह, विघन करमनिरबार ॥ पू० ॥ ८ ॥

ॐ ह्रीं श्रीपद्मप्रभजिनेन्द्राय मोक्षफलप्राप्तये फलं निर्वपामि ॥

जल फल आदिमिलाय गाय गुन, भगतभाव उमगाय ।  
जजों तुमहिं शिवतियवर जिनवर, आवागमन मिटाय ॥ पू० ६  
ॐ ह्रीं श्रीपद्मप्रभजिनेन्द्राय अनर्घ्यपदप्राप्तये अर्घ्यं निर्वापामि ॥

### पञ्चकल्याणक ।

छंद द्रुतविलेखित तथा सुन्दरि ( मात्रा १६ ) ।

असित माग सु छट्ट बखानिये । गरभमंगल तादिन मानिये ॥  
उरधग्रीवकसौं चय राजजी । जजत इंद्र जजै हम आजजी ॥ १ ॥

ॐ ह्रीं माघकृष्णपष्टीदिने गर्भावतरणमङ्गलप्राप्तये श्रीपद्मप्रभजिनेन्द्राय अर्घ्यं ॥ १ ॥

सुकलकातिकतेरसकों जये । त्रिजगजीव सु आनंदकों लये ॥  
नगर स्वर्गसमान कुसंबिका । जजतु हैं हरिसंजुत अंबिका ॥ २ ॥

ॐ ह्रीं कार्तिकशुक्लत्रयोदश्यां जन्ममंगलप्राप्तये श्रीपद्मप्रभजिनेन्द्राय अर्घ्यं निर्वापामीति स्वाहा ॥ २ ॥  
सुकलतेरसकातिक भावनी । तप धरयो वनषष्टम पावनी ॥



करत आतमध्यान धुरंधरो । जजत हैं हम पाप सबै हरो ॥ ३ ॥

ॐ ह्रीं कार्तिकशुक्लत्रयोदश्यां निःक्रमणकल्याणकप्राप्ताय श्रीपद्मप्रभजिनेन्द्राय अर्घ्यं  
सुकलपूनमचैत सुहावनी । परमकेवल सो दिन पावनी ॥

सुरसुरेश नरेश जजै तहाँ । हम जजै पदपंकजको इहाँ ॥ ४ ॥

ॐ ही चैत्रपूर्णिमायां केवलज्ञानप्राप्ताय श्रीपद्मप्रभजिनेन्द्राय अर्घ्यं निर्वपामीति स्वाहा ॥४॥  
असित फागुन चौथ सुजानियो । सकलकर्ममहारिपु हानियो ॥

गिरिसमेदथकी शिवको गये । हम जजै पद ध्यानविषै लये ॥ ५ ॥

ॐ ह्रीं फाल्गुनकृष्णचतुर्थीदिने मोक्षमङ्गलमण्डिताय श्रीपद्मप्रभजिनेन्द्राय अर्घ्यं ॥ ५ ॥

## जयमाला ।

छंद घत्तानंद ।

जय पद्मजिनेशा शिवसद्मेशा, पादपद्म जजि पद्मेशा ।

जय भवतमभंजन मुनिमनकंजन,—रंजनको दिवसाधेशा ॥ १ ॥

## छंद रूपचौपाई ।

जय जय जिन भविजनहितकारी । जय जय जिन भवसागरतारी ॥ जय जय समवसरन  
 धनधारी । जय जय वीतराग हितकारी ॥ २ ॥ जय तुम साततत्व विधि भाख्यौ । जय जय  
 नवपदार्थ लखि आख्यौ ॥ जय पटद्रव्यपंच जुत काया । जय सबभेद सहित दरशाया ॥ ३ ॥  
 जय गुनथान जीव परमानो । जय पहिले अनंत जिय जानो ॥ जय दूजे शासादनमाही ।  
 तेरहकोड़ि जीवथित आंहीं ॥ ४ ॥ जय तीजे मिश्रितगुणथाने । जीव सु बावनकोड़ि प्रमाने ॥  
 जय चौथे अविरति गुन जीवा । चारअधिक शतकोड़ि सदीवा ॥ ५ ॥ जय जिय देशवरतमें  
 शेषा । कौड़ि सातसौ हैं थिति वेशा ॥ जय प्रमत्त पटशून्य दोग वसु । पांच तीन नव पांच  
 जीव लसु ॥६॥ जय जय अपरमत्तगुन कोरं । लच्छ छानवै सहस बहोरं ॥ निन्यानवे एकशत  
 तीना । ऐते मुनि तित रहहिं प्रवीना ॥७॥ जय जय अष्टममें दुइ धारा । आठशतक सत्तानों  
 सारा ॥ उपशममें दुइसो निन्यानों । छपकमाहिं तसु दूने जानों ॥८॥ जय इतने २ हितकारी ।  
 नवें दर्शें जुगश्रेणी धारी ॥ जय ग्यारें उपशममगगामी । दुइसैं निन्यानों अध आमी ॥९॥  
 जय जय छीनमोह गुनथानों । मुनिशतपांचअधिक अट्टानों ॥ जय जय तेरहमें अरहंता ।  
 जुग नभ पन वसु नव वसु तंता ॥१०॥ एते राजतुं हैं चतुरानन । हम बंदै पद थुतिकरि  
 आनन ॥ हैं अजोग गुनमें जे देवा । पनसोठानों करों सुसेवा ॥११॥ तित तिथि अइउमृहल

लघु भापत । करि थिति फिर शिवआनंद चाखत । ए उतकृष्ट सकलगुण थानी । तथा जघन  
मध्यम जे प्रानी ॥१२॥ तीनो लोकसदनके वासी । निज गुनपरजभेदमय राशी ॥ तथा और  
द्रव्यनके जेते । गुनपरजाय भेद हैं तेते ॥१३॥ तीनों कालनते जु अनंता । सो तुम जानत  
जुगणत संता ॥ सोई दिव्यवचनके द्वारे । दै उपदेश भवकि उद्दारे ॥१४॥ फेरि अचलथल-  
वासा कीनों । गुन अनंत निजआनंदभीनों ॥ चमरदेहते किंचित ऊनो । नरआकृति तित हैं  
नित गूनो ॥१५॥ जय जय सिद्धदेव हितकारी । बार बार यह अरज हमारी ॥ मोकों दुख  
सागरते । काढो वृंदावन जांचतु हैं ठाढो ॥१६॥

छंद घत्ता ।

जय जय जिनचंदा पद्मानंदा, परमसुमतिपद्माधारी ॥

जय जनहितकारी दयाविचारी, जय जय जिनवर अधिकारी ॥

ॐ ह्रीं श्रीपद्मप्रभजिनेन्द्राय महार्घं निर्वपामीति स्वाहा ॥

छंद रोडक ।

जजत पद्मपद्मसद्म ताके सुपद्म अत ।

होत वृद्ध सुतमित्र सकल आनंदकंद शत ॥

लहत स्वर्गपदराज, तहाँतें चय इत आई ।  
चक्रीको सुख भोगि, अंत शिवराज कराई ॥ ८ ॥

इत्याशीर्वाद ।

इतिश्रीपद्मप्रभजिन पूजा समाप्त ।

## सुपार्श्वनाथजिनपूजा ।

छंद हरिगीता तथा गीता ।

जय जय जिनिंद गनिंद इंद, नरिंद गुन चिंतन करै ।  
तन हरीहर मनसम हरत मन, लखत उर आनंद भरै ॥  
नृप सुपरतिष्ठ वरिष्ठ इष्ट, महिष्ठ शिष्ठ पृथी प्रिया ।  
तिन नंदके पद वंद वृंद, अमंद थापत जुतक्रिया ॥ १ ॥  
ॐ ह्रीं सुपार्श्वनाथजिनेन्द्र अत्र अवतर अवतर । संवौष्ट ॥ १ ॥  
ॐ ह्रीं सुपार्श्वनाथजिनेन्द्र अत्र तिष्ठ तिष्ठ । ठः ठः ॥ २ ॥

ॐ ह्रीं सुपार्श्वनाथजिनेन्द्र अत्र ममसन्निहितो भव भव । वषट् ॥ ३ ॥

चाल ध्यानतरायजीकृत सोलहकारणभाषाष्टककी ।

तुम पदपूजो मनवचकाय, देव सुपारस शिवपुरराय ॥

दयानिधि हो, जय जगबंधु दयानिधि हो ॥

उज्जल जल शुचि गंध मिलाय, कंचनभारी भरकर लाय ।

दयानिधि हो, जयजगबंधु दयानिधि हो ॥ तुम० ॥ १ ॥

ॐ ह्रीं श्रीसुपार्श्वनाथजिनेन्द्राय जन्ममृत्युविनाशनाय जलं निर्वपामि ॥

मलयागरचंदन घँसि सार, लीनो भवतपभंजनहार ।

दयानिधि हो, जयजगबंधु दयानिधि हो । तुम० ॥ २ ॥

ॐ ह्रीं श्रीसुपार्श्वनाथ जिनेन्द्राय भवतापविनाशाय चंदनं निर्वपामीति ॥ २ ॥

देवजीर सुखदास अखंड । उज्जल जलछालित सित मंड ॥

दयानिधि हो, जयजगबंधु दयानिधि हो । तुम० ॥ ३ ॥

ॐ ह्रीं श्रीसुपार्श्वनाथ जिनेन्द्राय अक्षयपदप्राप्तये अक्षतान् निर्वपामीति ॥ ३ ॥

प्रासुक सुमन सुगंधित सार । गुंजत अलि मकरध्वजहार ॥  
 दयानिधि हो, जयजगबंधु दयानिधि हो । तुम० ॥ ४ ॥

ॐ ह्रीं श्रीसुपार्श्वनाथ जिनेन्द्राय कामवाणविध्वंसनाय पुष्पं निर्वपामि ॥ ४ ॥

छुधाहरन नेवज वर लाय । हरों वेदनी तुम्हें चढ़ाय ॥  
 दयानिधि हो, जयजगबंधु दयानिधि हो । तुम ॥ ५ ॥

ॐ ह्रीं श्रीसुपार्श्वनाथजिनेन्द्राय क्षुधारोगविध्वंसनाय चरुं निर्वपामीति ॥ ५ ॥

ज्वलित दीप भरकरि नवनीत । तुमढिग धारतु हों जगमीत ॥  
 दयानिधि हो, जयजगबंधु दयानिधि हो । तुम० ॥ ६ ॥

ॐ ह्रीं श्रीसुपार्श्वनाथजिनेन्द्राय मोहान्धकारविनाशनाय दीपं निर्वपामि ॥६॥

दशविधि गंध हुताशनमाहिं । खेवत कूर करम जरि जाहिं ॥  
 दयानिधि हो, जयजगबंधु दयानिधि हो । तुम० ॥ ७ ॥

ॐ ह्रीं श्रीसुपार्श्वनाथजिनेन्द्राय अष्टकर्मदहनाय धूपं निर्वपामीति ॥७॥

श्रीफल केला आदि अनूप । लै तुम अग्र धरौं शिवमूप ॥

दयानिधि हो, जयजगबंधु दयानिधि हो । तुम० ॥ ८ ॥

ॐ ह्रीं श्रीसुपार्श्वनाथजिनेन्द्राय मोक्षफलप्राप्तये फलं निर्वपामीति ॥८॥

आठों दरबसाजि गुनगाय । नाचत राचत भगति बढ़ाय ॥

दयानिधि हो, जयजगबंधु दयानिधिहो ॥ तुम० ॥ ९ ॥

ॐ ह्रीं श्रीसुपार्श्वनाथजिनेन्द्राय अनर्घ्यपदप्राप्तये अर्घ्यं निर्वपामीति ॥९॥

### पञ्चकल्याणक ।

छंद द्रुतिविलंबित तथा सुन्दरी ( वर्ण १२ ) ।

सुकलभादवच्छट्ट सुजानिये । गरभमंगल तादिन मानिये ॥

करत सेव सची रचि मातकी । अरघलेय जजौं वसुभांतिकी ॥ १ ॥

ॐ ह्रीं भाद्रपदशुक्लापष्टिदिने गर्भमङ्गलमंडिताय श्रीसुपार्श्वनाथजिनेन्द्राय अर्घ्यं ॥ १ ॥

सुकलजेठदुवादशि जन्मये । सकल जीव सु आनंद तन्मये ॥

त्रिदशराज जजै गिरिराजजी । हम जजै पद मंगल साजजी ॥ २ ॥

ॐ ह्रीं ज्येष्ठशुक्लद्वादश्यां जन्ममङ्गलमण्डिताय श्रीसुपार्श्वनाथजिनेन्द्राय अर्घं ॥२॥  
 जनमके तिथ श्रीधरने धरी । तप समस्त प्रमादनको हरी ॥  
 नृपमहेन्द्र दियो पय भावसों । हम जजौं इन श्रीपद चावसों ॥ ३ ॥

ॐ ह्रीं ज्येष्ठशुक्लद्वादश्यां निक्रमणकल्याणप्राप्ताय श्रीसुपार्श्वनाथजिनेन्द्राय अर्घं ॥३॥  
 भ्रमरफागुनछट्ट सुहावनों । परमकेवलज्ञान लहावनों ॥  
 समवसर्नविषै वृष भाखियो । हम जजौं पद आनंद चाखियो ॥ ४ ॥

ॐ ह्रीं फाल्गुनकृष्णपष्टिदिने ज्ञानसाध्राज्यपदप्राप्ताय श्रीसुपार्श्वनाथजिनेन्द्राय अर्घं ॥४॥  
 असितफागुणसांतयै पावनों । सकलकर्म कियो छय भावनों ।  
 गिरिसमेदथकी शिव जातु हैं । जजत ही सब विघ्न विलातु हैं ॥ ५ ॥

ॐ ह्रीं फाल्गुनकृष्णसप्तमीदिने मोक्षमङ्गलप्राप्ताय श्रीसुपार्श्वनाथजिनेन्द्राय अर्घं ॥५॥

जयमाला ।

दोहा—तुंग अंग धनु दौयसो, शोभा सागरचंद ।



# मिथ्यातपहर सुगुनकर, जय सुपास सुखकंद ॥ १ ॥

छंद कामिनीमोहन ( २० मात्रा । )

जाति जिनराज शिवराजहितहेत हो । परमवैरागआनंद भरि देत हौ ॥ गर्भकेपूर्व  
षट्मास घनदेवने । नगर निरमाशि वाराणसी सेवने ॥ २ ॥ गगनसों रतनकी धार बहु  
वरपहीं । कोड़ि त्रैअर्द्ध त्रैवार सब हरषहीं ॥ तातके सदन गुनवदन रचना रची । मातुकी  
सर्गविधि करत सेवा सची ॥ ३ ॥ भयो जव जनम तब इंद्रआसन चलयों । होय चक्रित  
तुरित अवधितै लखि भल्यो । सप्त पग जाय शिरनाय वन्दन करी । चलन उमग्यो तबै  
मानि धनि धनि घरी ॥ ४ ॥ सातविधि सैन गज वृषभ रथ वाज लै । गन्धरब निरतकारी  
सवै साज लै ॥ गलितमदगण्ड ऐरावती साजियो । लच्छजोजन सु तन वदन सत  
राजियो ॥ ५ ॥ वदन वसुदन्त प्रतिदन्त सरवर भरे । तासुमधि शतकपनबीस कमलिनी  
खरे ॥ कमलनी मध्य पनवीस फूले कमल । कमलप्रति कमलमहँ एकसौ आठदल ॥ ६ ॥  
सर्वदल कोड़शतबीस परमान जू । तासुपर अपछरा नचहिं जुतमान जू ॥ तततता तततता  
विततता ताथई । धृगतता धृगतता धृगततामें लई ॥ ७ ॥ धरत पग क्षनन नन सनन नन  
गगनमें । नूपुरें भनन नन भनन नन पगनमे । केइ तित वजत बाजे मधुर पगनमे ॥ ८ ॥

केइ द्रुम द्रुम सुद्रुम द्रुम मृदंगनि धुनै । केइ भल्लरि भनन भंभनन भंभनै ॥ केइ संसागृदि  
 संसागृदि सारांगि सुर । केइ वीनापट्टह वंसि बाजै मधुर ॥ ९ ॥ केइ तनननन तनननन तानै  
 पुरै । शुद्ध उच्चारि सुर केइ पाठै फुरै ॥ केइ भुकि भुकि फिरै चक्रसी भानमी । धृगततां  
 धृगतगत परम शोभा बनी ॥ १० ॥ केइ छिन निकट छिन दूर छिन थूल लघु । धरत  
 वैक्रियकपरभावसों तन सुभगु ॥ केइ करताल करलालतलमें धुनै । तत वितत घन सुखरि  
 जात बाजै सुनै ॥ ११ ॥ इन्हें आदिक सकल साज संग धारिकै । आय पुर तीन फेरी करी  
 प्यारकै ॥ सचिय तब जाय परसूतथल मोदमें । मातु करि नींद लीनों तुम्हें गोदमें ॥ १२ ॥  
 आनगिरवाननाथहिं दियो हाथमे । छत्र अर चमर वर हरि करत माथमे ॥ चढे गजराज  
 जिनराज गुन जापियो । जाय गिरिराजपांडुकशिला थापियो ॥ १३ ॥ लेय पंचमउदधिउदक  
 करकर सुरनि । सुरन कलशनि भरे सहित चर्चित पुरनि ॥ नहस अरु आठ शिर कलश ढारे  
 जबै । अघघ घघ घघघघघ भभभ भभ भौ तबै ॥ १४ ॥ धधध धध धधध धध धुनि मधुर  
 होत है । भव्यजनहंसके हरश उद्योत है ॥ भयै इमि न्हौन तब सकल गुन रंगमें । पौछि  
 शृंगार कीनों सची अंगमें ॥ १५ ॥ आनि पितुसदन शिशु सौंपि हरि थल गयो । बालबय  
 तरुन लहि राजसुख भोगयो ॥ भोग तज जोग गहि चार अरिकों हने । धारि केवल परम-  
 धरम दुइविधि भने ॥ १६ ॥ नाशि अरि शेष शिवथानवासी भये । भानद्वगशर्मबीरजअनंते

लये ॥ सो जगतराज यह अरज उर धारियो । धरमके नंदको भवउदधि तारियो ॥ १७ ॥

छंद घत्तानंद ।

जय करुनाधारी शिवहितकारी, तारनतरनजिहाजा हो ।  
सेवक नित बंदै मनआनंदै, भवभयमेटनकाजा हो ॥ १८ ॥

ॐ ह्रीं श्रीसुपार्श्वनाथजिनेन्द्राय पूर्णार्घं निर्वपामीति स्वाहा ॥

दोहा—श्रीसुपार्श्वपदजुगल जो, जजै पढ़ै यह पाठ ।  
अनुमोदै सो चतुर नर, पावै आनंद ठाठ ॥ १९ ॥  
इत्याशीर्वादाय पुष्पाञ्जलिं क्षिपेत् ।

## श्रीचन्द्रप्रभजिनपूजा ।

छप्पय—अनौष्ठय जमकालंकार तथा शब्दालंकार शान्तरस ।

चारुचरन आचरन, चरन चितहरनचिहनचर ।  
चंदचंदतनचरित, चंदथल चहत चतुर नर ॥

चतुक चंड चकचूरि, चारि चिदचक्र गुनाकर ।  
चंचल चलितसुरेश, चूलनुत चक्र धनुरहर ॥  
चरअचरहितू तारनतरन, सुनत चहकि चिरनंद शुचि ।  
जिनचंदचरन चरच्यो चहत, चितचकोर नचि रच्चि रुचि ॥ १ ॥

दोहा—धनुष डेढसौ तुंग तन, महासेन नृपनंद ।  
मातुलछना उर जये, थापों चंदजिनंद ।

ॐ ह्रीं श्रीचन्द्रप्रभजिनेन्द्र ! अत्र अवतर अवतर । संवोषट् ।

ॐ ही श्रीचन्द्रप्रभजिनेन्द्र ! अत्र तिष्ठ तिष्ठ । ठः ठः ।

ॐ ह्रीं श्रीचन्द्रप्रभजिनेन्द्र ! अत्र मम सन्निहितो भव भव । वशट् ॥

**अष्टक ।**

चाल घानतरायकृत नंदीश्वराष्टककी अष्टपदी तथा होलीकी तालमें, तथा  
गरभा आदि अनेक चालोमे ।

गंगाहृदनिरमलनीर, हाटकभृंगभरा ।  
तुम चरन जजों वरवीर, मेटो जनमजरा ॥  
श्रीचंदनाथदुति चंद, चरनन चंद लगै ।

मनवचतन जजत अमंद, आतमजोति जगै ॥ १ ॥  
ॐ ह्रीं श्रीचन्द्रप्रभजिनेन्द्राय जन्मजरामृत्युविनाशनाय जलं निर्वपामि ॥ १ ॥

श्रीखंडकपूर सुचंग, केशररंग भरी ।  
घँसि प्रासुकजलके संग भवआतप हरी ॥ श्री० ॥ २ ॥  
ॐ ह्रीं श्रीचन्द्रप्रभजिनेन्द्राय भवतापविनाशनाय चंदनं निर्वपामि ॥ २ ॥

तंदुल सित सोमसमान, सम लय अनियारे ।  
दिय पुंज मनोहर आन, तुमपदतर प्यारे ॥ श्री० ॥ ३ ॥  
ॐ ह्रीं चन्द्रप्रभजिनेन्द्राय अक्षयपदप्राप्तये अक्षप्तान् निर्वपामि ॥ ३ ॥

सुरद्रुमके सुमन सुरंग, गंधिन अलि आवै ।

तासों पद पूजन चंग, कामविथा जावै ॥ ४ ॥

ॐ ह्रीं श्रीचन्द्रप्रभजिनेन्द्राय वामवाणविध्वंसनाय पुष्पं निर्वपामि ॥ ४ ॥

नेवज नानापरकार, इन्द्रियबलकारी ।

सो लै पद पूजों सार, आकुलताहारी ॥ श्री० ॥ ५ ॥

ॐ ह्रीं श्रीचन्द्रप्रभजिनेन्द्र शुधारोगविनाशनाय नैवेद्यं निर्वपामि ॥ ५ ॥

तमभंजन दीप सँवार, तुमढिग धारतु हों ।

मम तिमिरमोह निरवार, यह गुन धारतु हों ॥ श्री० ॥ ६ ॥

ॐ ह्रीं श्रीचन्द्रप्रभजिनेन्द्राय मोहान्धकारविनाशनाय दीपं निर्वपामि ॥ ६ ॥

दशगंधहुतासनमाहिं हे प्रभु खेवतु हौं ।

मम करम दुष्ट जरि जाँहि, यातैं सेवतु हौं ॥ श्री० ॥ ७ ॥

ॐ ह्रीं श्रीचन्द्रप्रभजिनेन्द्राय अष्टकर्मदहनाय धूपं निर्वपामीति स्वाहा ॥ ७ ॥

अति उत्तमफल सु मंगाय, तुम गुनगावतु हौं ।

पूजों तनमन हरपाय, विघन नशावतु हौं ॥ श्री० ॥ ८ ॥

ॐ ह्रीं श्रीचन्द्रप्रभजिनेन्द्राय मोक्षफलप्राप्तये फलं निर्वपामीति स्वाहा ॥ ८ ॥

सजि आठों दरब पुनीत, आठों अंग नमों ।

पूजों अष्टमजिन मीत, अष्टम अवनी गमों ॥ श्री० ॥६॥

ॐ ह्रीं श्रीचन्द्रप्रभजिनेन्द्राय अनर्घ्यपदप्राप्तये अर्घ्यं निर्वपामीति स्वाहा ॥

पंचकल्याणक ।

छंद तोटक ( वर्ण १२ ) ।

कलि पंचमचैत सुहात अली । गरभागममंगल मोद भली ॥

हरि हर्षित पूजत मातु पिता । हम ध्यावत पावत शर्मसिता ॥१॥

ॐ ह्रीं चैत्रकृष्णपञ्चम्यां गर्भमङ्गलप्राप्ताय श्रीचन्द्रप्रभजिनेन्द्राय अर्घं निर्वपामीति ॥ १ ॥

कलि पौषइकादशि जन्म लयो । तब लोकविषै सुखथोक भयो ॥

सुरईश जजै गिरशीश तबै । हम पूजत हैं नुतशीस अबै ॥ २ ॥

ॐ ह्रीं पौषकृष्णैकादश्यां जन्ममंगलप्राप्ताय श्रीचन्द्रप्रभजिनेन्द्राय अर्घं ॥ २ ॥

तप दुद्धर श्रीधर आप धरा । कलिपौष इग्यारसि पर्व वरा ॥

निजध्यानविषै लवलीन भये । धनि सो दिन पूजत विघ्न गये ॥३॥

ॐ ह्रीं पौषकृष्णौकादश्यां निःक्रमणमहोत्सवमण्डिताय श्रीचन्द्रप्रभजिनेन्द्राय अर्घं ॥३॥  
कर केवलभानु उद्योत कियो । तिहुं लोकतणों भ्रम मेट दियो ॥  
कलिफाल्गुणसप्तमी इन्द्र जजे ॥ हम पूजहिं सर्व कलंक भजे ॥४॥

ॐ ह्रीं फाल्गुनकृष्णसप्तम्यां केवलज्ञानमंडिताय श्रीचन्द्रप्रभजिनेन्द्राय अर्घं ॥ ४ ॥  
सित फाल्गुण सप्तमि मुक्ति गये ॥ गुणवंत अनंत अबाध भये ॥  
हरि आय जजे तित मोदधरे ॥ हम पूजत ही सब पाप हरे ॥५॥  
ॐ ह्रीं फाल्गुनशुक्लसप्तम्यां मोक्षमंगलमण्डिताय श्रीचन्द्रप्रभजिनेन्द्राय अर्घं ॥ ५ ॥

जयमाला ।

दोहा—हे मृगाकञ्चित्चरण, तुम गुण अगम अपार ।

गणधरसे नहिं पार लहिं, तौ को वरनत सार ॥ १ ॥

पै तुम भगति हिये मम, प्रेरै अति उमगाय ।



तातें गाऊं सुगुण तुम, तुम ही होउ सहाय ॥ २ ॥

छंद पद्धरि ( १६ मात्रा । )

जय चन्द्र जिनेन्द्र दयानिधान । भवकानन हानन द्वप्रमान ॥ जय गरभजनममंगल  
दिनंद । भवि जीवविकाशन शर्मकंद ॥ ३ ॥ दशलक्षपूर्वकी आयु पाय । मनवांछित सुख  
भोगे जिनाय ॥ लखि कारण ह्वै जगतै उदास । चिंत्यो अनुप्रेक्षा सुखनिवास ॥ ४ ॥ तित  
लौकांतिक बोध्यो नियोग । हरि शिविका सजि धरियो अभोग ॥ तापै तुम चढ़ि जिनचंद्राय  
ताछिनकी शोभाको कहाय ॥ ५ ॥ जिन अंग सेत सित चमर ढार । सित छत्र शीस गलगुल-  
कहार ॥ सित रतनजड़ित भूषण विचित्र । सित चन्द्रचरण चरचै पवित्र ॥ ६ ॥ सित तन  
द्युति नाकाध्रीश आप सित शिवका कांधे धरि सुचाप ॥ सित सुजस सुरेश नरेश सर्व ।  
सित चितमें चिन्तत जात पर्व ॥ ७ ॥ सित चंद्रनगरतै निकसि नाथ । सित बनमै पहुंचे  
सकलसाथ ॥ सितशिलाशिरोमणि स्वच्छछाँह । सित तप तित धारयो तुम जिनाह ॥ सित  
पयको पारण परमसार सित चंद्रदत्त दीनो उदार ॥ सित करमें सो पयधार देत । मानो  
यांधत भवसिन्धुसेत ॥ ८ ॥ मानों सुपुण्यधारा प्रतच्छ । तित अचरज पन सुर किय  
ततच्छ ॥ फिर जाय गहन सित तपकरंत । सित केवलज्योति जग्यो अनंत ॥ लहि समवस-

रणरचना महान । जाके देखत सब पापहान ॥ जहँ तरु अशोक शोभै उतंग । सब शोकतनो  
चूरै प्रसंग ॥ ११ ॥ सुर सुमनवृष्टि नभतै सुहात । मनु मन्मथ तज हथियार जात ॥ बानी  
जिन मुखसौँ खिरत सार । मनुतवप्रकाशन मुकुर धार ॥ १२ ॥ जहँ चौंसठ चमर अमर  
हुंरत । मनु सुजस मेघभरि लगिय तंत ॥ सिंहासन है जहँ कमलजुक्त । मनु शिवसर-  
वरको कमलशुक्त ॥ १३ ॥ दुंदभि जित बाजत मधुर सार । मनु करमजीतको है नगार ॥  
सिर छत्र फिरै त्रय श्वेतवर्ण । मनु रतन तीन त्रयताप हर्ण ॥ १४ ॥ तन प्रभातनों मंडल  
सुहात । भवि देखत निजभव सात सात मनुदर्पणद्युति यह जगमगाय । भविजन भव मुख  
देखत सुआय ॥ १५ ॥ इत्यादि विभूति अनेक जान बाहिज दीसत महिमा महान ॥ ताको  
वरणत नहिं लहत पार । तौ अन्तरंगको कहै सार ॥ १६ ॥ अनअंत गुणनिजुत करि विहार ।  
धरमोपदेश दे भव्य तार ॥ फिर जोगनिरोधि अघाति हानि । सम्मेदथकी लिय मुकतिथान  
॥ १७ ॥ वृन्दावन बन्दत शीश नाय । तुम जानत हो मम उर जु भाय ॥ तातैका कहौं सु  
बार बार । मनवांछित कारज सार सार ॥ १८ ॥

छंद घत्तानंद ।

जय चंदजिनंदा आनंदकंदा, भवभयभंजन राजै है ॥  
रागादिकदंदा हरि सब फंदा, मुकतिमांहि थिति साजै है ॥ १६ ॥

ॐ ह्रीं श्रीचन्द्रप्रभजिनेन्द्राय पूर्णाघं निर्वपामीति स्वाहा ॥

छंद चौबोला ।

आटों दरब मिलाय गाय गुण, जो भविजन जिनचंद जजौं ॥

ताके भवभवके अघ भाजै, मुक्तासारसुख ताहि सजै ॥२०॥

जमके त्रास मिटै सब ताके, सकल अमंगल दूर भजौं ।

वृन्दावन ऐसो लखि पूजत, जातै शिवपुरि राज रजौं ॥२१॥

इत्याशीर्वादः परिपुष्पाञ्जलिं क्षिपेत् ।

## श्रीपुष्पदन्तजिनपूजा ।

छंद मदावलित्तकपोल तथा रोड़क ( मात्रा २४ ) ।

पुष्पदंत भगवंत संत सुजपंत तंत गुन ।

महिमावंत महंत कंत शिवतियरमंत मुन ॥

काकंदीपुर जनम पिता सुग्रीव रमासुत ।

स्वेतवरन मनहरन तुम्हें थापों त्रिवार नुत ॥ १ ॥

ॐ ह्रीं श्रीपुष्पदन्तजिनेन्द्र ! अत्र अवतर अवतर । संवौषट् ॥

ॐ ह्रीं श्रीपुष्पदन्तजिनेन्द्रय ! अत्र तिष्ठ तिष्ठ । ठः ठः ॥

ॐ ह्रीं श्रीपुष्पदन्तजिनेन्द्र ! अत्र मम सन्निहितो भव भव ॥ वषट् ॥

चाल होली, ताल जत्त ।

मेरी अरज सुनीजे, पुष्पदन्त जिनराय, मेरी ॥ टेक ॥

हिमवनगिरिगतगंगाजलभर, कंचनभृंग भराय ।

करमकलंक निवारनकारन, जजों, तुम्हारे पाय ॥ मेरी० ॥ १ ॥

ॐ ह्रीं श्रीपुष्पदन्तजिनेन्द्राय जन्मजरामृत्युविनाशनाय जलं निर्वपामीति स्वाहा ॥

बावन चंदन कदलीनंदन, कुंकुमसंग घसाय ।

चरचों चरन हरन मिथ्यातप, वीतराग गुणगाय ॥ मेरी० ॥ २ ॥

ॐ ह्रीं श्रीपुष्पदन्तजिनेन्द्राय भवतापविनाशनाय चंदनं निर्वपामीति स्वाहा ॥ २ ॥

शालि अखंडित सौरभमंडित, शशिसम द्युति दमकाय ।

ताको पुंज धरों चरननडिग, देहु अखयपद राय ॥ मेरी० ॥ ३ ॥

ॐ ह्रीं श्री पुष्पदन्तजिनेन्द्राय अक्षयपदप्राप्तये अक्षतान् निर्वपामीति स्वाहा ॥ ३ ॥

सुमन सुमनसम परिमलमंडित, गुंजतअलिगन आय ।

ब्रह्मपुत्रमदभंजनकारन, जजों तुम्हारे पाय ॥ मेरी० ॥ ४ ॥

ॐ ह्रीं श्रीपुष्पदन्तजिनेन्द्राय कामवाणविध्वंसनाय पुष्पं निर्वपामीति स्वाहा ॥ ४ ॥

घेवरवावर फेनी गोंभा, मोदन मोदक लाय ।

छुधावेदनीरोगहरनको, भेंट धरों गुणागाय ॥ मेरी० ॥ ५ ॥

ॐ ह्रीं श्रीपुष्पदन्तजिनेन्द्राय क्षुधारोगविनाशनाय नैवेद्यं निर्वपामीति स्वाहा ॥ ५ ॥

वाति कपूर दीप कंचनमय, उज्वल ज्योति जगाय ।

तिमिरमोहनाशक तुमको लखि, धरों निकट उमगाय ॥ मेरी० ॥ ६ ॥

ॐ ह्रीं श्रीपुष्पदन्तजिनेन्द्राय मोहान्धकारविनाशनाय दीपं निर्वपामीति स्वाहा ॥ ६ ॥

दशवर गंध धनंजयके संग, खेवत हौं गुन गाय ।

अष्टकर्म ये दुष्ट जरै सो, धूम घूम सु उड़ाय ॥ मेरी० ॥ ७ ॥

ॐ ह्रीं श्रीपुष्पदन्तजिनेन्द्राय अष्टकर्मदहनाय धूपं निर्वपामीति स्वाहा ॥ ७ ॥  
श्रीफल मातुलिंग शुचि चिरभट, दाड़िम आम मँगाय ।  
तासों तुमपदपद्म जजत हों, विघनसघन मिट जाय ॥मेरी०॥८॥

ॐ ह्रीं श्रीपुष्पदन्तजिनेन्द्राय मोक्षफलप्राप्तये फलं निर्वपामीति स्वाहा ॥ ८ ॥  
जल फल सकल मिलाय मनोहर, मनवचतन हुलसाय ॥  
तुमपद पूजों प्रीति लायकै, जय जय त्रिभुवनराय ॥मेरी०॥९॥

ॐ ह्रीं श्रीपुष्पदन्तजिनेन्द्राय अनर्घ्यपदप्राप्तये अर्घं निर्वपामीति स्वाहा ॥ ९ ॥

### पञ्चकल्याणक ।

छंद स्वयंभू ( मात्रा ३२ ) ।

नवमीतिथिकारी फागुन धारी, गरभमांहिं थितिदेवाज्ञी ।  
तजि आरणथानं कृपानिधानं, करत सची तितसेवाजी ॥  
रतननकी धारा परमउदारा, पर्यो व्योमर्ते साराजी ॥

में पूजों ध्यावों भगतवढावों, करो मोहि भवपाराजी ॥ १ ॥

ॐ ह्रीं फाल्गुनकृष्णनवम्यां गर्भमङ्गलप्राप्तये श्रीपुष्पदन्तजिनेन्द्राय अर्घं ॥ १ ॥

मँगसिर सितपच्छं तरिवा स्वच्छं, जनमे तीरथनाथाजी ।

तव ही चवभेवा निरजर येवा, आय नये निजमाथाजी ॥

सुरगिरनहवाये, मंगलगाये, पूजे प्रीति लगाईजी ।

में पूजों ध्यावों भगतवढावों, निजनिधिहेत सहाईजी ॥ २ ॥

ॐ ह्रीं मार्गशीर्षशुक्लप्रतिपदि जन्ममंगलप्राप्तये श्रीपुष्पदन्तजिनेन्द्राय अर्घं ॥ ३ ॥

सित मँगसिरमासा तिथिसुखरासा, एकमके दिन धारा जी ।

तप आतमज्ञानी आकुलहानी, मौनसहित अविकाराजी ॥

सुरमित्र सुदानीके घरआनी; गो-पय-पारन कीना है ।

तिनको में बन्दों पापनिकंदों, जो समतारसभीना है ॥ ३ ॥

ॐ ह्रीं मार्गशीर्षशुक्लप्रतिपदि तपमङ्गलमण्डिताय श्रीपुष्पदन्तजिनेन्द्राय अर्घं ॥ ३ ॥

सितकातिक गाये दोइज घाये, घातिकरम परचंडाजी ।  
 केवल परकाशे भ्रमतमनाशे, सकल सारसुख मंडाजी ॥  
 गनराज अठासी आनँदभासी, समवसरणवृषदाता जी ।  
 हरि पूजन आयो शीश नमायों, हम पूजैँ जगताताजी ॥४॥  
 ॐ ह्रीं कार्तिकशुक्लद्वितीयायां ज्ञानमङ्गलमण्डिताय श्रीपुष्पदन्तजिनेन्द्राय अर्घं ॥ ४ ॥  
 आसिन सित सारा आठैँ धारा, गिरिसमेद निरवाना जी ।  
 गुन अष्टप्रकारा अनुपमधारा, जैँ जैँ कृपानिधानाजी ॥  
 तित इंद्र सु आयौ पूज रचायौ, चिन्ह तहां करि दीना है ।  
 मैं पूजत हों गुन ध्याय महीसौँ, तुमरे रसमें भीना है ॥५॥  
 ॐ ह्रीं आश्विनशुक्लाष्टम्यां मोक्षमङ्गलमण्डिताय श्रीपुष्पदन्तजिनेन्द्राय अर्घं ॥ ५ ॥

### जयमाला

दोहा—लच्छन मगर सुश्वेत तन, तुंग धनुष शतएक ॥

ॐ ह्रीं कार्तिकशुक्लद्वितीयायां ज्ञानमङ्गलमण्डिताय श्रीपुष्पदन्तजिनेन्द्राय अर्घं ॥ ४ ॥



सुरनखंदित मुकतपति, नमों तुम्हें शिरटेक ॥ १ ॥  
पुहुपरदन गुनवदन है, सागरतोयसमान ॥

क्योंकर कर अंजुलिनकर, करिये तासु प्रमान ॥ २ ॥

छंद तामरस तथा नयमालिनी तथा चंडी मात्रा ( मात्रा १६ )

पुण्ड्रंत जयवंत नमस्ते । पुण्यतीर्थंकर संत नमस्ते ॥ ज्ञानध्यानअमलान नमस्ते ।  
चिद्विलास सुखज्ञान नमस्ते ॥ ३ ॥ भवभयभंजन देव नमस्ते मुनिगनकृतपदसेव नमस्ते ॥  
मिथ्यानिशिदिनइंद्र नमस्ते । ज्ञानपयोदधिचन्द्र नमस्ते ॥ ४ ॥ भवदुखतरुनिःकंद नमस्ते ।  
रागदोषमदहंद नमस्ते ॥ विश्वेश्वर गुनभूर नमस्ते ॥ धर्मसुधारसपूर नमस्ते ॥ ५ ॥ केवल  
ब्रह्मप्रकाश नमस्ते । सकल चराचरभास नमस्ते ॥ विघ्नमहीधरविज्जु नमस्ते । जय ऊरधग-  
तिरिज्जु नमस्ते ॥ ६ ॥ जय मकराकृतपाद नमस्ते । मकरध्वजमदवाद नमस्ते ॥ कर्मभर्म-  
परिहार नमस्ते । जय जय अश्रमउधार नमस्ते ॥ ७ ॥ दयाधुरंधर धीर नमस्ते । जय जय  
गुनगंभीर नमस्ते ॥ मुक्तिरमनिपति वीर नमस्ते । हरता भवभयपीर नमस्ते ॥ ८ ॥ व्ययउत-  
पतिधितिधार नमस्ते । निजअधार अविकार नमस्ते ॥ भव्यभवोदधितार नमस्ते । वृन्दा-  
वननिसतार नमस्ते ॥ ९ ॥

घत्ता छंद ( मात्रा ३२ ) ।

जय जय जिनदेवं हरिकृतसेवं, परमधरमधनधारी जी ॥  
मैं पूजौँ ध्यावौँ गुनगन गावौँ, मेटो विथा हमारी जी ॥ १० ॥

ॐ ह्रीं श्रीपुष्पदन्तजिनेन्द्राय पूर्णाघं निर्वपामीति स्वाहा ॥

छंद मदाविलिप्तकपोल ।

पुहुपदंतपद संत, जजैजोमन बचकाई ।  
नाचै गावै भगति करै, शुभपरनति लाई ॥  
सो पावै सुख सर्व, इंद अहिमिंद तनों वर ।  
अनुक्रमतै निरवान, लहै निहचै प्रमोदधर ॥ ११ ॥

इत्याशीर्वादः पृष्णिष्णाञ्जलिं क्षिपेत् ।

**श्रीशीतलनाथ जिनपूजा ।**

छंद मत्तमातंग तथा मत्तगयंद । ( वर्ण २३ )

शीतलनाथ नमो धरि हाथ, सुमाथ जिन्हों भवगाथ मिटाये ।  
अच्युततै च्युत मातसुनंदके, नंद भये पुरभइल भाये ॥  
वंश इखाक कियौ जिनभूषित, भव्यनको भवपार लगाये ।  
ऐसे कृपानिधिके पदपंकज, थापतु हौं हिय हर्ष बढ़ाये ॥ १ ॥

ॐ ह्रीं श्रीशीतलनाथजिनेन्द्र ! अत्र अवतर अवतर । संवौभट् ।

ॐ ह्रीं श्रीशीतलनाथजिनेन्द्र ! अत्र तिष्ठ तिष्ठ । ठः ठः ।

ॐ ह्रीं श्रीशीतलनाथजिनेन्द्र ! अत्र मम सन्निहितो भव भव । वपट् ।

अष्टक ।

छंद वसंततिलका ( वर्ण १४ ) ।

देवापगा सुवरवारि विशुद्ध लायौ ।

भृंगार हेमभरि भक्ति हिये बढ़ायौ ॥

रागादिदोषमलमर्दनहेतु येवा ।

चर्चौ पदाब्ज तव शीतलनाथ देवा ॥ १ ॥

ॐ ह्री श्रीशीतलनाथजिनेन्द्राय जन्मजरामृत्युविनाशनाय जलं निर्वपामीति स्वाहा ॥

श्रीखंडसार वर कुंकुम गारि लीनों ।

कंसंग स्वच्छ घसि भक्ति हिये धरीनों ॥ ॥ २ ॥

ॐ ह्री श्रीशीतलनाथजिनेन्द्राय भवतापविनाशनाय चंदनं निर्वपामीति स्वाहा ॥ २ ॥

मुक्तासमान सित तंदुल सार राजें ।

धारंत पुंज कलिकुंज समस्त भाजें ॥ रा० ॥ ३ ॥

ॐ ह्री श्रीशीतलनाथजिनेन्द्राय अक्षयपदप्राप्तये अक्षतान् निर्वपामीति स्वाहा ॥ ३ ॥

श्रीकेतकीप्रमुखपुष्प अदोष लायौ ।

नौरंग जंगकरि भृंग सुरंग पायौ ॥ रा० ॥ ४ ॥

ॐ ह्री श्रीशीतलनाथजिनेन्द्राय कामबाणविध्वंसनाय पुष्पं निर्वपामीति स्वाहा ॥ ४ ॥

नैवेद्य सार चरु चारु सँवारि लायौ ।

जांबूनदप्रभृतिभाजन शीस नायौ ॥ रा० ॥ ५ ॥

ॐ ही श्रीशीतलनाथजिनेन्द्राय क्षुधारोगविनाशनाय नैवेद्यं निर्वपामीति स्वाहा ॥ ५ ॥

स्रोहप्रपूरित सुदीपत जोति राजै ।

स्रोहप्रपूरित हिये जजलेऽघ भाजै ॥ रा० ॥ ६ ॥

ॐ हीं श्रीशीतलनाथजिनेन्द्राय अष्टकर्मदहनाय धूपं निर्वपामीति स्वाहा ॥ ६ ॥

कृष्णागुरुप्रमुखगंध हुताशमाहीं ।

खेवों तवाग्र वसुकर्म जरंत जाहीं ॥ रा० ॥ ७ ॥

ॐ हीं श्रीशीतलनाथजिनेन्द्राय अष्टकर्मदहनाय धूपं निर्वपामीति स्वाहा ॥ ७ ॥

निम्बाम्र कर्कटि सु दाड़िम आदि धारा ।

सौवर्ण गंध फलसार सुपक्व प्यारा ॥ रा० ॥ ८ ॥ ।

ॐ श्रीशीतलनाथजिनेन्द्राय मोक्षफलप्राप्तये फलं निर्वपामीति स्वाहा ॥ ८ ॥

कंश्रीफलादि वसु प्रासुकद्रव्य साजे ।

नाचे रचे मचत बज्जत सज्ज बाजे ॥ रा० ॥ ९ ॥

ॐ हीं श्रीशीतलनाथजिनेन्द्राय अनर्घ्यपदप्राप्तये अर्घं निर्वपामीति स्वाहा ॥ ९ ॥

## पञ्चकल्याणक ।

छंद इंद्रवज्रा तथा उपेन्द्रवध्ना (वर्ण ११)

आठै वदी चैत सुसुगर्भमाहीं । आये प्रभू मंगलरूप थाहीं ।  
सेवे सची मातु अनेक भेवा । चर्चौं सदा शीतलनाथ देवा ॥ १ ॥

ॐ ह्रीं चैत्रहृष्णाष्टम्यां गर्भमङ्गलमण्डिताय श्रीशीतलनाथजिनेन्द्राय अर्घं ॥ १ ॥

श्रीमाघकी द्वादशी श्याम जायो । भूलोकमें मंगलसार आयो ॥  
शैलेन्द्रपे इन्द्र फनिन्द्र जज्जे । मै ध्यानधारों भवदुःख भज्जे ॥ २ ॥

ॐ ह्रीं माघहृष्णाद्वादश्यां जन्ममंगलप्राप्ताय श्रीशीतलनाथजिनेन्द्राय अर्घं ॥ २ ॥

श्रीमाघकी द्वादशि श्याम जानों । बैराग्य पायो भवभाव हानों ॥  
ध्यायो चिदानंद निवार मोहा । चर्चौं सदा चर्न निवारि कोहा ॥

ॐ ह्रीं माघहृष्णाद्वादश्यां निःक्रमणमहोत्सवमण्डिताय श्रीशीतलनाथजिनेन्द्राय अर्घं ॥ ३ ॥

चतुर्दशी पौषवदी सुहायो । ताही दिना केवललब्धि पायो ॥

शोभै समोसृत्य बखानि धर्म । चर्चौ सदा शीतल पर्म शर्म ॥ ४ ॥

ॐ ह्रीं पौषकृष्णचतुर्दश्यां केवलज्ञानमण्डिताय श्रीशीतलनाथजिनेन्द्राय अर्घं ॥ ४ ॥

कुँवारकी आठयँ शुद्धबुद्धा । भये महामोक्षसरूप शुद्धा ॥

समेदतैँ शीतलनाथस्वामी । गुनाकरं तासु पदं नमामी ॥ ६ ॥

ॐ ह्रीं आश्विनशुक्लाष्टम्यां मोक्षमंगलप्राप्ताय श्रीशीतलनाथजिनेन्द्राय अर्घं ॥ ५ ॥

### जयमाला ।

छंद लोलतरंग ( वर्ण ११ ) ।

आप अनंतगुनाकर राजैँ । वस्तुविकाशनभानु समाजैँ ॥

मैं यह जानि गही शरना है । मोहमहारिपुको हरना है ॥ १ ॥

दोहा—हेमवरन तन तुंग धनु, नवैँ अतिअभिराम ।

सुरतरुअंक निहारि पद, पुनपुन करौँ प्रणाम ॥ २ ॥

छंद तोटक ( वर्ण १२ ) ।

जय शीतलनाथ जिन्द वरं । भवदाघदवानल मेघभरं ॥ दुखभृत्तभंजन वज्रसमं । भवसागर

नागर पोतपमं ॥ ३ ॥ कुहमानमयागदलोभहरं । अरि विघ्नगर्यंद मृगिंद वरं ॥ घृषवारिद्वृष्टन  
सृष्टिहित् । परदृष्टि विनाशन सुष्टुपित् ॥ ४ ॥ समवस्रतसंजुत राजतु हो । उपमा अभिराम  
विराजतु हो ॥ वर बारहभेद सभाथितको । तित धर्म बखानि कियौ हितको ॥ ५ ॥ पहले  
में श्रीगनराज रजे । दुतियेमें कल्पसुरी जु सजे ॥ त्रितिये गगनी गुनभूरि धरै । चवथे तिय-  
जोतिप जोति भरै ॥ ६ ॥ तिय विंतरनी पनमें गनिये । छहमें भुवनेसुर ती भनिये ॥ भुवनेश  
दशों थित सत्तम है । वसुमें वसुविंतर उत्तर है ॥ ७ ॥ नवमें नभजोतिप पंच भरे । दशमें  
दिविदेव समस्त खरे ॥ नरवृन्द इकादशमें निवसै । अरु बारहमें पशु सर्व लस ॥ ८ ॥ तजि  
नैर प्रमोद धर साथ ही । समतारसमग्र लसै तब ही ॥ धुनि विव्य सुने तजि मोहमलं । गन-  
राज असी धरि ज्ञानबलं ॥ ९ ॥ सबके हित तत्त्व बखान करै । करुनामनरंजित शर्म भरै ॥  
वरने पटदर्यतने जितने । वर भेद विराजतु है तितने ॥ १० ॥ पुनि ध्यान उभै शिवहेत मुना ।  
इक धर्म दुती सुकलं अधुना ॥ तित धर्म सुध्यानतणो गनियो । दशभेद लखे भ्रमको हनियो  
॥ ११ ॥ पहलो अरि नाश अपाय सही । दुतियो जिनवेन उपाय गही ॥ त्रिति जीवविचै  
निजध्यान हे । चवथो सु अजीव रमावन हे ॥ १२ ॥ पनमों सु उदैबलटारन है । छहमों अरि-  
रागनिगारन हे ॥ भगत्यागनधिंतन सप्तम है । नसुमों जितलोभ न आतम हे ॥ १३ ॥ नवमों  
जितकी पुनि क्षीर धरै । दशमो जिनभापित हेत करै ॥ इमि धर्मतणो दशभेद भन्यो । पुनि



शुक्लतणो चटु येम गन्यो ॥१४॥ सुपृथक्त वितर्कविचार सही । सुइकत्ववितर्कविचार गही ॥  
 पुनि सूक्ष्मक्रिया प्रतिपात कही । विपरीत क्रिया निरवृत्त लही ॥१५॥ इन आदिक सब परकाश  
 कियो । भवि जीवनको शिव स्वर्ग दियो ॥ पुनि मोच्छविहार कियो जिनजी । सुखसागर  
 मग्न चिरं गुनजी ॥ १६ ॥ अब मैं शरना पकरी तुमरी । सुधि लेहु दयानिधिजी हमरी ॥  
 भवव्याधि निवार करो अबही । मति ढील करो सुख द्यो सब ही ॥

छंद घत्तानंद ।

शीतलजिन ध्यावौ भगति बढ़ावौ, ज्यों रतनत्रयनिधि पावौ ।  
 भवदंद नशावौ शिवथल जावौ, फेर न भौवनमें आवौ ॥ १८ ॥

ॐ ह्रीं श्रीशीतलनाथजिनेन्द्राय पूर्णार्घ्यं निर्वपामीति स्वाहा ॥

छंद मालनी—दिदरथसुत श्रीमान्, पंचकल्याणधारी ।

तिनपदजुगपद्मं, जो जजै भक्तिधारी ।

सहसुख धनधान्यं, दीर्घ सौभाग्य पावै ।

अनुक्रम अरि दाहै, मोक्षको सो सिधावै ॥ १९ ॥

इत्याशीर्वादः पुष्पाञ्जलिं क्षिपेत् ।

# श्रीश्रेयांसनाथजिनपूजा ।

छंद रूपमाला तथा गीता ।

विमलनृप विमलासुअन, श्रेयांशनाथ जिनंद ॥

सिंघपुर जन्में सकल हरि, पूजि धरि आनंद ॥

भवबंधध्वंशनहेत लखि मैं, शरन आयौ येव ॥

थापौ चरन जुग उरकमलमें, जजनकारन देव ॥ १ ॥

ॐ ह्रीं श्रीश्रेयांशनाथजिनेन्द्र ! अत्र अवतर अवतर । संवौषट् ॥ १ ॥

ॐ ह्रीं श्रीश्रेयांसनाथजिनेन्द्र ! अत्र तिष्ठ तिष्ठ । ठः ठः ॥ २ ॥

ॐ ह्रीं श्रीश्रेयांसनाथजिनेन्द्र ! अत्र मम सन्निहितो भव भव । वषट् ॥ ३ ॥

छंद गीता तथा हरिगीता । ( मात्रा २८ )

कलधौतवरन उतंगहिमगिरिपदमद्रहतैं आवई ।

सुरसरितप्रासुकउदकसों भरि भृंग धार चढ़ावई ॥

श्रेयांसनाथ जिनंद त्रिभुवनवंद आनंदकंद हैं ।

दुखदंदफंदनिकंद पूरनचंद जोतिअमंद हैं ॥ १ ॥

ॐ ह्रीं श्रीश्रेयांसनाथजिनेन्द्राय जन्ममृत्युविनाशनाय जलं निर्वपामीति स्वाहा ॥

गोशीर वर करपूर कुंकुम नीरसंग घसों सही ।

भवतापभंजनहेत भवदधिसेत चरन जजों सही ॥ श्रे० ॥ २ ॥

ॐ ह्रीं श्रीश्रेयांसनाथजिनेन्द्राय भवतापविनाशनाय चंदनं निर्वपामीति ॥ २ ॥

सितशालि शशिदुतिशुक्तिसुन्दर मुक्तिकी उनहार हैं ।

भरि थार पुंज धरंत पदतर अखयपद करतार हैं ॥ श्रे० ॥ ३ ॥

ॐ ह्रीं श्रीश्रेयांसनाथजिनेन्द्राय अक्षयपदप्राप्तये अक्षतान् निर्वपामीति स्वाहा ॥ ३ ॥

सद सुमन सुमनसमान पावन, मलयतै मधु भंकरै ।

पदकमलतर धरतै तुरित सो मदनको मदखंकरै ॥ श्रे० ॥ ४ ॥

ॐ ह्रीं श्रीश्रेयांसनाथजिनेन्द्राय कामवाणविध्वंसनाय पुष्पं निर्वपामीति स्वाहा ॥

यह परममोदकआदि सरस संवारि सुंदर चरु लियौ ।

तुव वेदनीमदहरन लखि, चरचों चरन शुचिकर हियौ ॥श्रे०॥५॥

ॐ ह्रीं श्रीश्रेयांसनाथजिनेन्द्राय क्षुधारोगविनाशनाय नैवेद्यं निर्वपामीति स्वाहा ॥

संशयबिमोहविभरमतमभंजन दिनंदसमान हो ।

तातैं चरनढिग दीप जोऊं देहु अबिचल ज्ञान हो ॥ श्रे० ॥ ६ ॥

ॐ ह्रीं श्रीश्रेयांसनाथजिनेन्द्राय मोहान्धकार विनाशनाय दीपं नि० ॥ ६ ॥

वर अगर तगर कपूर चूर सुगंध भूर बनाइया ।

दहि अमरजिह्वविषैं चरनढिग करमभरम जराइया ॥श्रे०॥७॥

ॐ ह्रीं श्रीश्रेयांसनाथजिनेन्द्राय अपृकर्मदहनाय धूपं निर्वपामीति स्वाहा ॥ ७ ॥

सुरलोक अरु नरलोकके फल पक्व मधुर सुहावनें ।

लै भगतसहित जजौं चरन शिव परमपावन पावनें ॥ श्रे० ॥

ॐ ह्रीं श्रीश्रेयांसनाथजिनेन्द्राय मोक्षफलप्राप्तये निर्वपामीति स्वाहा ॥ ८ ॥

जलमलयतंदुलसुमनचरु अरु दीपधूपफलावली ।

करि अरघ चरचों चरन जुगप्रभुमोहि तार उतावली ॥श्रे०॥६॥

ॐ ह्री श्रीश्रेयांसनाथजिनेन्द्राय अनर्घ्यपदप्राप्तये अर्घं निर्वपामीति स्वाहा ॥ ६ ॥

## पंचकल्याणक ।

छंद भार्या ।

पुष्पोत्तर तजि आये, विमलाउर जेठकृष्ण आठैकों ।

सुरनर मंगल गाये, मैं पूजों नासि कर्मकाठैकों ॥ १ ॥

ॐ ह्रीं ज्येष्ठकृष्णाष्टम्यां गर्भमंगलमण्डिताय श्रीश्रेयांसनाथजिनेन्द्राय अर्घं ॥ १ ॥

जनमें फागुनकारी, एकादशि तीनग्यानदृगधारी ॥

इखाकवंशतारी, मैं पूजों घोर विघ्नदुखटारी ॥ २ ॥

ॐ ह्रीं फाल्गुनकृष्णैकादश्यां जन्ममंगलमण्डिताय श्रीश्रेयांसनाथजिनेन्द्राय अर्घं ॥२॥

भवतनभोग असारा, लख त्याग्यो धीर शुद्ध तपधारा ॥

फागुनवदि इग्यारा, मैं पूजों पाद अष्टपरकारा ॥ ३ ॥

ॐ ह्रीं काल्गुनरुष्णीकादश्यां निःकमणमहोत्सवमण्डिताय श्रीश्रेयांसनाथजिनेन्द्राय अर्घ्यं ॥३॥

केवलज्ञान सुज्ञान, माघवदी पूर्णातिथको देवा ।

चतुरानन भवमानन, बंदों ध्यावों करों सुपदसेवा ॥ ४ ॥

ॐ ह्रीं माघरुष्णामाघस्यायां केवलज्ञानमिण्डिताय श्रीश्रेयांसनाथजिनेन्द्राय अर्घ्यं ॥४॥

गिरिसमेदतें पायो, शिवथल तिथि पूर्णमासि सावनको ।

कुलिशायुध गुनगायो, मैं पूजों आपनिकट आवनको ॥ ५ ॥

ॐ ह्रीं श्रावणशुक्रपूर्णिमायां मोक्षमंगलमण्डिताय श्रीश्रेयांसनाथजिनेन्द्राय अर्घ्यं ॥५॥

### जयमाला ।

छंद लोलतरंग ( वर्ण ११ )

शोभित तुंग शरीर सुज्ञानों । चाप असी शुभलच्छन मानों ॥

कंचनवर्ण अनूपम सोहै देखत रूप सुरासुर मोहै ॥ १ ॥

छंद पद्यती ( मात्रा १६ )

जे जे श्रेयांस जिन गुनगरिष्ठ । तुमपदजुग दायक इष्टमिष्ट ॥ जय निष्ट शिरोमणि

जगतपाल जै भवसरोजगन प्रात काल ॥२॥ जै पंचमहावृतगजसवार । लै त्यागभावदलवल  
 सु लार ॥ जै धीरजको दलपति बनाय । सत्ताछितिमहँ रनको मचाय ॥ ३ ॥ धरि रतन  
 तीन तिहुं शक्तिहाथ । दशधरमकचच तपटोप माथ ॥ जै शुक्लध्यानकर खड़गधार । लल-  
 कारे आठौं अरि प्रचार ॥ ४ ॥ तामैं सबको पति मोहचंड । ताकों तत छिन करि सहस  
 खंड ॥ फिर ज्ञानदरसप्रत्यूह हान । निजगुनगढ लीनों अचल थान ॥ ५ ॥ शुवि ज्ञान दरस  
 सुख वीर्य सार, हुव समवसरणरचना अपार ॥ तित भाषे तत्व अनेक धार । जाकों सुनि  
 भव्य हियें विचार ॥ ६ ॥ निजरूप लछौ आनंदकार । भ्रम दूरकरनज्ञों अतिउदार ॥ पुनि  
 नयप्रमाननिच्छेपसार । दरसायो करि संशयप्रहार ॥७॥ तामैं प्रमान जुगभेद एव । परतच्छ  
 परोछ रजै सुमेव ॥ तामैं प्रतच्छके भेद दोय । पहिलो है संविवहार सोय ॥ ८ ॥ ताके  
 जुगभेद विराजमान । मति श्रुति सोहैं सुंदर महान ॥ है परमारथ दुतियो प्रतच्छ । है भेद  
 जुगम तामाहिं दच्छ ॥ इक एकदेश इक सर्वदेश इकदेशं उभैविधिसहित वेश ॥ घर अवधि  
 सु मनपरजै विचार । है सकलदेश केवल अपार ॥ १० ॥ चरअचर लखत जुगपत पतच्छ ।  
 निरद्वंदरहित परपंचपच्छ ॥ पुनि है परोच्छमहँ पंच भेद । समिरति अरु प्रतिभिज्ञानवेद ॥  
 ११ ॥ पुनि तरक और अनुमान मान । आगमजुत पन अव नय वखान ॥ नैगम संग्रह व्यौहार  
 गूढ । रिजुसूत्र शब्द अरु समभिरूढ ॥ १२ ॥ पुनि एवंभूत सु सप्त एम । नय कहे जिनेसुर

गुण जु तेम ॥ पुनि दरवछेत्र अर काल भाव । निच्छेप चार विधि इमि जनाव ॥ १३ ॥  
इनको समस्त भाष्यौ विशेष । जा समुभक्त भ्रम नहिं रहत लेश ॥ निज ज्ञानहेत ये मूलमंत्र  
तुम भाषे श्रीजिनवर सु तंत्र ॥१४॥ इत्यादि तत्त्वउपदेश देय । हनि शेषकरम निरवान लेय ॥  
गिरवान जजत बसु दरव ईश । वृन्दावन नितप्रति नमत सीश ॥१५॥

घतानंद छंद ।

श्रेयांस महेशा सुगुनजिनेशा, वज्र धरेशा ध्यावतु हैं ।  
हम निशदिन बंदै पापनिकंदै, ज्यों सहजानंद पावतु हैं ॥ १६ ॥

ॐ ह्रीं श्रीश्रेयांसनाथजिनेन्द्राय पूर्णाघं निर्वपामीति स्वाहा ।

सोरठा—जो पूजै मनलाय, श्रेयनाथपदपद्मको ॥  
पावै इष्ट अघाय, अनुक्रमसौं शिवतिय वरै ॥ १ ॥  
इत्याशीर्वादाय पुष्पांजलि क्षिपेत् ।



# श्रीवासुपूज्य जिनपूजा ।

छंद रूपकवित्त ।

श्रीमतवासुपूज्य जिनवरपद, पूजनहेतु हिये उमगाय ।  
थापों मनवचतन शुचि करिकै, जिनकी पाटलदेव्या माय ॥  
महिष चिन्ह पद लसै मनोहर, लाल बरन तन समतादाय ।  
सो करुनानिधि कृपादिष्टकरि, तिष्ठहु सुपरितिष्ठ यहँ आय ॥ १ ॥

ॐ ह्रीं श्रीवासुपूज्यजिनेन्द्र ! अत्र अवतर अवतर । संवौपद् ॥ १ ॥

ॐ ह्रीं श्रीवासुपूज्यजिनेन्द्र ! अत्र तिष्ठ तिष्ठ । ठः ठः ॥ २ ॥

ॐ ह्रीं श्रीवासुपूज्यजिनेन्द्र ! अत्र मम सन्निहितो भव भव । वपद् ॥ ३ ॥

अष्टक ।

छंद जोगीरासा । आंचलीबंध “जिनपदपूजों लवलाई ॥”

गंगाजल भरि कनककुंभमें, प्रासुक गंध मिलाई ।

करम कलंक विनाशन कारन, धार देत हरषाई ॥ जिनपद० ॥

वासुपूज वसुपूजतनुजपद, वासव सेवत आई ।

बालब्रह्मचारी लखि जिनको, शिवतिय सनमुख धाई ॥ जिन०॥१॥

ॐ ह्रींश्रीवासुपूज्यजिनेन्द्राय जन्मजरामृत्युविनाशनाय जलं निर्वपामीति स्वाहा ॥ १ ॥

कृष्णागरु मलयागिरचंदन, केशरसंग घसाई ।

भवआताप विनाशनकारन, पूजों पद चित लाई ॥ वा० ॥ २ ॥

ॐ ह्रीं श्रीवासुपूज्यजिनेन्द्राय भवतापविनाशनाय चंदनं निर्वपामीति स्वाहा ॥ २ ॥

देवजीर सुखदास शुद्ध वर, सुवरनथार भराई ।

पुंजधरत तुम चरननआगै, तुरित अखय पदपाई ॥ वा० ॥ ३ ॥

ॐ ह्रीं श्रीवासुपूज्यजिनेन्द्राय अक्षयपदप्राप्तये अक्षतान् निर्वपामीति स्वाहा ॥ ३ ॥

पारिजात संतानकल्पतरु,--जनित सुमन बहु लाई ।

मीनकेतुमदभंजनकारन, तुम पदपद्म चढाई ॥ वा० ॥ ३ ॥

ॐ ह्रीं श्रीवासुपूज्यजिनेन्द्राय कामवाणविध्वंसनाय पुष्पं निर्वपामीति स्वाहा ।; ४ ॥

नव्यगव्यआदिकरसपूरित, नेवज तुरित उपाई ।

क्षुधारोग निरवारनकारन, तुम्हें जजों शिरनाई ॥ वा० ॥ ५ ॥

ॐ ह्रीं श्रीवासुपूज्यजिनेन्द्राय क्षुधारोगविनाशनाय नैवेद्यं नि० ॥ ५ ॥

दीपकजोत उदोत होत वर, दशदिशमें छवि छाई ।

तिमिरमोहनाशक तुमको लखि, जजों चरन हरषाई ॥ वा० ॥ ६ ॥

ॐ ह्रीं श्रीवासुपूज्यजिनेन्द्राय मोहान्धकारविनाशनाय दीपं निर्वपामीति स्वाहा ॥ ६ ॥

दशविध गंधमनोहर लेकर, वातहोत्रमें डाई ।

अष्ट करम ये दुष्ट जरतु हैं, धूम सु धूम उड़ाई ॥ ७ ॥

ॐ ह्रीं श्रीवासुपूज्यजिनेन्द्राय अष्टकर्मदहनाय धूपं निर्वपामीति स्वाहा ॥ ७ ॥

सुरस सुपक्कसुपावन फल लै, कंचनथार भराई ।

मोच्छ महाफलदायक लखि प्रभु, भेंट धरों गुनगाई ॥ वा० ॥ ८ ॥

ॐ ह्रीं श्रीवासुपूज्यजिनेन्द्राय मोक्षफलप्राप्तये फलं निर्वपामीति स्वाहा ॥ ८ ॥

जलफल दरब मिलाय गाय गुन, आठों अंग नमाई ।  
शिवपदराज हेत हे श्रीपति ! निकट धरों यह लाई ॥ वा० ॥ ६ ॥  
ॐ ह्रीं श्रीवासुपूज्यजिनेन्द्राय अनर्घ्यपद प्राप्तये अर्घं निर्वपामीति स्वाहा ॥ ६ ॥

### पञ्चकल्याणक ।

छंद पार्वता ( मात्रा १४ ) ।

कलि छद्र असाढ़ सुहायौ । गरभागम मंगल पायौ ॥  
दशमें दिवितं इत आये । शतइंद्र जजे सिर नाये ॥ १ ॥  
ॐ ह्रीं आपाढरुणपष्ठ्यां गर्भमङ्गलमण्डिताय श्रीवासुपूज्यजिनेन्द्राय अर्घं निर्व०  
कलि चौदश फागुन जानों । जनमें जगदीश महानों ।  
हरि मेर जजे तव जाई । हम पूजत हैं चितलाई ॥ २ ॥  
ॐ ह्रीं श्रीफाल्गुनरुणचतुर्दश्यां जन्ममङ्गलप्राप्ताय श्रीवासुपूज्यजिनेन्द्राय अर्घ्यं नि०  
तिथि चौदस फागुन श्यामा । धरियो तप श्रीअभिरामा ॥

नृपसुन्दरके पय पायो । हम पूजत अतिसुख थायो ॥ ३ ॥

ॐ ह्रीं फाल्गुनकृष्णचतुर्दश्यां तपमङ्गलप्राप्तय श्रीवासुपूज्यजिनेन्द्राय अर्घं ॥ ३ ॥

वदि भादव दोइज सोहै । लहि केवल आतम जो है ॥

अनञ्जंत गुनाकर स्वामी । नित बंदों त्रिभुवन नामी ॥ ४ ॥

ॐ ह्रीं भाद्रपदकृष्णद्वितियायां केवलज्ञानमण्डिताय श्रीवासुपूज्यजिनेन्द्राय अर्घं ॥ ४ ॥

सितभादवचौदशि लीनों । निरवान सुथान प्रवीनों ॥

पुर चंपाथानकसेती । हम पूजत निजहित हेती ॥ ५ ॥

ॐ ह्रीं भाद्रपदशुक्लचतुर्दश्यां मोक्षमंगलप्राप्तय श्रीवासुपूज्यजिनेन्द्राय अर्घं नि० ॥ ५ ॥

जयभाला ।

दोहा—चंपापुरमें पंचवर, कल्याणक तुम पाय ।

सत्तर धनु तन शोभनो, जै जै जै जिनराय ॥ १ ॥

छंद मोतियदाम ( वर्ण १२ ) ।

महासुखसागर आगर ज्ञान । अनंत सुखामृतभुक्त महान ॥ महाबलमंडित खंडितकाम ।  
 रमाशिवसंग सदा विसराम ॥ २ ॥ सुखिंद फनिंद खगिंद नरिंद । मुनिंद जजै नित पादर-  
 निंद ॥ प्रभु तुव अंतरभाव विराग । सुवालहितें व्रतशीलसों राग ॥ ३ ॥ कियो नहिं राज  
 उदाससरूप । सुभावन भावत आतमरूप ॥ अनित्य शरीर प्रपंच समस्त । चिदातम नित्य  
 मुखाश्रित घस्त ॥ ४ ॥ अशर्न नही कोउ शर्न सहाय । जहां जिय भोगत कर्मविपाय ॥  
 निजातम कै परमेसुर शर्न । नहीं इनके विन आपदहर्न ॥ ५ ॥ जगत्त जथा जलबुद्बुद येव ।  
 सदा जिय एक लहै फलभेव ॥ अनेकप्रकार धरी यह वैह । भमें भवकानन आनन नेह ॥ ६ ॥  
 अपावन सात कुधात भरीय । चिदातम शुद्धसुभाव धरीय ॥ धरै इनसों जब नेह तबेव ।  
 सुभावत कर्म तबे वसुभोव ॥ ७ ॥ जबै तनभोगजगत्तउदास । धरै नव संवर निर्जरआस ॥  
 फरै जत्र कर्मकलंक विनाश । लहै तय मोक्ष महासुखराश ॥ ८ ॥ तथा यह लोक नराकृत  
 नित्त । विलोकियते पटद्रव्यविचित्त ॥ सुआतमजानन बोधविहीन । धरै किन तत्त्वप्रतीत  
 प्रतीन ॥ ९ ॥ जिनागमज्ञानरु संयमभाव । सबै निजज्ञान विना विरसाव ॥ सुदुर्लभ द्रव्य  
 सुक्षेय सुकाल । सुभाव सबै जिहते शिव हाल ॥ १० ॥ लयो सब जोग सुपुन्य वशाय ।  
 फहो किमि दीजिय ताहि गंवाय ॥ विचारत यों लवकान्तिक आय । नमें पदपंकज पुष्प  
 नवाय ॥ ११ ॥ फहो प्रभु धन्य कियो सुविचार । प्रबोधि सु येम कियो जु विहार ॥ तबै

सवधर्मतनों हरि आय । रच्यौ शिविका चढ़ि आप जिनाय ॥ धरे तप पाय सुकेवलबोध ।  
दियो उपदेश सुभव्य संबोध ॥ लियो फिर मोच्छ महासुखराश । नमें तिन भक्त सोई  
सुखआश ॥

वत्तानंद ।

नित वासववन्दत, पापनिकंदत, वासपूज्य ब्रत ब्रह्मपती ।  
भवसंकलखंडित, आनंदमंडित, जै जै जै जैवंत जती ॥ १४ ॥

ॐ ह्रीं श्रीवासुपूज्यजिनेन्द्राय पूर्णार्घं निर्वपामीति स्वाहा ॥ ४ ॥

सोरठा—वासपूजपद सार, जजौ दरबविधि भावसों ।

सो पांवे सुखसार, भुक्ति मुक्तिको जो परम ॥ १५ ॥

इत्याशीर्वादः परिपुष्पांजलिं क्षिपेत् ।

**श्रीविमलनाथ जिनपूजा ।**

छंद मदावल्लिसकपोल ( माश्रा २४ ) ।

सहस्रार दिवि त्यागि, नगर कम्पिला जनम लिय ।

कृतधर्मानृपनंद, मातु जयसेन धर्मप्रिय ।  
तीन लोक वरनंद, विमल जिन विमल विमलकर ।

थापो चरनसरोज, जजनके हेत भावधर ॥ १ ॥

ॐ ह्रीं श्रीविमलनाथजिनेन्द्र अत्र अवतर अवतर । संवौपट् ॥ १ ॥

ॐ ह्रीं श्रीविमलनाथजिनेन्द्राय अत्र तिष्ठ तिष्ठ । ठः ठः ॥ २ ॥

ॐ ह्रीं श्रीविमलनाथजिनेन्द्राय अत्र मम सन्निहितो भव भव । वपट् ॥ ३ ॥

अष्टक ।

सोरठा छंद ( मनसुखरायजीकृत ) ।

कंचनभारी धारि, पद्मद्रहको नीर ले ।

त्रषा रोग निरवारि, विमल विमलगुन पूजिये ॥ १ ॥

ॐ ह्रीं श्रीविमलनाथजिनेन्द्राय जन्ममृत्युविनाशनाय जलं निर्वपामीति ॥ १ ॥

मलयागर करपूरा देववल्लभा संग घसि ।

हरि मिथ्यातमभूर, विमलविमलगुन जजतु हों ॥ २ ॥



ॐ ह्रीं श्रीविमलनाथजिनेन्द्राय भवतापविनाशनाय चन्दनं निर्वपामीति  
वासमती सुखदास, श्वेत निशापतिको हंसै ।

पूरै वाञ्छित आस, विमलविमलगुन जजत ही ॥ ३ ॥

ॐ ह्रीं श्रीविमलनाथजिनेन्द्राय अक्षयपदप्राप्तये अक्षतान् निर्वपामीति स्वाहा ॥ ३ ॥

पारिजात मंदार, संतानकसुरतरुजनित ।

जजों सुमन भरि थार, विमल विमलगुन मदनहर ॥ ४ ॥

ॐ ह्रीं श्रीविमलनाथजिनेन्द्राय कामवाणविध्वंसनाय पुष्पं निर्वपामीति स्वाहा ॥

नव्यगव्य रसपूर, सुवरनथार भरायकै ।

छुधावेदनी चूर, जजों विमलपद विमलगुन ॥ ५ ॥

ॐ ह्रीं श्रीविमलनाथजिनेन्द्राय क्षुधारोगविनाशनाय नैवेद्यं निर्वपामीति स्वाहा ॥

मानिक दीप अखंड, गो छाई वर गो दशों ।

हरो मोहतम चंड, विमल विमलमतिके धनी ॥ ६ ॥

ॐ ह्रीं श्रीविमलनाथजिनेन्द्राय मोहान्धकारविनाशनाय दीपं निर्वपामीति स्वाहा ॥

अगर तगर घनसार, देवदार कर चूर वर ।  
 खेवों वसु अरि जार, विमल विमलपदपद्मढिग ॥ ७ ॥  
 ॐ ह्रीं श्रीविमलनाथजिनेन्द्राय अष्टकर्मदहनाय धूपं निर्घपामीति स्वाहा ॥ ७ ॥  
 श्रीफल सेव अनार, मधुर रसीले पावने ।  
 जजों विमलपद सार, विघ्न हरै शिवफल करै ॥ ८ ॥  
 ॐ ह्रीं श्रीविमलनाथजिनेन्द्राय मोक्षफलप्राप्तये फलं निर्घपामीति स्वाहा ॥ ८ ॥  
 आठों दरव संवार, मनसुखदायक पावने ।  
 जजों अरघ भरथार, विमल विमलशिवतिय-रमन ॥ ९ ॥  
 ॐ ह्रीं श्रीविमलनाथजिनेन्द्राय अनर्घ्यपदप्राप्तये अर्घ्यं निर्घपामीति स्वाहा ॥ ९ ॥

पञ्चकल्याणक ।

छंद द्रुतिविलम्बित तथा सुंदरि ( वर्ण १२ ) ।  
 गरभ जेठवदी दशमी भनों । परम पावन सो दिन शोभनों ॥

ॐ ह्रीं श्रीविमलनाथजिनेन्द्राय अष्टकर्मदहनाय धूपं निर्घपामीति स्वाहा ॥ ७ ॥  
 ॐ ह्रीं श्रीविमलनाथजिनेन्द्राय मोक्षफलप्राप्तये फलं निर्घपामीति स्वाहा ॥ ८ ॥  
 ॐ ह्रीं श्रीविमलनाथजिनेन्द्राय अनर्घ्यपदप्राप्तये अर्घ्यं निर्घपामीति स्वाहा ॥ ९ ॥

करत सेव सची जननीतणी । हम जजै पदपद्मशिरोमणी ॥ १ ॥

ॐ ह्रीं ज्येष्ठकृष्णदशम्यां गर्भमंगलमण्डिताय श्रीविमलनाथजिनेन्द्राय अर्घं नि०

शुक्लमाघ तुरी तिथि जानिये । जनममंगल तादिन मानिये ॥

हरि तबै गिरिराज बिषै जजे, हम समर्चत आनंदको सजे ॥ २ ॥

ॐ ह्रीं माघशुक्लचतुर्दश्यां जन्ममंगलप्राप्ताय श्रीविमलनाथजिनेन्द्राय अर्घं नि० ॥ २ ॥

तप धरे सितमाघ तुरी भली । निज सुधातम ध्यावत हैं रली ॥

हरि फनेश नरेश जजे तहां । हम जजै नित आनंदसों इहां ॥३॥

ॐ ह्रीं माघशुक्लचतुर्दश्यां निःक्रममहोत्सवमण्डिताय श्रीविमलनाथ जिनेन्द्राय अर्घ्य ॥

विमल माघरसी हनि घातिया । विमलबोध लयो सब भासिया ॥

विमल अर्घ चढ़ाय जजों अबै । विमल आनंद देहु हमें सबै ॥४॥

ॐ ह्रीं माघशुक्लषष्ठ्यां केवलज्ञानप्राप्ताय श्रीविमलनाथजिनेन्द्राय अर्घ्यं निर्व०

भ्रमरसाढ़रसी अति पावनों । विमल सिद्ध भये मनभावनों ॥

गिरसमेद हरी तित पूजिया हम जजै इतहर्ष धरें हिया ॥ ५ ॥

ॐ ह्रीं आपादकृष्णषष्ठ्यां मोक्षमंगलप्राप्तये श्रीविमलनाथजिनेन्द्रायाद्यैर्निर्वपामीति

## जयमाला

दोहा छंद । अति उपमालंकार ।

गनन चहत उड़गन गगन, छिति थितिके छहँ जेम ।

तिमि गुन बरनन बरनन,—माहिं होय तव केम ॥ १ ॥

साठधनुष तन तुंग है, हेमवरन अभिराम ।

वर बराह पद अंक लखि, पुनि पुनि करों प्रनाम ॥ २ ॥

छंद तोटक । ( वर्ण १२ ) ।

जय केवलब्रह्म अनंतगुनी । तुव ध्यावत शेष महेश मुनी ॥ परमात्म पूरन पाप हनी ।  
चितचिंततदायक इष्ट धनी ॥ ३ ॥ भवआतपध्वंसन इदुकरं । वर साररसायन शर्मभरं ॥  
सय जन्मजरामृतदाघहरं । शरनागतपालन नाथ वरं ॥ ४ ॥ नित संत तुमे इन नामनितै ॥  
चितचिंतत है गुनगामनितै ॥ अमलं अचलं अटलं अतुलं । अरलं अछलं अथलंअकुलं ॥ ५ ॥

अजरं अमरं अहरं अडरं । अपरं अभरं अशरं अनरं ॥ अमलीन अछीन अरीन हने । अमतं  
 अगतं अरतं अघने ॥ ६ ॥ अछुधा अतृषा अभयातम हो । अमदा अगदा अवदातम हो ॥  
 अविरुद्ध अक्रुद्ध अमानधुना । अतलां अशलां अनअंत गुना ॥ ७ ॥ अरसं सरसं अकलां  
 सकलां । अवचं सवचं अमनं सबलां ॥ इन आदि अनेकप्रकार सही । तुमको जिन संत जपै  
 नित ही ॥ ८ ॥ अब मैं तुमरी शरना पकरी । दुख दूर करो प्रभुजी हमरी ॥ हम कष्ट सहे  
 भवकाननमैं । कुनिगोद तथा थल आननमैं ॥ ९ ॥ तित जामनमर्न सहे जितने । कहि केम  
 सकै तुमसों तितने ॥ सुमह्वरत अन्तरमाहिं धरे । छह त्रै त्रय छः छहकाय खरे ॥ १० ॥  
 छिति वहि वयारिक साधरनं । लघु थूल विभेदनिसों भरनं ॥ परतेक वनस्पति ग्यार भये ।  
 छहजार द्वादश भेद लये ॥ ११ ॥ सब द्वै त्रय भू षट छःसु भया । इक इन्द्रियकी परजाय  
 लया ॥ जुग इन्द्रिय काय असी गहियो । तिय इन्द्रिय साठनिमें रहियो ॥ १२ ॥ चतुरिंदिय  
 चालिस देह धरा । पनइंदियके चववीस वरा ॥ सब ये तन धार तहां सहियो । दुखघोर  
 चितारित जात हियो ॥ १३ ॥ अब मो अरदास हिये धरिये । सुखदंद सबै अब ही हरिये ॥  
 मनबंछित कारज सिद्ध करो । सुखसार सबै घर रिद्ध धरो ॥ १४ ॥

घत्तानंद छंद ।

जै विमलजिनेशा नुतनाकेशा, नागेशा नरईश सदा ॥

भवतापअशेषा, हरननिशेषा दाता चिन्तित शर्म सदा ॥१५॥

ॐ ह्रीं श्रीविमलनाथ जिनेन्द्राय पूर्णार्घं निर्वपामीति स्वाहा ॥

दोहा—श्रीमत् विमलजिनेशपद, जो पूजौ मनलाय ।

पूजै वाञ्छित आश तसु । मै पूजौ गुनगाय ॥ १६ ॥

इत्याशीर्वादः । परिपुष्पाञ्जलिं क्षिपेत् !

इति श्रीविमलनाथजिनपूजा समाप्त ॥ १३ ॥

## श्रीअनन्तनाथजिनपूजा ।

कवित्त छंद ( मात्रा ३१ ) ।

पुष्पोत्तर तजि नगर अजुध्या, जनम लियो सूर्याउर आय ।

सिंघसेन नृपके नंदन, आनंद अशेष भरे जगराय ॥

गुन अनंत भगवंत धरे, भवदंद हरे तुम हे जिनराय ।

थापतु हों त्रयवार उचरिकै कृपासिन्धु तिष्ठहु इत आय ॥१॥

ॐ ह्रीं श्रीअनन्तनाथजिनेन्द्र ! अत्र अवतर । संवोपद् ॥ १ ॥

ॐ ह्रीं श्रीअनन्तनाथजिनेन्द्र ! अत्र तिष्ठ तिष्ठ । ठः ठः ॥ २ ॥

ॐ ह्रीं श्रीअनन्तनाथजिनेन्द्र ! अत्र मम सन्निहितो भव भव । वपद् ॥ ३ ॥

## अष्टक ।

छंद गीता तथा हरिगीता ( मात्रा २८ ) ।

शुचि नीर निरमल गंगको लै, कनकभृंग भराइया ।

मलकरम धोवन हेत मन, वचकाय धार ढराइया ॥

जगपूज परमपुनीत मीत, अनंत संत सुहावनों ।

शिवकंतवंत महंत ध्यावों, भ्रंतवंत नशावनों ॥ १ ॥

ॐ ह्रीं श्रीअनंतनाथजिनेन्द्राय जन्मजरामृत्युविनाशनाय जलं निर्वपामीति० ॥१ ॥

हरिचंद कदलीनंद कुंकुम, दंतताप निकंद है ।

सब पापरुजसंतोपभंजन, आपको लखि चंद है ॥ ज० ॥२॥

ॐ ह्रीं श्रीअनन्तनाथजिनेन्द्राय भवतापविनाशनाय चंदनं निर्वपामीति० ॥ २ ॥

कनशालदुति उजियाल हीर, हिमालगुलकनितें घनी ।

तसु पुंज तुम पदतर धरत, पद लहत स्वच्छ सुहावनी ॥ज०॥  
ॐ ह्रीं श्रीअनन्तनाथजिनेन्द्राय अक्षयपदप्राप्तये अक्षतान् निर्वपामीति० ॥ ३ ॥

पुष्कर अमरतरजनित वर, अथवा अवर कर लाइया ।

तुम चरनपुष्करतर धरत, सरशूल सकल नशाइया ॥ज०॥४॥  
ॐ ह्रीं श्रीअनन्तनाथजिनेन्द्राय कामबाणविध्वंसनाय पुष्पं निर्वपामीति० ॥ ४ ॥

पकवान नैना घान रसना,--को प्रमोद सुदाय हैं ।

सो ल्याय चरन चढ़ाय रोग, छुधाय नाश कराय हैं ॥ज०॥५॥  
ॐ ह्रीं श्रीअनंतनाथजिनेन्द्राय क्षुधारोगविनाशनाय नेवेद्यं निर्वपामीति० ॥ ५ ॥

तममोहभानन जानि आनंद, आनि सरन गही अबै ।

वर दीप धारों बारि तुमढ़िग, सुपरज्ञान जु द्यो सबै ॥ज०॥६॥  
ॐ ह्रीं श्रीअनंतनाथजिनेन्द्राय मोहान्धकार विनाशनाय दीपं निर्वपामीति० ॥ ६ ॥

यह गंध चूरि दशांग सुंदर, धूझध्वजमें खेय हों ।



वसुकर्म भर्म जराय तुम ढिग, निजसुधातम बेय हों ॥ज०॥७॥

ॐ ह्रीं श्रीअनंतनाथजिनेन्द्राय अष्टकर्मादहनाय धूपं निर्गपामीति स्वाहा ॥ ७ ॥

रसथक्व पक्व सुभक्व चक्व, सुहावनें मृदुपावनें ।

फलसारवृंद अमंद ऐसो, ल्याय पूज रचावनें ॥ज०॥८॥

ॐ ह्रीं श्रीअनंतनाथजिनेन्द्राय मोक्षफलप्राप्तये फलं निर्गपामीति स्वाहा ॥ ८ ॥

शुचिनीर चंदन शालिशंदन, सुमन चरु दीवा धरों ।

अरु धूप जुत, अरघ करि करजोरजुग विनती करों ॥ज०॥९॥

ॐ ह्रीं श्रीअनंतनाथजिनेन्द्राय अनर्घ्यं पद प्राप्तये अर्घ्यं निर्गपामीति० ॥ ९ ॥

### पञ्चकल्याणक ।

छंद सुंदरी तथा द्रुतिविलंबित ।

असित कातिक एकम भावनों । गरभको दिन सो गिन पावनों ।

किय सची तित चर्चन चावसों । हम जजै इत आनंद भावसों ॥१॥

ॐ ह्रीं कार्तिककृष्णप्रतिपदिगर्भमंगलमण्डिताय श्रीअनन्तनाथजिनेन्द्राय अर्घं नि० ॥१॥  
जनम जेठवदी तिथि द्वादशी । सकलमंगल लोकविषे लशी ।

हरि जजे गिरिराज समाजतै । हम जजै इत आतमकाजतै ॥२॥

ॐ ह्रीं ज्येष्ठकृष्णद्वादश्यां जन्ममंगलप्राप्तये श्रीअनन्तनाथजिनेन्द्राय अर्घं नि० ॥२॥  
भवशरीर विनस्वर भाइयो असित जेठदुवादशि गाइयो ।

सकल इंद्र जजे तित आइकै । हम जजै इत मंगल गाइकै ॥३॥

ॐ ह्रीं ज्येष्ठकृष्णद्वादश्यां निःक्रमणमहोत्सवमण्डिताय श्रीअनन्तनाथजिनेन्द्राय अर्घं ॥  
असित चैत अमावसको सही । परम केवल ज्ञान जग्यो कही ।

लहि समोसृत धर्म धुरंधरो । हम समर्चत विघ्न सबै हरो ॥ ४ ॥

ॐ ह्रीं नैत्रकृष्णामावस्यायां केवलज्ञानप्राप्तये श्रीअनन्तनाथजिनेन्द्राय अर्घं नि० ॥ ४ ॥  
असित चेतुरी तिथिगाइयौ । अघतघाति हने शिवपाइयौ ।

गिरिसमेद जजे हरि आयकै । हम जजै पद प्रीति लगायकै ॥५॥

ॐ ह्रीं चैत्रकृष्णचतुर्थ्यां मोक्षमंगलप्राप्तये श्रीअनन्तनाथजिनेन्द्राय अर्घं नि० ॥ ५ ॥

## जयमाला ।

दोहा—तुम गुनवरनन येम जिम, खंविहाय करमान ॥

तथा मेदिनी पदनिकरि, कीनों चहत प्रमान ॥ १ ॥

जय अनन्त रवि भव्यमन, जलजवृंद विहसाय ॥

सुमति कोकतियथोक सुख, वृद्ध कियो जिनराय ॥ २ ॥

छंद नयमालनी । तथा चंडी । तथा तामरस ( मात्रा १६ ) ।

जै अनन्त गुनवंत नमस्ते । शुद्धध्येय नितसंत नमस्ते ॥ लोकालोकविलोक नमस्ते ।  
चिन्मूरत गुनथोक नमस्ते ॥ ३ ॥ रत्नत्रयधर धीर नमस्ते । करमशत्रुकरिकीर नमस्ते ॥  
चारअनंत महंत नमस्ते । जै जै शिवतिकंत नमस्ते ॥ ४ ॥ पञ्चाचारविचार नमस्ते । पंच-  
कर्णमदहार नमस्ते ॥ पंच-पराव्रत-चूर नमस्ते । पंचमगतिसुखपूर नमस्ते ॥ ५ ॥ पंचलब्धि-  
धरनेश नमस्ते । पंचभावसिद्धेश नमस्ते ॥ छहों दरबगुनजान नमस्ते । छहो काल पहिचान  
नमस्ते ॥ ६ ॥ छहोंकायरच्छेश नमस्ते । छहसम्यक उपदेश नमस्ते ॥ सप्तविशानवनवहि  
नमस्ते । जय केवलअपरहि नमस्ते ॥ ७ ॥ सप्ततत्वगुनभनन नमस्ते । सप्तशुभ्रगतहनन

नमस्ते ॥ सप्तभङ्गके ईश नमस्ते । सातों नयकथनीश नमस्ते ॥८॥ अष्टकरममलदल्लु नमस्ते ।  
 अष्टजोगनिरशल्ल नमस्ते ॥ अष्म-धराधिराज नमस्ते । अष्ट-गुननि-सिरताज नमस्ते ॥ ९ ॥  
 जै नवकेवल-प्राप्त नमस्ते । नव पदार्थधिति आप्त नमस्ते ॥ दशों धरमधरतार नमस्ते । दशों  
 बंधपरिहार नमस्ते ॥ १० ॥ विघ्न-महीधर-विज्जु नमस्ते । जै उरधगति-रिज्जु नमस्ते ॥  
 तनकनकंदुति पूर नमस्ते । इल्वाकजगनसूर नमस्ते ॥ ११ ॥ धनु पचासतन उच्च नमस्ते ।  
 कृपासिन्धु गुन शुच्च नमस्ते ॥ सेही-अंक निशंक नमस्ते । चितचकोर मृगअंक नमस्ते ॥  
 १२ ॥ रागदोषमदटार नमस्ते । निजविचारदुखहार नमस्ते ॥ सुर-सुरेश-गन-वंद नमस्ते ।  
 'वृन्द' करो सुखकंद नमस्ते ॥ १३ ॥

घत्तानंद छंद ।

जय जय जिनदेवं, सुरकृतसेवं, नितकृतचित हुल्लासधरं ॥  
 आपदउद्धारं, समतागारं, वीतरागविज्ञान भरं ॥ १४ ॥

ॐ ह्रीं श्रीअनन्तनाथजिनेन्द्राय पूर्णार्घं निर्वपामीति स्वाहा ॥

मदावलित्त-कपोल तथा रोड़क छंद ( ( मात्रा २४ ) ।

जो जन मनवचकायलाय, जिन जजै नेह धर ।

वा अनुमोदन करै करावै पढ़ै पाठ वर ॥  
ताके नित नव होय, सुमंगल आनँददाई ।  
अनुक्रमतै निरवान, लहै सामग्री पाई ॥ १ ॥

इत्याशीर्वादः परिपुष्पाञ्जलिं क्षिपेत् ।

## श्रीधर्मनाथजिनपूजा ।

माधवी तथा किरीट छंद ( ८ सगण व गुरु ) ।

तजिके सरवारथ सिद्ध विमान, सुभानके आनि अनंद बढ़ाये ।  
जगमातसुब्रत्तिके नंदन होय, भवोदधि डूबत जंतु कढाये ॥  
जिनको गुन नामहिं माहिं प्रकाश है, दासनिको शिवस्वर्ग मँढाये ।  
तिनके पद पूजनहेत त्रिवार, सुथापतु हों यह फूल चढ़ाये ॥ १ ॥

ॐ हीं श्रीधर्मनाथजिनेन्द्र ! अत्र अवतर अवतर । संवौपट् ॥ १ ॥

ॐ ह्रीं श्रीधर्मनाथजिनेन्द्र ! अत्र तिष्ठ तिष्ठ । ठः ष्टः ॥ २ ॥

ॐ ह्रीं श्रीधर्मनाथजिनेन्द्र ! अत्र मम सन्निहितो भव धव । वषट् ॥ ३ ॥

## षष्टक ।

छंद जोगीरासा ( मात्रा २८ ) ।

मुनि मनसम शुचि शीर नीर अति, मलय मेलि भरि भारी ।

जनमजरामृत तापहरनको, चरचों चरन तुम्हारी ॥

परमधरम-शम-रमन धरम-जिन, अशरन शरन निहारी ।

पूजों पाय गाय गुन सुंदर, नाचों दै दै तारी ॥ १ ॥

ॐ ह्रीं श्रीधर्मनाथजिनेन्द्राय जन्मजरामृत्युविनाशनाय जलं निर्वपामीति स्वाहा ॥१॥

कुशर चंदन कदली नंदन, दाहनिकंदन लीनों ।

जलसंगघस लसि शसिसमशमकर, भवआताप हरीनों ॥ पर०॥२॥

ॐ ह्रीं श्रीधर्मनाथजिनेन्द्राय भवतापविनाशनाय चंदनं निर्वपामीति स्वाहा ॥ २ ॥

जलज जीर सुखदास हीर हिम, नीर किरनसम लायो ।

पुंज धरत आनंद भरत भव,-दंद हरत हरषायो ॥ पर० ॥ ३ ॥

ॐ ह्रीं श्रीधर्मनाथजिनेन्द्राय अक्षयपदप्राप्तये अक्षतान् निर्वपामीति स्वाहा ॥ ३ ॥

सुमन सुमनसम सुमनथालरम, सुमनवृंद विहसाई ।

सुमन-मथ-मद मधनके कारन, चरचों चरन चढ़ाई ॥ पर० ॥ ४ ॥

ॐ ह्रीं श्रीधर्मनाथजिनेन्द्राय कामवाणविध्वंसनाय पुष्पं निर्वपामीति ॥ ४ ॥

घेवर बावर अर्द्धचन्द्र सम, छिद्र सहस्र विराजै ।

सुरस मधुर तासों पद पूजत, रोग असाता भाजै ॥ पर० ॥ ५ ॥

ॐ ह्रीं श्रीधर्मनाथजिनेन्द्राय क्षुधारोगविनाशनाय नैवेद्यं निर्वपामीति स्वाहा ॥ ५ ॥

सुंदर नेह सहित वर दीपक, तिमिर हरन धरि आगै ।

नेह सहित गाऊं गुन श्रीधर, ज्यों सुबोध उर जागै ॥ पर० ॥ ६ ॥

ॐ ह्रीं श्रीधर्मनाथजिनेन्द्राय मोहान्धकारविनाशनाय दीपं निर्वपामीति स्वाहा ॥ ६ ॥

अगर तगर कृष्णागर तरदिव हरिचंदन करपूरं ।

चूर खेय जलजवनमांहि जिमि, करम जरै वसु कूरं ॥पर ॥७॥

ॐ ह्रीं श्रीधर्मनाथजिनेन्द्राय अष्टकर्मदहनाय धूपं निर्वपामीति स्वाहा ॥ ७ ॥

आम्र काझक अनार सारफल, भार मिष्ट सुखदाई ।

सो ले तुमढिग धरहुं कृपानिधि, देहु मोच्छठकुराई ॥परा॥८॥

ॐ ह्रीं श्रीधर्मनाथजिनेन्द्राय मोक्षफलप्राप्तये फलं निर्वपामीति स्वाहा ॥ ८ ॥

आठों दरब साज शुचि चितहर, हरषि हरषि गुनगाई ।

वाजत हम हम हम मृदंग गत, नाचत ता थेई थाई ॥ पर० ॥ ९ ॥

ॐ ह्रीं श्रीधर्मनाथजिनेन्द्राय भनच्यंपदप्राप्तये अर्घं निर्वपामीति स्वाहा ॥ ९ ॥

पंचकल्याणक ।

राग टण्णाकी चाल 'त्रोयोरे गंवार ते सारो दिन यों ही खोयो' । ऐसी ।

पूजों हो अत्रार, धरमजिनेसुर पूजों । पूजों हो । टंक ।



आठै सित वैशाखकी हो । गरभदिवस अविकार ॥

जगजन वंछित पूजों हो अबार,

धरमजिनेसुर पूजों । पूजो हो० ॥ १ ॥

ॐ ह्रीं वैशाखशुक्लाष्टम्यां गर्भमंगलप्राप्ताय श्रीधर्मनाथजिनेन्द्राय अर्घं नि० ॥ १ ॥

शुकल माघ तेरस लयो हो । धरम धरम अवतार ॥

सुरपति सुरगिर पूजों । पूजों हो अबार, ॥ धरम० ॥ २ ॥

ॐ ह्रीं माघशुक्लत्रयोदश्यां जन्ममंगलमण्डिताय श्रीधर्मेनाथजिनेन्द्राय अर्घं नि० ॥ २ ॥

माघशुकल तेरस लयो हो । दुद्धर तप अविकार ॥

सुररिषि सुमनन पूज्यो । पूजों हो अबार, ॥ धरम ॥ ३ ॥

ॐ ह्रीं श्रीमाघशुक्लत्रयोदश्यां निःक्रममहोत्सवमण्डिताय श्रीधर्मनाथजिनेन्द्राय अर्घं नि०

पोषशुकल पूरन हने अरि । केवल लहि भवितार ॥

गनसुर नरपति पूज्यो । पूजों हो अबार, ॥ धरम० ॥ ४ ॥

ॐ ह्रीं श्रीपौषशुक्लपूर्णिमायां केवलज्ञानमण्डिताय श्रीधर्मनाथजिनेन्द्राय अर्घ्यं नि० ॥

जेठशुक्ल तिथि चौथकी हो । शिव समेदतैं पाय ॥

जगतपूजपद पूजों । पूजों । हो अबोर ॥ धरम० ॥ ४ ॥

ॐ ह्रीं ज्येष्ठशुक्लचतुर्थ्यां मोक्षमंगलप्राप्ताय श्रीधर्मनाथजिनेन्द्राय अर्घ्यं नि० ॥ ५ ॥

## जयमाला ।

दोहा ( विशेषोक्ति अलंकार ) ।

घनाकार करि लोक पट, सकल उदधि मसि तंत ।

तिवै शारदा कलम गहि, तदपि न तुव गुन अंत ॥ १ ॥

छंद पद्धरी ( मात्रा १६ ) ।

जय धरमनाथ जिन गुणमहान । तुम पदको मैं नित धरों ध्यान ॥ जय गरभजनम तप  
शानयुक्त । वर मोच्छ सुमंगल शर्म-भुक्त ॥ २ ॥ जय चिदानंद आनंदकंद । गुणवृन्द सु  
ध्यावत मुनि अमंद ॥ तुम जीवनिके विनु हेत मित्त । तुम ही हो जगमें जिन पवित्त ॥ ३ ॥  
तुम समवसरणमें तत्वसार । उपदेश दियो हे अति उदार ॥ ताकों जे भवि निजहेत वित्त ।

धारें ते पावें मोच्छवित्त ॥ ४ ॥ मैं तुम मुख देखत आज परम । पायो निजआतमरूप धर्म ॥  
 मोक्षों अथ भौभयतें निकार । निरभयपद दीजै परमसार ॥ ५ ॥ तुम सम मेरो जगमे न  
 कोय । तुमहीतें सब बिधि काज होय ॥ तुम दयाधुरंधर धीर वीर । मेटी जगजनकी सकल  
 पीर ॥ ६ ॥ तुम नीतनिपुन विनरागदोष । शिवमग दरसावतु हो अदोष ॥ तुम्हरे ही नामतने  
 प्रभाव । जगजीव लहें शिव-दिव-सुराव ॥ ७ ॥ तातें मैं तुमरी शरण आय । यह अरज करतु  
 हो शीस नाय ॥ भवबाधा मेरी मेट मेट । शिवरासों करि भेट भेट ॥ ८ ॥ जंजाल जगतको  
 चूर चूर । आनंद अनूपन पूर पूर ॥ मति देर करो सुनि अरज पव । हे दीनदयाल जिनेश  
 देव ॥ ९ ॥ मोंको शरना नहिं और ठौर । यह निहचै जानों सुगुन-मौर ॥ वृन्दावन, बंदत  
 प्रीति लाय । सब विघन मेट हे धरम-राय ॥ १० ॥

छंद घत्तानंद ( मात्रा ३१ ) ।

जय श्रीजिनधर्म, शिवहितधर्म, श्रीजिनधर्म उपदेशा ।

तुम दयाधुरंधर विनतपुरंदर, कर उरमंदर परवेशा ॥ ११ ॥

ॐ ह्रीं श्रीधर्मनाथजिनेन्द्राय पूर्णार्घं निर्वपामीति स्वाहा ॥ ११ ॥

छंद मदावलिक्तकपोल ( मात्रा २४ ) ।

जो श्रीपतिपद जुगल, उगल मिथ्यात जजै भव ।  
 ताके दुख सब मिटहिं, लहै आनंदसमाज सब ॥  
 सुर-नर-पति-पद भोग, अनुक्रमतै शिव जावै ।  
 वृंदावन यह जानि धरम, जिनको गुन ध्यावै ॥ १ ॥

श्रुत्याशीर्वादः परिपुष्पाञ्जलिं क्षिपेत् ।

## श्रीशान्तिनाथ जिनपूजा ।

मस्तगयंद छंद । ( शब्दाडम्बर तथा जमकालंकार ) ।

या भवकाननमें चतुरानन, पापपनानन घेरि हमेरी ।

आत्मजान न मान न ठान न, वान न होइ हिये सठ मेरी ॥

तामद भानन आपहि हो, यह छान न आन न आननटेरी ।

आन गही शरनागतको, अब श्रीपतजी पत राखहु मेरी ॥ १ ॥

ॐ ह्रीं श्रीशान्तिनाथजिनेन्द्र ! अत्र अवतर अवतर । संवौपट् ॥ १ ॥

ॐ ह्रीं श्रीशान्तिनाथजिनेन्द्र ! अत्र तिष्ठ तिष्ठ । ठः ठः ॥ २ ॥

ॐ ह्रीं श्रीशान्तिनाथजिनेन्द्र ! अत्र मम सन्निहितो भव भव वपट् ॥ ३ ॥

## अष्टक ।

छंद त्रिभंगी । अनुप्रयासक । ( मात्रा ३२ जगनवर्जित ) ।

हिमगिरिगतगंगा,--धार अभंगा, प्रासुक संग्गा, भरि भृंगा ।

जरमरनधृतंगा, नाशी अघंगा, पूजि पदंगा मृदुहिंगा ॥

श्रीशान्तिजिनेशं, नुतशकैशं, वृषचक्रेशं, चक्रेशं ।

हनि अरिचक्रेशं, हे गुनधेशं, दयामृतेशं, मक्रेशं ॥ १ ॥

ॐ ह्रीं श्रीशान्तिनाथजिनेन्द्राय जन्मजरामृत्युविनाशनाथ जलं निर्वपामीति० ॥ १ ॥

वर बावनचंदन, कदलीनंदन, धनआनंदन सहित घसों ।

भवतापनिकन्दन, ऐरानंदन, वंदि अमंदन, चरनवसों ॥श्री० ॥२॥

ॐ ह्रीं श्रीशान्तिनाथजिनेन्द्राय भवतापविनाशनाथ चंदनं निर्वपामीति० ॥ २ ॥

हिमकरकरी लज्जत, मलयसुसज्जत, अच्छत जज्जत, भरिथारी ।  
दुखदारिद गज्जत, सदपदसज्जत, भवभय भज्जत, अतिभारी ॥ श्री० ३

ॐ ह्रीं श्रीशान्तिनाथजिनेन्द्राय अक्षयपदप्राप्तये अक्षतान् निर्वपामीति ॥ ३ ॥

मंदार सरोजं, कदली जोजं, पुंज भरोजं, मलयभरं ।

भरि कञ्चनथारी, तुम ढिग धारी, मदनविदारी, धीरधरं ॥ श्री० ४

ॐ ह्रीं श्रीशान्तिनाथजिनेन्द्राय कामबाणविध्वंसनाय पुष्पं निर्वपामीति ॥ ४ ॥

पकवान नवीने, पावन कीने, षटरसभीने, सुखदाई ।

सनमोदनहारे, लूधा विदारे, आगै धारे, गुनगाई ॥ श्री० ॥ ५ ॥

ॐ ह्रीं श्रीशान्तिनाथजिनेन्द्राय क्षुधारोगविनाशनाय नैवेद्यं निर्वपामीति ॥ ५ ॥

तुम ज्ञानप्रकाशे, भ्रमतम नाशे, ज्ञेयविकाशे सुखरासे ।

दीपक उजियारा, यातै धारा, मोहनिवारा, निज भासे ॥ श्री ६

ॐ ह्रीं श्रीशान्तिनाथजिनेन्द्राय मोहान्धकारविनाशनाय दीपं निर्वपामीति ॥ ६ ॥

चन्दन करपूरं, करि वर चूरं, पावक भूरं, माहि जुरं ।  
तसु धूम उडावै, नांचत जांवै, अलि गुंजावै, मधुरसुरं ॥ श्री० ॥ ७ ॥

ॐ ह्री श्रीशान्तिनाथजिनेन्द्राय अष्टकर्मदहनाय धूपं निर्वपामीति ॥ ७ ॥

बादाम खजूरं, दाडिम पूरं निंबुक भूरं, लै आयो ।  
तासोंपद जज्जों, शिवफल सज्जों, निजरसरज्जों; उमगायो ॥ श्री०

ॐ ह्रीं श्रीशान्तिनाथ जिनेन्द्राय मोक्षफल प्राप्तये फलं निर्वपामीति स्वाहा ॥ ८ ॥

वसु द्रव्य सँवारी, तुमढिग धारी, आनंदकारी, हृगप्यारी ।

म हो भवतारी, करुणाधारी, यातै थारी, शरनारी ॥ ० ॥ ६ ॥

ॐ ह्रीं श्रीशान्तिनाथ जिनेन्द्राय अनर्घ्यपदप्राप्तये अर्घं निर्वपामीति स्वाहा ॥ ६ ॥

### पंच कल्याणक

सुंदरी तथा द्रुतिविलंबित छंद ।

असित सातय भादवं जानिये । गरभमंगल तादिन मानिये ॥

सचि कियो जननी पद चर्चनं । हम करै इत ये पद अर्चनं ॥ १ ॥

ॐ ह्रीं भाद्रपदकृष्णसप्तम्यां गर्भमंगलमंडिताय श्रीशान्तिनाथजिनेन्द्राय अर्घं नि० ॥

जनम जेठ चतुर्दशि श्याम है । सकलइंद्र सु आगत धाम है ॥

गजपुरै गज राज सबै तजै । गिरि जजे इत में जजि हो अबै ॥२॥

ॐ ह्रीं ज्येष्ठकृष्णचतुर्दश्यां जन्ममंगलप्राप्ताय श्रीशान्तिनाथजिनेन्द्राय अर्घं नि० ॥२॥

भव शरीर सुभोग आसार हैं । इमि विचार तबै तप धार हैं ॥

ध्रमर चौदश जेठ सुहावनी । धरमहेत जजों गुन पावनी ॥ ३ ॥

ॐ ह्रीं ज्येष्ठकृष्णचतुर्दश्यां निःकममहोत्सवगण्डिताय स्त्रीशान्तिनाथ जिनेन्द्राय अर्घं नि०

शुक्लपौष दश सुखराश है । परम-केवल-ज्ञान प्रकाश है ॥

भवसमुद्रउधारन देवकी । हम करै नित मंगल सेवकी ॥ ४ ॥

ॐ ह्रीं पौषशुक्लदशम्यां केवलज्ञानप्राप्ताय श्रीशान्तिनाथजिनेन्द्राय अर्घं नि० ॥४॥

असित बौदस जेठ हनं अरी । गिरि समेदथकी शिव-ती वरी ॥



सकलइंद्र जजौं तित आइकै । हम जजै इत मस्तक नाइकै ॥५॥

ॐ ह्रीं ज्येष्ठकृष्णचतुर्दश्यां मोक्षमङ्गलप्राप्ताय श्रीशान्तिनाथजिनेन्द्राय अर्घं नि० ॥५॥

## जयमाला

छंद रथोद्धता, चंद्रवत्स तथा चंद्रवर्त्म ( वर्ण ११—लाटानुप्रास )

शान्ति शान्तिगुनमंडिते सदा । जाहि ध्यावत सुपंडिते सदा ॥

में तिन्हे भगतमंडिते सदा । पूजि हों कलुषहंडिते सदा ॥ १ ॥

मोच्छहेत तुम ही दयाल हो । हे जिनेश गुनरत्नमाल हो ।

में अबै सुगुनदाम ही धरों । ध्यावतें पुरित मुक्ति-ती वरों ॥२॥

छंद पद्धति ( १६ मात्रा )

जय शान्तिनाथ चिद्रूपराज । भवसागरमे अदभुत जहाज ॥ तुम तजि सरवारथसिद्ध  
थान । सरवारथजुत गजपुर महान ॥ १ ॥ तित जनम लियौ आनंद धार । हरि ततछिन आयो  
राजद्वार ॥ इंद्रानी जाय प्रसूतथान । तुमको करमे लै हरप मान ॥ २ ॥ हरि गोद देय सो  
मोदधार । सिर चमर अमर द्वारन अपार ॥ गिरिराज जाय नित शिला पांड । तापै थाप्यो

अभिषेक माड ॥ ३ तित पंचम उदधि तनों सु वार । सुर कर कर करि ल्याये उदार ॥ तव  
इंद्र सहसकर करि अनंद । तुम सिर धारा ढासौ सुनंद ॥४॥ अघ घघ घघ घघ धुनि होत  
घोर । भम भम भम घघ घघ कलशशोर ॥ द्रुमद्रुम द्रुमद्रुम बाजत मृदंग । भन नन नन नन  
नन नूपुरंग ॥५॥ तन नन नन नन नन तनन तान । घन नन नन घंटा करत ध्वान ॥ तार्थेई  
थेइ थेइ थेइ सुवाल । जुत नाचत नावत तुमहिं भाल ॥६॥ चट चट चट अटपट नटत  
नाट । भट भट भट हट नट शट विराट ॥ इमि नाचत राचत भगत रंग । सुर लेत जहां  
आनंद संग ॥ ७ ॥ इत्यादि अतुल मंगल सुठाट । तित बन्यौ जहां सुरगिरि विराट ॥ पुनि  
करि नियोग पितुसदन आय । हरि सौंप्यौ तुम तित वृद्ध थाय ॥ पुनि राजमाहिं लहि  
चक्ररत्न । भोग्यौ छबंड करि धरम जल्ल ॥ पुनि तप धरि केवलरिद्धि पाय । भवि जीवनकों  
शिवमग वताय ॥ शिवपुर पहुचे तुम हे जिनेश । गुनमंडित अतुल अनन्त भेष ॥ मैं ध्यावतु  
हौं नित शीश नाय । हमरो भवबाधा हरि जिनाय ॥१०॥ सेबक अपनो निज जान जान ।  
करुना करि भौभय भान भान ॥ यह विघन मूल तरु खंड खंड । चितचिन्तित आनंद  
मंड मंड ॥ ११ ॥

घत्तानंद छंद ( मात्रा ३१ )

श्रीशान्ति महंता, शिवतियकंता, सुगुन अनंता, भगवन्ता ।

भवभ्रमन हनंता, सौख्यअनंता, दातारं तारनवन्ता ॥ १ ॥

ॐ ह्रीं श्रीशान्तिनाथजिनेन्द्राय पूर्णार्घं निर्वपामीति स्वाहा ॥ १ ॥

छंद रूपक सवैया ( मात्रा ३१ )

शांतिनाथजिनके पदपंकज, जो भवि पूजै मनचक्राय ।

जनम जनमके पातक ताके, ततछिन तजिकै जाय पलाय ॥

मनबंधित सुख पावै सो नर, बाँचै भगतिभाव अति लाय ।

तातै 'वृन्दावन' नित बंदै, जातै शिवपुरराज कराय ॥ १ ॥

इत्याशीर्वादः पुष्पाञ्जलि क्षिपेत् ।

## श्रीकुंथनाथ जिनपूजा ।

छंद माधवी तथा किरिट ( वर्ण २५ ) ।

अजअंक अजैपद राजै निशंक, हरै भवशंक निशंकित दाता ।

मतमत्त मतंगके माथे गँथे, मतवाले तिन्हें हनें ज्यौं हरिहाता ॥

गजनागपुरै लियो जन्म जिन्हौं, रविके प्रभनंदन श्रीमतिमाता ।  
सहकुंतुसुकुंतुनिके प्रतिपालक, थापों तिन्हे जुतभक्ति विख्याता ॥१॥

ॐ ह्रीं श्रीकुंतुनाथजिनेन्द्र ! अत्र अवतर अवतर । संवौपट् ॥

ॐ ह्रीं श्रीकुंतुनाथजिनेन्द्र ! अत्र तिष्ठ तिष्ठ । ठः ठः ॥

ॐ ह्रीं श्रीकुंतुनाथजिनेन्द्र ! अत्र मम सन्निहितो भव भय । वपट् ॥

### अष्टक

चाल लावनी मरहठी की लाला मनसुखरायजी कृत ।

कुंतु सुन अरज दासकेरी । नाथ सुनि अरज दासकेरी ॥

भवसिन्धु पख्यो हों नाथ निकारो बांह पकर मेरी ॥

प्रभू सुन अरज दासकेरी । नाथ सुनि अरज दासकेरी ॥

जगजाल पख्यो हों बेग निकारो बांह पकर मेरी ॥ टेक ॥

सुरतरनीको उज्जलजल भरि, कनकभृंग भेरी ।

मिथ्यातृषा निवारण कारण, धरों धार नेरी ॥ कुंथु० ॥ १ ॥

ॐ ही श्रीकुंथुनाथजिनेन्द्राय जन्मजरामृत्यु विनाशनाय जलं निर्वपामीति स्वाहा ॥२॥

बावन चंदन कदलीनंदन, घँसिकर गुन टेरी ।

तपन मोह नाशनके कारण, धरों चरन नेरी ॥ कुंथु० ॥ २ ॥

ॐ ही श्रीकुंथुनाथजिनेन्द्राय भवनापविनाशनाय चंदनं निर्वपामीति स्वाहा ॥ २ ॥

मुक्ताफलसम उज्जल अच्छत, सहित मलय लेरी ।

पुंज धरों तुम चरनन आगै, अखय सुपद देरी ॥ कुंथु० ॥ ३ ॥

ॐ ही श्री कुंथुनाथजिनेन्द्राय अक्षयपदप्राप्तये अक्षतान् निर्वपामीति स्वाहा ॥ ३ ॥

कमल केतकां बेलां दौनां, सुमन सुमनसेरी ।

समर शूलनिरमूल हेतु प्रभु, भेंट करों तेरी ॥ कुंथु० ॥ ४ ॥

ॐ ही श्रीकुंथुनाथजिनेन्द्राय श्लुधारागविनाशनाय नैवेद्यं निर्वपामीति स्वाहा ॥५॥

कंचन दोपमई वर दीपक, ललित जोति घेरी ।

सो लै चरन जजों भ्रम तम रबि, निज सुबोददेरी ॥ कुं० ॥६॥

ॐ ह्रीं श्रीकुंथुनाथजिनेन्द्राय मोहान्धकारविनाशनाय दोषं निर्वपामीति स्वाहा ॥६॥

देवदारु हरि अगार तगर करि चूर अगनि खेरी ।

अष्ट करम ततकाल जरै ज्यौं, धूम धनंजेरी ॥ कुंथु ० ॥ ७ ॥

ॐ ह्रीं श्रीकुंथुनाथजिनेन्द्राय अष्टकर्मदहनाय धूमं निर्वपामीति स्वाहा ॥ ७ ॥

लौंग लायची पिस्ता केला, कमरख शुचि लेरी ।

मोब्ब महाफल चाखन कारन, जजों सुखरि ढेरी ॥ ८ ॥

ॐ ह्रीं श्रीकुंथुनाथजिनेन्द्राय मोक्षफलप्राप्तये फलं निर्वपामीति स्वाहा ॥ ८ ॥

जल चंदन तंदुल प्रसून चरु, दोष धूप लेरी ।

फलजुत जजन करों मन सुख धरि हरो जगत फेरी ॥ कुं० ॥६॥

ॐ ह्रीं श्रीकुंथुनाथजिनेन्द्राय अनर्घ्यपदप्राप्तये अर्घं निर्वपामीति स्वाहा ॥६॥

पंच कल्याणक

मोतीदाम छन्द ( वर्ण १२ )

सुसावनको दशमी कलि जान । तज्यो सरवारथसिद्ध विमान ॥

भयो गरभागममंगल सार । जजै हंम श्रीपद अष्टप्रकार ॥ १ ॥

ॐ हीं श्रावणकृष्णदशम्यां गर्भमंगलप्राप्तये श्रीकुंथुनाथजिनेन्द्राय अर्घं नि० ॥१॥

महा वयशाख सु एकम शुद्ध । भयो तब जन्मतिज्ञान समुद्ध ॥

कियो हरि मंगल मंदिरशीस । जजै हंम अत्र तुम्हे नुतशीस ॥२॥

ॐ हीं वैशाखशुक्लप्रतिपदि जन्ममंगलप्राप्तये श्रीकुंथुनाथजिनेन्द्राय अर्घं नि०

तज्यो खटखंड विभौ जिनचंद । विमोहितचित्तचितारि सुछंद ॥

धरे तप एकम शुद्ध विशाख । सुमग्न भये निजआनंद चाख ॥३॥

ॐ हीं वैशाखशुक्लप्रतिपदि निःक्रममहोत्सवमण्डिताय श्रीकुंथुनाथजिनेन्द्राय अर्घं नि०

सुदी तिय चैत सु चेतन शक्त । चहूं अरि छै करि तादिन व्यक्त ॥

भई समवसत भाखि सुधर्म । जजों पद ज्यों पद पाइय पम ॥४॥

ॐ हीं चैत्रशुक्लतृतीयायां केवलज्ञानप्राप्तये श्रीकुंथुनाथजिनेन्द्राय अर्घं नि०

सुदी वयशाख सु एकम नाम । लियो तिहिं द्यौस अभै शिवधाम

जजे हरि हर्षित मंगल गाय । समर्चतु हौं सु हिया वचकाय ॥५॥

ॐ ह्रीं वैशाखशुक्रप्रतिपद मोक्षमङ्गलप्राप्तये श्रीकुंथुनाथजिनेन्द्राय अर्पणं नि०

## जयमाला

अखिल छन्द ( मात्रा २१ रूपकालंकार )

खट खंडनके शत्रु राजपदमें हने । धरि दीक्षा खटखंडन पाप  
तिन्हें दनें ॥ त्यागि सुदरशन चक्र धरमचक्री भये । करमचक्र चक-  
चूर सिद्ध दिढ़ गढ़ लये ॥१॥ ऐसे कुंथु जिनेशतनें पदपद्मका । गुन  
अनंत भंडार महासुखसन्नकों ॥ पूजों अरध चढ़ाय पूरणानंद हो ।  
चिदानन्द अभिनन्द इंदगनवंद हो ॥ २ ॥

पद्मरि छंद ( मात्रा १६ ) ।

जय जय जय जय श्रीकुंथुदेव । तुम ही ब्रह्मा हरि त्रिवुकेव ॥ जय बुद्धि विदांबर विष्णु  
ईस । जय रमाकंत शिवलोक शीस ॥ ३ ॥ जय दयाधुरंधर सृष्टिपाल । जय जय जगबंधू  
सुगुनमाल ॥ सरवारथसिद्धविमान छार । उपजे गजपुरमें गुन अपार ॥ ४ ॥ सुरराज कियो



गिरन्हीन जाय ॥ आनन्द-सहित ज्ञुत-भगत भाय ॥ पुनि पिता सौंपि कर मुदिन अंग । हरि  
 तांडव-निरत कियो अभंग ॥ पुनि स्वर्ग गयो तुम इन दयाल । वय पाय मनोहर प्रजापाल ॥  
 यष्टवंड विभो भोग्यौ समस्त । फिर त्याग जोग धासो निरस्त ॥ ६ ॥ तव घाति घात केवल  
 उपाय । उपदेश दियो सवहित जिनाय ॥ जाके जानत भ्रम-तम विलाय । सम्यकदर्शन  
 निरमल लहाय । ७ । तुम धन्य देव किरपा-निधान । अज्ञान-छपा-तमहरन भान ॥ जय  
 स्वच्छगुनाकर शुक्तशुक्त । जय स्वच्छ सुकामृत भुक्तभुक्त ॥ ८ ॥ जय भोभयभंजन कृत्यकृत्य । मैं  
 तुमरो हों निज भृत्य भृत्य ॥ प्रभु अशरन शरन अधार धार । मम विघ्नतूलगिरी जार जार ॥ ९ ॥  
 जय कुनय-यामिनी सूर सूर । जय मनवंचित सुख पूर पूर ॥ मम करम वध दिह चूर चूर ।  
 निजसम आनन्द दे भूर भूर ॥ १० ॥ अथवा जब लौं शिव लहौं नाहि । तब लौं ये तो नित  
 ही लहाहि । भव भव श्रावक-कुलजनमसार । भव भव सतमत सतसंग धार ॥ ११ ॥ भव भव  
 निज आतम-तद्व-ज्ञान । भव भव तप संजम शील दान ॥ भव भव अनुभव नित चिदानंद ।  
 भव भव तुम आगम हे जिनंद ॥ १२ ॥ भव भव समाधिजुत मरज सार । भव भव व्रत चाहौं  
 अनागार ॥ यह मोकों हे करुणानिधान । सब जोग मिलो आगम प्रमान ॥ १३ ॥ जब लो शिव  
 सम्पति लहौं नाहि । तबलौं मैं इनको नित लहौंहि ॥ यह अरज हिये अवधारि नाथ । भव-  
 संकट हरि कीजे सनाथ ॥ १४ ॥

छन्द घन्तानन्द ( मात्रा ३१ )

जय दीनदयाला, वरगुनमाला, विरदविशाला सुख आला ॥

में पूजों ध्यावों, शीस नमावों, देहु अचल पदकी चाला ॥१५॥

ॐ ह्रीं श्रीकंथुनाथजिनेन्द्राय पूर्णार्घं निर्वपामीति स्वाहा ॥१५॥

छन्द रोड़क मात्रा ( २४ )

कंथुजिनेसुरपादपदम, जो प्रानी ध्यावैं ।

अलि समकर अनुराग, सहज सो निजनिधि पावैं ॥

जो वांचैं सरदहै, करै अनुमोदन पूजा,

वृन्दावन तिह पुरुष सदृश, सुखिया नहिं दूजा ॥१६॥

इत्याशोर्वादः परिपुष्पाञ्जलिं क्षिपेत् ।

**श्रीअरनाथ जिनपूजा ।**

छप्पय छन्द ( वीरसरूपकालंकार मात्रा १-२ )

तप तुरंग असवार धार, तारन विवेक कर ।  
 ध्यान शुक्ल असि धार, शुद्ध सुविचार सुबखतर ॥  
 भावन सेना धरम, दशों सेनापति थापे ।  
 रतन तोन धर सकति, मंत्रि अनुभो निरमापे ॥  
 सत्तातल सोहं सुभट धुनि, त्याग केतु शत अग्र धरि ।  
 इहविध समाज सज राजकों, अरजिन जाते करम अरि ॥ १ ॥  
 ॐ ह्रीं श्रीअरनाथजिनेन्द्र ! अत्र अवतर अवतर । संबोषट् ॥ १ ॥  
 ॐ ह्रीं श्रीअरनाथजिनेन्द्र ! अत्र तिष्ठ तिष्ठ । ठः ठः ॥ २ ॥  
 ॐ ह्रीं श्रीअरनाथजिनेन्द्र ! अत्र मम सन्निहितो भव भव । वषट् ॥ ३ ॥

### अष्टक

छन्द त्रिभंगी ( अनुप्रयासक मात्रा ३२—जगनवर्जित )  
 कनमनिमय भारी, हृगसुखकारी, सुरसरितारी नीरभरी ॥  
 मुनिमनसम उज्जल, जनमजरादल, सो लै पदतल, धार करी ॥

प्रभु दीनदयालं, अरिकुलकालं, विरदविशालं सुकुमालम् ।

हनि मम जंजालं, हे जगपालं, अरगुनमालं वरभालम् ॥१॥

ॐ ह्रीं श्रीअरनाथजिनेन्द्राय जन्मजरामृत्युविनाशनाय जलं निर्वपामीति स्वाहा ॥ २ ॥

भवताप नशावन विरद सुपाव, सुनि मन भावन मोद भयो ।

तातै' घसि बावन, चंदन पावन, तरहिं चढावन उमगि अयो ॥ प्रभु० ॥

ॐ ह्रीं श्रीअरनाथ जिनेन्द्राय भवताप विनाशनाय चंदन ॥ २ ॥

तंदुल अनियारे, श्वेतसँवारे, शशिदुति टारे, थार भरे ।

पद अखय सुदाता, जगविख्याता, लखि भवताता, पुंजधरे ॥ प्रभु०

ॐ ह्रीं श्रीअरनाथजिनेन्द्राय अक्षयपदप्राप्तये अक्षतान् निर्वपामीति स्वाहा ॥ ३ ॥

सुरतरुके शोभित, सुरन मनोभित, सुमन अछोभित, लै आयौ ।

मनमथके छेदन, आप अवेदन, लखि निरवेदन, गुन गायौ ॥ प्रभु०

ॐ ह्रीं श्रीअरनाथजिनेन्द्राय कामबाणविध्वंसनाय पुष्पं निर्वपामीति स्वाहा ॥ ४ ॥

नेवज सज भक्षक, प्रासुक अक्षक, पक्षकरक्षक, स्वक्ष धरी ।

तुम करसनिकचक, भस्मकलचक, दक्षक, पक्षक, रक्षकरी ॥ प्रभु०

ॐ ह्रीं श्रीअरनाथजिनेन्द्राय क्षुधारोगविनाशनाय नैवेद्यं निर्वपामीति स्वाहा ॥ ५ ॥

तुम भ्रमतमभंजन, मुनिमनकंजन,—रंजन गंजनमोहनिशा ।

रविदेवलस्वामी, दीप जगामी, तुम ढिग आमी, पुन्यदृशा ॥ प्रभु०

ॐ ह्रीं श्रीअरनाथजिनेन्द्राय मोहान्धकारविनाशनाय दीपं निर्वपामीति स्वाहा ॥ ६ ॥

दशधूप सुरंगी गंधअभंगी वन्हिवरंगीमाहिं हवै ।

वसुकर्म जरावै धूमउड़ावै, ताँडव भाव नृत्य पवै ॥ प्रभु०

ॐ ह्रीं श्रीअरनाथजिनेन्द्राय अष्टकर्मदहनाय धूपं निर्वपामीति स्वाहा ॥ ७ ॥

रितुफल अतिपावन, नयनसुहावन, रसनाभावन, कर लीनें ।

तुम विघनविदारक, शिवफलकारक, भवदधि-नागक, चरचीनें ॥ प्रभु०

ॐ ह्रीं श्रीअरनाथजिनेन्द्राय मोक्षफलप्राप्तये फलं निर्वपामीति स्वाहा ॥ ८ ॥

सुचि स्वच्छ पटीरं, गंधगहीरं तंदुलशीरं, पुष्पचरुं ।

वर दीपं धूपं, आनन्दरूपं, लै फल भूपं, अर्घकरं ॥ प्रभु०

ॐ ह्रीं श्रीअरनाथजिनेन्द्राय अनर्घ्यपदप्राप्तये अर्घं निर्वपामीति स्वाहा ॥ ६ ॥

## पच कल्याणक

छद चौपाई ( मात्रा १६ ) ।

फागुन सुदी तीज सुखदाई । गरभ सुमंगल ता दिन पाई ॥

मित्रादेवी उदर सु आये । जजे इंद्र हम पूजन आये ॥ १ ॥

ॐ ह्रीं फल्गुनशुक्लतृतीयायां गर्भमङ्गलप्राप्ताय श्रीअरनाथजिनेन्द्राय अर्घं नि० ॥ १ ॥

मंगसिर शुद्ध चतुर्दशि सोहै । गजपुर जनम भयौ जग मोहै ॥

सुरगुरु जजे मेरुपर जाई । हम इत पूजै मनवचकाई ॥ २ ॥

ॐ ह्रीं मार्गशीर्षशुक्लचतुर्दश्यां जन्ममङ्गलप्राप्ताय श्रीअरनाथजिनेन्द्राय अर्घं नि० ॥ २ ॥

मंगसिर सित चौदस दिन राजै । तादिन संजम धरे विराजै ।

अपराजित घर भोजन पाई । हम पूजै इत चित हरषाई ॥ ३ ॥

ॐ ह्रीं मार्गशीर्षशुक्लचतुर्दश्यां निःक्रममङ्गलमण्डिताय श्रीअरनाथजि नेन्द्राय अर्घं नि० ॥  
कार्तिक सित द्वादसि अरि चूरे । केवलज्ञान भयो गुन पूरे ॥  
समवसग्नथित धरम बखाने । जजत चरन हम पातक भाने ॥४॥

ॐ ह्रीं कार्तिकशुक्लद्वादश्यां ज्ञानमंगलमण्डिताय श्रीअरनाथजिनेन्द्राय अर्घं नि०  
चैत शुक्ल ग्यारस सब कर्म । नाशि वास किय शिव-थल परम ।  
निहचल गुन अनन्त भंडारी । जजों देव सुधि लेहु हमारी ॥ ५ ।  
ॐ ह्रीं चैत्रशुक्लैकादश्यां मोक्षमंगलप्राप्ताय श्रीअरनाथजिनेन्द्राय अर्घं नि० ॥ ५ ॥

## जयमाला

दोहा छंद ( जमकपद तथा लाटानुबंधन । )

बाहर भीतरके जिने, जाहर अर दुखदाय ।  
ता हर कर अरजिन भये, साहर शिवपुर राय ॥ १ ॥  
राय सुदरशन जासु पितु, मित्रादेवो माय ।

हेमवरन तन वरप वर, नव्वै सहस सुआय ॥ २ ॥

छंद तोटक( वर्ण १२ )

जय श्रीधर श्रीकर श्रीपति जी । जय श्रीवर श्रीभर श्रीमति जी ॥ भवभीमभवोदधि तारन  
हैं । अरनाथ नमों सुखकारन हैं ॥ ३ ॥ गरभादिक मंगल सार धरे । जग जीवनिके दुखदंद  
हरे ॥ कुटुंबशशिखामनि तारन हैं । अरनाथ नमों सुखकारन हैं ॥ ४ ॥ करि राज छखंड-  
विभूतिमई । तप धारत केवलबोध ठई ॥ गण तीस जहां भ्रमवारन हैं । अरनाथ नमों सुख-  
कारन हैं ॥ ५ ॥ भविजीवनिको उपदेश दियौ । शिवहेत सब जन धारि लियौ ॥ जगके सब  
संकट टारन हैं । अरनाथ नमों सुखकारन हैं ॥ ६ ॥ कहि बीसप्ररूपनसार तहां । निजशर्म-  
सुधारस धार जहां ॥ गति चार हयी पन धारन हैं । अरनाथ नमों सुखकारन हैं ॥ ७ ॥ खट  
फाय तिजोग तिवेद मथा । पनबीस कपा वसु ज्ञान तथा ॥ सुर संजमभेद पसारन है ।  
अरनाथ नमों सुखकारन हैं ॥ ८ ॥ रस दर्शन लेश्यय भव्य जुगं । खट सम्यक सैनिय भेद  
युगं ॥ जुग हार तथा सु अहारन हैं । अरनाथ नमों सुखकारन हैं ॥ ९ ॥ गुनथान चतुर्दश  
मारगना । उपयोग दुवादश भेद भना ॥ इमि बीस विभेद उचारन है । अरनाथ नमों  
सुखकारन हैं ॥ १० ॥ इन आदि समस्त वखान कियो । भवि जीवनने उरधार लियौ ॥ कितने



शिववादिन धारन हैं । अरनाथ नमों सुखकारन हैं ॥११॥ फिर आप अघाति विनाश सबै ।  
शिवधामविषे थित कीन तवै ॥ तकृत्यभू कृप्र जगतारन हैं । अरनाथ नमों सुख कारन  
हैं ॥१२॥ अब दीनदयाल दया धरिये । मम कर्म कलंक सबै हरिये ॥ तुमरे गुनको कछु  
पार न हैं । अरनाथ नमों सुखकारन हैं ॥१३॥

घत्तानंद छन्द ( मात्रा ३१ )

जय श्रीअरदेवं, सुरकृतसेवं, समताभेवं, दातारं ।

अरिकर्मवदारन, शिवसुखकारन, जय जिनवर जगत्रातारं ॥१४॥

इति श्रीअरनाथजिनेन्द्राय पूर्णार्घ्यं निर्वपामीति स्वाहा ॥

छन्द आर्या , मात्रा ६० )

अरजिनके पदसारं, जो पूजै द्रव्यभावसों प्राणी ।

सो पावै भवपारं, अजरामर मोच्छथोन सुखखानी ॥ १५ ॥

इत्याशीर्वादःपरिपुष्पाञ्जलिं क्षिपेत् ।

# श्रीमल्लिनाथजिनपूजा ।

अपराजिततें आय नाथ मिथिलापुर जाये । कुंभराथके नन्द, प्रजा-  
पति मात बताये ॥ कनक वरन तन तुंग, धनुष पञ्चोस विराजै ।  
सो प्रभु तिष्ठहु आय निकट मम ज्यों भ्रमभाजै ।

ॐ ह्रीं श्रीमल्लिनाथजिनेन्द्र ! अत्र अवतर अवतर । संवोपट् ।

ॐ ह्रीं श्रीमल्लिनाथजिनेन्द्र ! अत्र तिष्ठ तिष्ठ । ठः ठः ।

ॐ ह्रीं श्रीमल्लिनाथजिनेन्द्र ! अत्र मम सन्निहितो भव भव । वषट् ।

## अष्टक ।

छंद जोगीरासा ( मात्रा २८ )

सुर-सरिता-जल उज्जल लौ कर, मनिभृंगार भराई ।  
जनम जराभृत नाशनकारन, जजहुं चरन जिनराई ॥

राग-दोष-मद-मोहहरनको, तुम ही हौ वरवीरा ।

याते' शरन गही जगपतिजी, बेग हरो भवपीरा ॥ १ ॥

ॐ ह्रीं श्रीमल्लिनाथजिनेन्द्राय जन्मजरामृत्युविनाशनाय जलं निर्वपामीति स्वाहा ॥१॥

घावनचंदन कदलीनंदन, कुंकुमसंग घसायौ ॥

लेकर पूजाँ चरनकमल प्रभु, भवआताप नसायो ॥ राग० ॥२॥

ॐ ह्रीं श्रीमल्लिनाथजिनेन्द्राय भवतापविनाशनाय चंदनं निवपामीति० ॥ २॥

तंदुलशशिसम उज्जल लीनें, दीनें पुंज सुहाई ।

नाचत राचत भगति करत ही, तुरित अखैपद पाई ॥ राग० ॥३॥

ॐ ह्रीं श्रीमल्लिनाथजिनेन्द्राय अक्षयपदप्राप्तये अक्षतान् निर्वपामीति० ॥ ३ ॥

पारिजातमंदार सुमन, संतानजनिन महकाई ।

मार सुभट मदभंजनकारन, जजहुं तुम्हे' शिरनाई ॥ राग०॥४॥

ॐ ह्रीं श्रीमल्लिनाथजिनेन्द्राय कामबाणविध्वंसनाय पुष्पं निर्वपामीति० ॥ ४ ॥

फेनी गोभा मोदनमोदक, आदिक सद्य उपाई ।

सो लौ छुधा निवारन कारन, जजहुं चरन लबलाई ॥ राग० ॥५॥

ॐ ह्रीं श्रीमहिनाथजिनेन्द्राय क्षुधारोगविनाशनाय नैवेद्यं निर्वपामीति० ॥ ५ ॥

तिमिरमोह उरमंदिर मेरे, छाय रद्यो दु...दाई ।

तासु नाशकारनको दीपक, अद्भुतजोति जगाई ॥ राग० ॥६॥

ॐ ह्रीं श्रीमहिनाथजिनेन्द्राय मोहान्धकारविनाशनाय दीपं निर्वपामीति० ॥६॥

अगर तगर कृष्णागर चंदन, चूंगि सुगंध बनाई ।

अष्टकरम जारनको तुमढिग, खेवतु हौं जिनराई ॥ राग० ॥७॥

ॐ ह्रीं श्रीमहिनाथजिनेन्द्राय अष्टकर्मदहनाय धूपं निर्वपामीति० ॥ ७ ॥

श्रीफल लौंग वदाम दुहारा, एला केला लाई ।

मोखमहाफलदाय जानिकै, पूजौं मन हरखाई ॥ राग० ॥ ८ ॥

ॐ ह्रीं श्रीमहिनाथजिनेन्द्राय मोक्षफलप्राप्तये फलं निर्वपामीति स्वाहा ॥ ८ ॥

जल फल अरघ मिलाय गाय गुन, पूजौं भगति बढ़ाई ।

शिवपदराज हेत हे श्रीधर शरन गही मैं आई ॥ राग० ॥६॥

ॐ ह्रीं श्रीमल्लिनाथजिनेन्द्राय अनर्घ्यपदप्राप्तये अर्घं निर्वपामीति स्वाहा ॥ ६ ॥

## पंचकल्याणक ।

लक्ष्मीधरा छन्द ( १२ वर्ण ) ।

चैतकी शुद्ध एकै भली राजई । गर्भकल्याण कल्याणकौ साजई ॥

कुंभराजा प्रजापति माता तने । देवदेवी जजे शीस नाये घने ॥

ॐ ह्रीं चैत्रशुक्लप्रतिपदा गर्भागममङ्गलमण्डिताय श्रीमल्लिनाथजिनेन्द्राय अर्घं नि०

मार्गशीर्षे सुदी ग्यारसी राजई । जन्मकल्याणको चौस सो छाजई ॥

इंद्र नागेंद्र पूजे गिरेंद्रे जिन्हें । मैं जजौं ध्यायकें शीस नावौं तिन्हें ॥

ॐ ह्रीं मार्गशीर्षशुक्लैकादश्यां जन्ममङ्गलप्राप्तये श्रीमल्लिनाथजिनेन्द्राय अर्घं नि०

मार्गशीर्षेसुदीग्यारसीके दिना । राजको त्याज दीच्छा धरी है जिना ॥

दान गोछीरको नंदसेनें द्यौ । मैं जजौं जासुके पंचचर्जे भयौ ॥

ॐ ह्रीं मार्गशीर्षशुक्लैकादश्यां तपमंगलमण्डिताय श्रीमल्लिनाथजिनेन्द्राय अर्घं नि०  
पौषकी श्यामदूती हने घातिया । केवलज्ञानसाध्राज्य लक्ष्मीलिया ॥  
धर्मचक्री भये सेव शक्री करै । मैं जजौं चर्न ज्यों कर्मवक्री टरै ॥

ॐ ह्रीं पौषकृष्णाद्वितीयायां केवलज्ञानप्राप्ताय श्रीमल्लिनाथजिनेन्द्राय अर्घं नि०  
फाल्गुन सेत पांचै अघाती हते सिद्ध आलै बसे जाय सम्मेदतें ॥  
इंद्रनागेंद्र कीन्हीं क्रिया आयकें । मैं जजौं सो महो ध्यायकें गायकें ॥

ॐ ह्रीं फाल्गुनशुक्लपञ्चम्यां मोक्षमङ्गलप्राप्ताय श्रीमल्लिनाथ जिनेन्द्राय अर्घं नि० ॥

## जयमाला ।

घत्तानंद छंद ( ३१ मात्रा ) ।

तुअ नमित सुरेशा, नरनागेशा, रजतनगेशा, भगति भरा ।  
भवभयहरनेशा, सुग्वभरनेशा, जै जै जै शिवरमनिवरा ॥१॥

पद्मरि छन्द ( मात्रा १६ लघ्वन्त ) ।

जय शुद्ध चिदात्म देव पव । निरदोष सुगुन यह सहज देव ॥ जय भ्रमतमभंजन ।

मारतंड । भविभवदधितारनको तरंड ॥ २ ॥ जय गरभजनममंडित जिनेश । जय छाथक  
 समकित बुद्ध भेस ॥ चौथे किय सातो प्रकृति छीन । चौ अनंतानु मिथ्यात तीन ॥ ३ ॥  
 सातय किय तीनो आयु नाश । फिर नवे अंश नवमे विलास ॥ तिनमाहिं प्रकृति छत्तीस  
 चूर । याभांति कियौ तुम ज्ञानपूर ॥ ४ ॥ पहिले महँ सोलह कहँ प्रजाल । निद्रानिद्रा  
 प्रचलाप्रचाल ॥ हनि थानगृद्धिको सकल कुब्ज । नर तिर्यग्गति गत्यानुपुब्ज ॥ ५ ॥ इक वे ते  
 चौ इंद्रिय जात । थावर आतप उद्योत घात ॥ सूच्छम साधारन एम चूर । पुनि दुतिय अंश  
 वसु करयो दूर ॥ ६ ॥ चौ प्रत्याप्रत्याख्यान चार । तीजे सु नपुंसकवेद टार ॥ चौथे तियवेद  
 विनाश कीन । पांचै हास्यादिक छहो छीन ॥ ७ ॥ नरवेद छठे छय नियत धीर । सातय  
 संज्वलन क्रोधचीर ॥ आठवें संज्वलन मानभान । नवमे माया संज्वलन हान ॥ ८ ॥ इमि  
 घात नवें दशमें पधार । संज्वलनलोभ तित हू विदार ॥ पुनि द्वादशके द्वयअंशमाहिं । सोरह  
 चकचूर कियो जिनाहिं ॥ ९ ॥ निद्रा प्रचला इक भागमाहिं । दुति अंश चतुर्दश नाश जाहिं ॥  
 ज्ञानावरनी पन दरश चार । अरि अंतराय पांचों प्रहार ॥ १० ॥ इमि छय त्रेशठ केवल उपाय ।  
 धरमोपदेश दीन्हो जिनाय ॥ नवकेवललब्धि विराजमान । जय तेरमगुनथिति गुन अमान ॥ ११ ॥  
 गत चौदहमे द्वै भाग तत्र । छव कीन वहत्तर तेरहत्र ॥ वेदनी असाताको विनाश । औदारि  
 विक्रियाहार नाश ॥ १२ ॥ तैजस्यकारमानो मिलाय । तन पंचपंच बंधन विलाय ॥ संघात

पंच घाते महंत । त्रय आंगोपांग सहित भनंत ॥ १३ ॥ संठान संहनन छय छहेव । रसवरन  
 पंच वसु फरस भेव ॥ जुगगंध देवगति सहित पुव्व । पुनि अगुरु लघु उस्वास दुव्व ॥ १४ ॥  
 परउपघातक सुविहाय नाम । जुत अशुभगमन प्रत्येक खाम ॥ अपरज थिर अथिर अशुभ-  
 सुमेव । दुरभाग सुसुर दुस्सुर अमेव ॥ १५ ॥ अन आदर और अजस्य कित्त । निरमान नीच  
 गोतौ विचित्त ॥ ये प्रथम बहत्तर विय खपाय । तव दूजेमें तेरह नशाय ॥ १६ ॥ पहले साता-  
 वेदनी जाय । नरआयु मनुपगतिको नशाय ॥ मानुपगत्यानु सु पूस्वीय । पंचेन्द्रिय जात प्रकृति  
 विधीय ॥ १७ ॥ त्रसवादर परजापति सुभाग । आदरजुत उत्तम गोतपाग ॥ जस कीरत  
 तीरथ प्रकृत जुक्त । ए तेरह छय करि भये मुक्त ॥ १८ ॥ जय गुन अनंत अविकार धार ।  
 वरनत गनधर नहिं लहत पाग ॥ सम्मेदशैल सुरपति नमंत । तव मुक्तथान अनुपम लसंत ॥  
 वृंदावन बंदत प्रीतलाय । मम उरमें तिष्ठहु हे जिनाय ॥ २० ॥

घत्तानंद ।

जय जय जिनस्वामी, त्रिभुवन नामी, मल्ल विमलकल्याणकरा ॥  
 भवदंदविदारन आनंदकारन, भविकुमोदनिशिर्इश वरा ॥ २१ ॥

ॐ ह्री श्रीमल्लिनाथजिनेन्द्राय महार्य्यं निर्वपामीति स्वाहा ॥



द्विप्ररिणी ।

जजे हें जो प्राणी दारु अरु भावादि विधिसों ।

करें नानाभांती भगति थुति ओ नौति सुधिसों ॥

लहें शक्री चक्री सकल सुख सौभाग्य तिनको ।

तथा मोक्ष जाये जजत जन जो मल्लिजिनको ॥ २२ ॥

इत्याशीर्वाद्: पुष्पाजलिं क्षिपेत् ।

## श्रीसुनिसुव्रतनाथपूजा ।

मत्तागयन्द ।

प्रानत स्वर्ग विहाय लियो जिन, जन्म सुराजगृहीमहँ आई ।

श्रीसुहृमिन्न पिता जिनके, गुनवान महापवमा जसु साई ॥

वीर्य धनू तनु श्याम अवी, कछु अंक हरी वर वंश वताई ।

सो सुनिसुव्रतनाथ प्रभू कह, थापतु हों इत प्रीति लगाई ॥ १ ॥

ॐ ही श्रीमुनिसुब्रतजिन ! अत्र अवतर अवतर । संवौपट् ॥

ॐ ही श्रीमुनिसुब्रतजिन ! अत्र तिष्ठ तिष्ठ । ठः ठः ॥

ॐ ही श्रीमुनिसुब्रतजिन ! अत्र मम सन्निहितो भव भव । वपट् ॥

### आष्टक

गीतिका—उज्जल सुजल जिमि जस तिहारौ, कनक भ्कारीमें भरों ।

जरमरन जामन हरन कारन, धार तुमपदतर करों ॥

शिवसाथ करत सनाथ सुब्रतनाथ, मुनिगुन माल हैं ।

तसु चरन आनँदभरन तारन, तरन विरद विशाल हैं ॥ १ ॥

ॐ ही श्रीमुनिसुब्रतजिनेन्द्राय जन्मजरामृत्युविनाशनाय जलं निर्वपामीति स्वाहा ॥

भवतापघायक शांतिदायक, मलय हरि घसि ढिग धरों ।

गुनगाय शीस नमाय पूजन, विघनताप सबै हरों ॥ शिव०॥२॥

ॐ ही श्रीमुनिसुब्रतजिनेन्द्राय भवतापविनाशनाय चंदनं निर्वपामीति स्वाहा ॥

तंदुल अगंडित दमक शशिसम, गमक जुत थारी भरों ।

पद अख्यदायक मुक्तिनायक, जानि पद पूजा करों ॥ शि० ॥ ३ ॥

ॐ ह्री श्रीमुनिसुव्रतजिनेन्द्राय अक्षयपदप्राप्तये अक्षतान् निर्वपामीति स्वाहा ॥

बेला चमेली रायबेली, केतकी करनासरो ।

जगजीत मनमथहरन लखि प्रभु, तुम निकट ढेरी करों ॥ शि० ॥ ४ ॥

ॐ ह्री श्रीमुनिसुव्रतजिनेन्द्राय कामवाणविध्वंसनाय पुष्पं निर्वपामीति स्वाहा ॥

पकवान विविध मनोज्ञ पावन, सरस मृदुगुन विस्तरों ।

सो लेय तुम पदतर धरत ही, छुधा डोइनको हरो ॥ शि० ॥ ५ ॥

ॐ ह्री श्रीमुनिसुव्रतजिनेन्द्राय क्षुद्रारोगनिवारणाय नैवेद्यं निर्वपामीति स्वाहा ॥

दीपक अमोलिक रतन मनिमय, तथा पावनघृत भरो ।

सो तिमिरमोनविनाश आतमभास कारन ज्वै धरो ॥ शि० ॥ ६ ॥

ॐ ह्री श्रीमुनिसुव्रतजिनेन्द्राय मोहन्धकारविनाशनाय दीपं निर्वपामीति स्वाहा ॥

करपूर चंदन चूरभूर, सुगंध पावकमें धरो ।

तसु जरत जरत समस्त पातक सार निजसुखको भरो ॥ शि० ॥ ७ ॥

ॐ ह्रीं श्रीमुनिसुवतजिनेन्द्राय अष्टकर्मदहनाय धूपं निर्वपामीति स्वाहा ॥

श्रीफल अनार सु आम आदिक पक्कफल अति विस्तरों ।

सो मोक्ष फलके हेतु लेकर, तुम चरनआगें धरों ॥शि०॥८॥

ॐ ह्रीं श्रीमुनिसुवतजिनेन्द्राय मोक्षफलप्राप्तये फलं निर्वपामीति स्वाहा ॥ ८ ॥

जलगंध आदि मिलाय आठों, दरब अरघ सजों बरों ।

पूजौ चरनरज भगतिजुग, जातें जगत सागर तरों ॥शि०॥९॥

ॐ ह्रीं श्रीमुनिसुवतजिनेन्द्राय अनर्घ्यपदप्राप्तये अर्घ्यं निर्वपामीति स्वाहा ॥

## पंचकल्याणक ।

तोटक ।

तिथि दोयज सावन श्याम भयो । गरभागममंगल मोद थयो ॥

हरिवृंद सची पितुमातु जजे । हम पूजत ज्यौं अघओघ भजे ॥१॥

ॐ ह्रीं श्रावणकृष्णद्वितीयायां गर्भमङ्गलप्राप्तये श्रीमुनिसुवतजिनेन्द्राय अर्घ्यं नि० ।

वयसाख वदो दशमी वरनी । जनमें तिहिं द्यौस त्रिलोकधनी ॥

सुरमन्दिर ध्याय पुन्दरने । मुनिसुव्रतनाथ हमें सरने ॥ २ ॥

ॐ ह्रीं वैशाखकृष्णदशम्यां जन्ममङ्गलप्राप्तय श्रीमुनिसुव्रतजिनेन्द्राय अर्घं नि० ॥

तप दुद्धर श्रीधरने गहियो । वसयाखवदी दशमी कहियो ॥

निरुपाधि समाधि सुध्यावत हैं । हम पूजत भक्ति बढ़ावत हैं ॥३॥

ॐ ह्रीं वैशाखकृष्णदशम्यां तपङ्गलप्राप्तय श्रीमुनिसुव्रतजिनेन्द्राय अर्घं नि० ॥

वरकेवलज्ञान उद्योत किया । नवमी वयसाखवदी सुखिया ॥

घनि मोहनिशाभनि मोखमगा । हम पूजि चहैं भवसिन्धु थगा ॥

ॐ ह्रीं वैशाखकृष्णदशम्यां केवलज्ञानमङ्गलप्राप्तय श्रीमुनिसुव्रतजिनेन्द्राय अर्घ्यं ॥नि०॥

वदि वारस फागुन मोच्छ गये । तिहुँ लोक शिरोमनि सिद्ध भये ।

सु अनंत गुनाकर विघ्न हरी । हम पूजत हैं मनमोद भरी ॥

ॐ ह्रीं फाल्गुनकृष्णद्वादश्यां मोक्षमङ्गलप्राप्तय मुनिसुव्रतजिनेन्द्राय अर्घं नि० ॥

जयमाला ।

दोहा—मुनिगननायक मुक्तिपति, सूक्तव्रताकरयुक्त ।

# भुक्तमुक्त दातार लखि, वंदों तनमन उक्त ॥ १ ॥

तोटक ।

जय केवलभान अमान धरं । मुनिस्वच्छसरोजविकासकरं ॥ भवसंकट भंजन लायक  
हैं । मुनिसुव्रत सुव्रतदायक हैं ॥ २ ॥ घनघातव नंदवदीप्त भनं । भविबोधत्रपातुरमेघघनं ॥  
नित मंगलवृंद वधायक हैं । मुनिसुव्रत सुव्रतदायक हैं ॥ ३ ॥ गरभादिक मंगलसार धरे ।  
जगजीवनके दुखदंद हरे ॥ सब तत्वप्रकाशन वायक हैं । मुनिसुव्रत सुव्रतदायक हैं ॥ ४ ॥  
शिवमारगमंडन तत्वकह्यो । गुनसार जगत्रय शर्म लह्यो ॥ रुज रागरु दोष मिटायक हैं ।  
मुनिसुव्रत सुव्रतदायक हैं ॥ ५ ॥ समवस्त्रनमें सुरनार सही । गुनगावत नावत भालमही  
अरु नाचत भक्ति बढ़ाय कहैं । मुनिसुव्रत सुव्रतदायक हैं ॥ ६ ॥ पगनूपुरकी धुनि होत भनं ।  
भननं भननं भननं भननं ॥ सुरलेत अनेक रमायक हैं । मुनिसुव्रत सुव्रतदायक हैं ॥ ७ ॥  
घननं घननं घन घंट बजे । तननं तननं तनतान सजे ॥ द्विमद्री मिरदंग बजायक हैं । मुनिसुव्रत  
सुव्रतदायक हैं ॥ ८ ॥ छिनमे लघु औ छिन थूल बनें । जुत हावविभाव विलासपने ॥ मुखते  
पुनि यों गुनगायक हैं । मुनिसुव्रत सुव्रतदायक हैं ॥ ९ ॥ धृगता धृगता पगपावत हैं  
सननं सननं सुनचावत हैं ॥ अति आनंदको पुनि पायक हैं । मुनिसुव्रत सुव्रतदायक हैं ॥ १० ॥  
अपने भवको फल लेत सही । शुभ भावनितें सब पाप दही ॥ नित ते सुखको सब पायक

हैं। मुनिसुव्रत सुव्रतदायक हैं ॥११॥ इन आदि समाज अनेक तहां। कहि कौन सकै जु विभेद यहां ॥ धन श्रीजिनचंद सुघायक हैं। मुनिसुव्रत सुव्रतदायक हैं ॥१२॥ पुनि देश-विहार कियो जिनने। वृष अम्रतवृष्टि कियो तुमने ॥ हमको तुमरी शरनायक है। मुनिसुव्रत सुव्रतदायक हैं ॥ १३ ॥ हम पै करुना करि देव अवै। शिवराज समाज सुदेहु सबै ॥ जिमि होहु सुखाश्रमनायक हैं। मुनिसुव्रत सुव्रतदायक हैं ॥१४॥

१५३

भवि बृन्दतनी विनती जु यही। मुझ देहु अभैपद राज सही ॥ हम आनि गही शरनायक हैं। मुनिसुव्रत सुव्रतदायक हैं ॥१५॥

घत्तानंद ।

जय गुनगनधारी, शिवहितकारी, शुद्धबुद्ध चिद्रूपपती ।  
परमानंददायक, दाससहायक, मुनिसुव्रत जयवंत जती ॥१६॥

ॐ ह्रीं श्रीमुनिसुव्रतजिनेन्द्राय महार्घं निर्वपामाति स्वाहा ॥

दोहा—श्रीमुनिसुव्रतके चरन, जो पूजै अभिनंद ।

सो सुरनर सुख भोगिकें, पावै सुहजानंद ॥१७॥

इत्याशीर्वादः परिपुष्पाञ्जलि क्षिपेत् ।

# श्रीनमिनाथपूजा ।

रोड़क---श्रीनमिनाथजिनेन्द्र नमों विजयारथनंदन ।

विख्यादेवी मातु सहज सब पापनिकंदन ॥

अपराजित तजि जये मिथुलपुर वर आनंदन ।

तिन्हें सु थापों यहां त्रिधाकरिके पदबंदन ॥ १ ॥

ॐ ह्रीं श्रीनमिनाथजिनेन्द्र ! अत्र अवतर अवतर । संवौषट् ।

ॐ ह्रीं श्रीनमिनाथजिनेन्द्र ! अत्र तिष्ठ तिष्ठ । ठः ठः ।

ॐ ह्रीं श्रीनमिनाथजिनेन्द्र ! अत्र मम सन्निहितो भव भव । वषट् ।

अष्टक ।

द्रुतविलम्बित ।

सुरनदीजल उज्जल पावनं । कनकभृंग भरों मनभावनं ॥

जजतु हौं नमिके गुनगायकें । जुगपदांबुज प्रीति लगायकें ॥ १ ॥



ॐ हा श्रानामनाथजिनेन्द्राय जन्ममृत्युविनाशनाय जलनिवपामीति स्वाहा ॥  
हरिमलै मिलि केशरसों घसों । जगतनाथ भवातपको नसों ॥  
जजतु हौं नमिके गुनगायकें । जुपगदांबुज प्रीति लगायकें ॥ २ ॥

ॐ हौं श्रीनमिनाथजिनेन्द्राय भवतापविनाशनाय चंदनं निर्वपामीति स्वाहा ॥

गुलकके सम सुंदर तंदुलं । धरत पुंजसु भुंजत संकुलं ॥  
जजतु हौं नमिके गुनगायकें । जुगपांदबुज प्रीति लगायकें ॥ ३ ॥

ॐ हौं श्रीनमिनाथजिनेन्द्राय अक्षयपदसम्प्राप्तये अक्षतान् निर्वपामीति स्वाहा ॥

कमल केतुकी बेलि सुहावनी । समरसूल समस्त नशावनी ॥  
जजतु हौं नमिके गुनगायकें । जुगपदांबुज प्रीति लगायकें ॥ ४ ॥

ॐ हौं श्रीनमिनाथजिनेन्द्राय कामवाण विध्वंसनाथ पुष्पं निर्वपामीति स्वाहा ॥

शशि सुधासम मोदक मोदनं । प्रबल दुष्ट छुधामद खोदनं ॥  
जजतु हौं नमिके गुनगायकें । जुगपदांबुज प्रीति लगायके ॥ ५ ॥

ॐ ह्रीं श्रीनमिनाथजिनेन्द्राय श्रुद्रोगनिवारणाय नैवेद्यं निर्वपामीति स्वाहा ॥

शुधि घृताश्रित दीपक जोड़या । असममोह महातम खोड़या ।

जजतु हौं नमिके गुनगायकें । जुगपदबुंज प्रीति लगायकें ॥ ६ ॥

ॐ ह्रीं श्रीनमिनाथजिनेन्द्राय मोहान्धकारविनाशनाय दीपं निर्वपामीति स्वाहा ॥

अमरजिह्वविपं दशगंधको । दहत दाहत कर्म कबंधको ॥

जजतु हौं नमिके गुनगायकें । जुगपदांबुज प्रीति लगायकें ॥ ७ ॥

ॐ ह्रीं श्रीनमिनाथजिनेन्द्राय अष्टकर्मदहनाय धूपं निर्वपामीति स्वाहा ॥

फलसुपक्क मनोहर पावने । सकल विघ्नसमूह नशावने ॥

जजतु हौं नमिके गुनगायकें । जुगपदांबुज प्रीतिलगायकें ॥ ८ ॥

ॐ ह्रीं श्रीनमिनाथजिनेन्द्राय मोक्षफलप्राप्तये फलं निर्वपामीति स्वाहा ॥

जलफलादि मिलाथ मनोहरं । अरघ धारत ही भय भौ हरं ॥

जजतु हौं नमिके गुनगायकें । जुगपदांबुज प्रीति लगायकें ॥ ९ ॥

ॐ ह्रीं श्रीनमिनाथजिनेन्द्राय अनर्घ्यपदप्राप्तये अर्घं नि० ॥ ६ ॥

## पञ्चकल्याणक ।

गरभागम मंगलचारा । जुग आसिन श्याम उदारा ॥  
हरिहर्षि जजे पितुमाता । हम पूजे त्रिभुवन-ताता ॥ १ ॥

ॐ ह्रीं आस्विनकृष्णद्वितीयायां गर्भावतरणमंगलप्राप्तये श्रीनमिनाथजिनेन्द्राय अर्घ्यं  
जनमोत्सव श्याम असाढ़ा । दशमीदिन आनंद बाढ़ा ॥  
हरि मंदर पूजे जाई । हम पूजे मनवचकाई ॥ २ ॥

ॐ ह्रीं श्रीआपाढ़कृष्णादशम्यां जन्ममंगलप्राप्तये श्रीनमिनाथजिनेन्द्राय अर्घं नि०  
तप दुद्धर श्रीधरधारा । दशमीकलि षाढ़ उदारा ॥  
निज आतमरसभर लायौ । हम पूजत आनंद पायौ ॥ ३ ॥

ॐ ह्रीं आपाढ़ कृष्णदशम्यां तपकल्याणप्राप्तये श्रीनमिनाथ जिनेन्द्राय अर्घ्यं नि०

पै.  
१५८

सित मगसिरग्यारस चूरे । चवघाति भये गुनपूरे ॥  
समवहत केवलधारी । तुमकों नित नौति हमारी ॥ ४ ॥

ॐ ह्रीं श्रीमार्गशीर्षशुक्लैकादश्यां केवलज्ञानमंगलप्राप्तय श्रीनमिनाथजिनेन्द्राय अर्घं नि०  
वयसाख चतुर्दशि श्यामा । हनि शेष वरी शिववामा ॥  
सम्मोदथकी भगवंता । हम पूजै सुगुन अनंता ॥ ५ ॥

ॐ ह्रीं वैशाखकृष्णचतुर्दश्यां मोक्षकल्याणकप्राप्तय श्रीनमिनाथजिनेन्द्राय अर्घं  
जयमाला ।

ढोहा---आयु सहस दशवर्षकी, हेमवरन तनसार ॥  
धनुष पंचदश तंग तन, महिमा अपरंपार ॥ १ ॥  
जै जै जै नमिनाथ कृपाला । अखिलगहनदहनदवज्वाला ॥ जै जै धरमपयोधर धीरा ।  
जय भवभंजन गुनगंभीरा ॥ २ ॥ जै जै परमानंद गुनधारी । विश्वविलोकन जनहित-  
कारी ॥ भ्रशरनशरन उदार जिनेशा । जै जै समवशरन आवेशा ॥ ३ ॥ जै जै केवलज्ञान

५.

प्रकाशी । जै चतुरानन हनि भवफाँसी ॥ जै त्रिभुवनहित उद्यमवंता । जै जै जै जै नमि भग-  
 वंता ॥ ४ ॥ जै तुम सप्ततत्त्व दरशायो । तास सुनत भवि निजरस पायो ॥ एक शुद्ध अनु-  
 भवनिज भाखे । दोविधि राग दोष छै आखे ॥ ५ ॥ छे श्रेणी द्वै नय द्वै धर्म । दो प्रमाण  
 आगमगुन शर्म ॥ तीनलोक त्रयजोग तिकालं । सल्ल पल्ल त्रय वात बलालं ॥ ६ ॥ चार बंध  
 संज्ञागति ध्यानं । आराधन निछेप चउ दानं ॥ पंचलब्धि आचार प्रमादं । बंधहेतु पैताले  
 सादं ॥ ७ ॥ गोलक पंचभाव शिव भौने । छहो दरव सम्यक अनुकौने ॥ हानिवृद्धि तप  
 समय समेता । सप्तभंगवानीके नेता ॥ ८ ॥ संजम समुदघात भय सारा । आठ करम मद  
 सिधगुनधारा ॥ नवों लब्धि नवतत्त्व प्रकाशे । नोकपाय हरि तूप हुलाशे ॥ ९ ॥ दशों बन्ध  
 के मूल नशाये । यों इन आदि सकल दरशाये ॥ फेर विहरि जगजन उद्दारे । जै जै ज्ञान  
 दरश अविकारे ॥ १० ॥ जै वीरज जै सूच्छमवंता । जै अवगाहन गुन वरनंता ॥ जै जै  
 अगुरु लघू निरवाधा । इन गुनजुत तुम शिवसुख साधा ॥ ११ ॥ ताकाँ कहतथके गनधारी  
 तौ को समरथ कहै प्रचारी ॥ तातें मैं अब शरनेँ आया । भवदुख मेटि देहु शिवराया ॥ १२ ॥  
 बार बार यह अरज हमारी । हे त्रिपुरारी हे शिवकारी ॥ परपरनतिको वेगि मिटावो । सह-  
 जानंदसरूपमिटावो ॥ १३ ॥ वृन्दावन जांचत शिरनाई । तुम मम उर निवसौ जिनराई ॥  
 जबलों शिव नहिं पावों सारा । तबलों यही मनोरथ भ्रारा ॥ १४ ॥

घत्तानन्द ।

जयजय नमिनाथं, हौ शिवसाथं, औ अनाथके नाथ सदं ।  
तातें शिरनाथौ, भगति बढ़ायौ, चिहन चिन्ह शतपत्र पदं ॥ १५ ॥

ॐ ह्रीं श्रीनमिनाथजिनेन्द्राय महार्घं निर्वपामीति स्वाहा ॥

दोहा—श्री नमिनाथतनें जुगल, चरन जजें जो जीव ।

सो सुरनरसुख भोगवर, होवैं शिवतिय पीव ॥ १६ ॥

इत्याशीर्वादः परिपुष्पाञ्जलिं क्षिपेत् ।

## श्रीनेमिनाथपूजा ।

छन्द लक्ष्मी, तथा अर्द्धलक्ष्मीधरा ।

जैति जै जैति जै जैति जै नेमकी, धर्म अवतारदातार श्यौचैनकी ।  
श्रीशिवानंद भौफंद निकन्द ध्यावै, जिन्हैं इन्द्र नागेन्द्र ओ मैनकी ।  
पर्मकल्यानके देनहारे तुम्हीं, देव हो एव तातें करौं ऐनकी ।

थापि हौ वार त्रै शुद्ध उच्चार त्रै, शुद्धताधार भौपारकूं लेनकी ॥१॥

ॐ ह्रीं श्रीनेमिनाथजिन ! अत्र अचतर अचतर । संवौषट् ।

अत्र तिष्ठ तिष्ठ । ठः ठः । अत्र मम सन्निहितो भव भव । वषट् ।

अष्टक ।

दाता मोच्छके श्रीनेमिनाथ जिनराय, दाता० टेक ॥

निगमनदी कुश प्राशुक लीनौ, कंचनभृंग भराय ।

मनवचतनतें धार देत ही, सकल कलंक नशाय ॥

दाता मोच्छके, श्रीनेमिनाथ जिनराय, दाता० ॥ १ ॥

ॐ ह्रीं श्रीनेमिनाथजिनेन्द्राय जन्ममृत्युविनाशाय जलं निर्वपामीति स्वाहा ॥

हरिचन्दनजुत कदलीनंदन, ककुमसंग घसाय ।

विघनतापनाशनके कारन, जजौं तिहारे पाय ॥ दाता० ॥ २ ॥

ॐ ह्रीं श्रीनेमिनाथजिनेन्द्राय भवतापविनाशनाय चंदनं निर्वपामीति स्वाहा ॥

पुण्यराशि तुमजस सम उज्जल, तंदुल शुद्ध मंगाय ।

अखय सौख्य भोगनके कारन, पुंज धरौं गुनगाय ॥ दा० ॥ ३ ॥

ॐ ह्रीं श्रीनेमिनाथजिनेन्द्राय अक्षयपदप्राप्तये अक्षतान् निर्वपामीति स्वाहा ॥

पुंडरीकतृणाद्रुमको आदिक, सुमन सुगंधितलाय ।

दर्पकमनमथभंजनकारन जजहुं चरन लवलाय ॥ दा० ॥ ४ ॥

ॐ ह्रीं श्रीनेमिनाथजिनेन्द्राय कामबाणविध्वंसनाय पुष्पं निर्वपामीति स्वाहा ॥

घेवर बावर खाजे साजे, ताजे, तुरित मँगाय ।

क्षुधावेदनी नाश करनको, जजहुं चरन उमगाय ॥ दाता० ॥ ५ ॥

ॐ ह्रीं श्रीनेमिनाथजिनेन्द्राय क्षुधारोगविनाशनाय नेत्रेद्यं निर्वपामीति स्वाहा ॥

कनकदीपनवनीत पूरकर, उज्जल जोति जगाय ।

तिमिरमोहनाशक तुमकों लखि, जजहुं चरन हुलसाय ॥ दा० ॥ ६ ॥

ॐ ह्रीं श्रीनेमिनाथजिनेन्द्राय मोहान्धकार विनाशनाय दीपं निर्वपामीति स्वाहा ॥

दशविध गंध मँगाय मनोहर, गुंजत अलिगन आय ।

दशोंबंध जारनके कारन, खेवों तुमढिग लाय ॥ दा० ॥ ७ ॥

ॐ ह्रीं श्रीनेमिनाथजिनेन्द्राय अष्टकर्मदहनाय धूपं निर्वपामीति स्वाहा ॥

सुरसवरन रसनामनभावन, पावन फल सु मँगाय ।



मोक्षमहाफल कारन पूजों, हे जिनवर तुमपाय ॥ दाता ॥ ८ ॥  
 ॐ ह्रीं श्रीनेमिनाथजिनेन्द्राय मोक्षफलप्राप्तये फलं निर्घपामीति स्वाहा ॥ ८ ॥  
 जलफलआदि साज शुचि लीने, आठों दरब मिलाय ।  
 अष्टमछितिके राज करनकों, जजो अंग वसु नाय ॥ दाता ॥ ९ ॥  
 ॐ ह्रीं श्रीनेमिनाथजिनेन्द्राय अर्घ्यपदप्राप्तये अर्घं निर्घपामीति स्वाहा ॥ ९ ॥

### पञ्चकल्याणक ।

सित कातिक छट्ट अमंदा । गरभागमआनंदकंदा ॥  
 शचि सेय सिवापद आई । हम पूजतमनवचकाई ॥ १ ॥  
 ॐ ह्रीं कार्तिकशुक्लपष्ठ्यां गर्भमंगलप्राप्ताय श्रीनेमिनाथजिनेन्द्राय अर्घं नि० ॥  
 सित सावन छट्ट अमंदा । जनमें त्रिभुवनके चंदा ॥  
 पितु समुद महासुख पायो । हम पूजत विघन नशायो ॥ २ ॥  
 ॐ ह्रीं श्रावणशुक्लपष्ठ्यां जन्ममंगलप्राप्ताय श्रीनेमिनाथजिनेन्द्राय अर्घं नि० ॥  
 तजि राजमती ब्रतलीनों । सितसावन छट्ट प्रवीनों ॥  
 शिवनारि तबै हरवाई । हम पूजै पद शिरनाई ॥ ३ ॥

ॐ ह्रीं श्रावणशुक्लपष्ठ्यां तपःकल्याणकप्राप्तय श्रीनेमिनाथजिनेन्द्राय अर्घं नि०  
सित आसिन एकम चूरे । चारों घाती अति कूरे ॥  
लहि केवल महिमा सारा । हम पूजै अष्टप्रकारा ॥ ४ ॥

ॐ ह्रीं आश्विनशुक्लप्रतिपदि केवलज्ञानप्राप्तय श्रीनेमिनाथजिनेन्द्राय अर्घं नि०  
सितषाढ़ अष्टमी चूरे । चारों अघातिया कूरे ।  
शिव उर्जयंततें पाई । हम पूजै ध्यान लगाई ॥ ५ ॥

ॐ ह्रीं आषाढशुक्लाष्टम्यां मोक्षमंगल प्राप्तय श्रीनेमिनाथजिनेन्द्राय अर्घं नि०

## जयमाला

दोहा---श्याम छबी तन चाप दश, उन्नत गुननिधिधाम ।  
शांख चिह्नपदमें निरखि, पुनि पुनि करों प्रनाम ॥ १ ॥

पद्धरी छंद ( १६ मात्रा लक्षवन्त ) ।

जै जै जे नेमि जिनिंद चंद । पितु समुद दैन आनंदकंद ॥ शिवमात कुमुदमनमोददाय ।  
भविवृन्द चकोर सुखी कराय ॥ २ ॥ जय देव अपूरव मारतंड । तुम कीन ब्रह्मसुत सहस  
खंड ॥ शिवतियमुखजलजविकाशनेश । नहिं रही सृष्टिमे तम अशेश ॥ ३ ॥ भवि भीत कोक  
कीनो अशोक । शिवमग दरशायो शर्मथोक ॥ जै जै जै जै तुम गुनगंभीर । तुम आगम

निपुन पुनीत धीर ॥ ४ ॥ तुम केवलजोति विराजमान । जै जै जै जै करुनानिधान ॥ तुम  
 समवसरनमें तत्त्वमेद । दरशागो जातें नशत खेद ॥ ५ ॥ तित तुमको हरि आनंदधार ।  
 पूजत भगतीजुत बहु प्रकार ॥ पुनि गद्यपद्यमय सुजस गाय । जै बल अनंत गुनवंतराय ॥ ६ ॥  
 जय शिवशंकर ब्रह्मा महेश । जय बुद्ध विधाता विष्णुवेष ॥ जय कुमतिमंतंगनको मृगेंद्र ।  
 जय मदनध्यांतको रवि जिनेन्द्र ॥ ७ ॥ जय कृपासिंधु अघिरुद्ध बुद्ध । जय रिद्धसिद्ध दाता  
 प्रबुद्ध ॥ जय जगजनमनरंजन महान । जय भवसागरमहं सुष्ठु यान ॥ ८ ॥ तुव भगति करै  
 ते धन्य जीव । ते पावैं दिव शिवपद सदीव ॥ तुमरो गुन देव विविधप्रकार । गावत नित  
 किन्नरकी जु नार ॥ ९ ॥ वर भगतिमाहिं लबलीन होय । नाचैं ताथेइ थेइ थेइ वहोय ॥  
 तुम करुणासागर सृष्टिपाल । अब मोकों नेगि करो निहाल ॥ १० ॥ मैं दुख अनंत वसुकर-  
 मजोग । भोगे सदीव नहिं और रोग ॥ तुमको जगमे जान्यों दयाल । हो वीतराग गुनरत-  
 नमाल ॥ ११ ॥ ताते शरना अब गही आय । प्रभु करो वेगि मेरी सहाय ॥ यह विघन करम  
 मम खंडखंड । मनवांछितकारज मंडमंड ॥ १२ ॥ संसारकष्ट चक्रचूर चूर । सहजानंद मम  
 उर पूर पूर ॥ निज पर प्रकाशबुधि देह देह । तजिके विलंब सुधि लेह लेह ॥ १२ ॥ हम  
 जांचत हैं यह बार बार । भवसागरते मो तार तार ॥ नहिं सह्यो जात यह जगत दुःख ।  
 ताते विनवों हे सुगुनमुख ॥ १३ ॥

घत्तानंद—श्रीनेमिकुमारं जितमदमारं, शीलागारं, सुखकारं, ।

भवभयहरतारं, शिवकरतारं, दातारं धर्माधारं ॥ १५ ॥

ॐ ह्रीं श्रीनेमिनाथजिनेन्द्राय महार्घं निर्वपामीति स्वाहा ॥

मालिनी---सुख, धन, जस, सिद्धि पुत्रपौत्रादि वृद्धि । सकल मनसि  
सिद्धि होतु हे ताहि रिद्धि ॥ जजत हरपधारी नेमिको जो अगारी ।  
अनुक्रम अरिजारी सो वरे मोच्छनारी ॥१६॥ इत्याशीर्वादः ।

## श्रीपार्श्वनाथपूजा ।

प्रानतदेवलोकतें आये, वामादे उर जगदाधार ।  
अश्वसेन सुतनुत हरिहर हरि, अंक हरिततन सुखदातार ॥  
जरतनाग जुगबोधि दियो जिहिं, भुवनेसुरपद परमउदार ।  
ऐसे पारसको लजि आरस, थापि सुधारस हेत विचार ॥ १ ॥

ॐ ह्रीं श्रीपार्श्वनाथजिनेन्द्र ! अत्र अवतर अवतर । संवौपट् ।  
अत्र तिष्ठ तिष्ठ । ठः ठः । अत्र मम सन्निहितो भव भव वषट् ।

अष्टक ।

सुरदीरघिकोकनकुंभ भरो । तव पादपद्मतर धार करो ॥

सुखदाय पाय यह सैवत हौं । प्रभुपार्श्व सार्श्वगुन बेवत हौं ॥ १ ॥

ॐ ही जन्ममृत्युविनाशनाय श्रीपार्श्वनाथजिनेन्द्रभ्यो जलं निर्वपामीति स्वाहा ॥

हरिगंध कुंकुम कपूर घतौं । हरिचिहं हेरि अरचों सुरसौं ॥ सु० ॥ २ ॥

ॐ ही भवतापविनाशनाय श्रीपार्श्वनाथजिनेन्द्रे भ्यश्चन्दनं निर्वपामीति स्वाहा ॥

हिमहीरनीरजसमानशुचं । वरपंज तंदुल तवाग्र मुचं ॥ सु० ॥ ३ ॥

ॐ ह्रीं अक्षयपदप्राप्तये श्रीपार्श्वनाथजिनेन्द्रेभ्यो अक्षतान् निर्वपामीति स्वाहा ॥

कमलादिपुष्प धनुपुष्प धरी । मद्भंजहेत ढिग पुंज करी ॥ सु० ॥ ४ ॥

ॐ ह्रीं कामवाणविध्वंसनाय श्रीपार्श्वनाथजिनेन्द्रेभ्यः पुष्पं निर्वपामीति स्वाहा ॥

चरु नव्यगव्य रससार करों । धरि पादपद्मतर मोद भरों ॥ सु० ॥ ५ ॥

ॐ ही क्षुद्रोगनिवारणाय श्रीपार्श्वनाथजिनेन्द्रेभ्यो नैवेद्यं निर्वपामीति स्वाहा ॥

मनिदीपजोत जगमग्ग मई । ढिगधारतें स्वपरबोध ठई ॥ सु० ॥ ६ ॥

ॐ ह्रीं मोहान्धकारविनाशनाय श्रीपार्श्वनाथजिनेन्द्रेभ्यो दीपं निर्वपामीति स्वाहा ॥

दशगंध खेय मन माचत है । वह घूमधूममिसि नाचत है ॥ सु० ॥ ७ ॥

ॐ ह्रीं अष्टकर्मदहनाय श्रीपार्श्वनाथजिनेन्द्रेभ्यो धूपं निर्वपामीति स्वाहा ॥

फलपक्व शुद्ध रसजुअत लिया । पदकंज पूजत हौं खोलि हिया ॥ सु० ॥

ॐ ह्रीं मोक्षफलप्राप्तये श्रीपार्श्वनाथजिनेन्द्रेभ्यः फलं निर्वपामीति स्वाहा ॥  
जलआदि साज्जि सब द्रव्य लिया । कनथार घर नुतनृत्य किया ॥ सु०  
ॐ ह्रीं अनन्यपदप्राप्तये श्रीपार्श्वनाथजिनेन्द्रेभ्यो अर्घं निर्वपामीति स्वाहा ॥

### पञ्चकल्याणक ।

पत्न वेशावकी श्याम दूजी भनों । गर्भकल्याणको द्यौस सोही गनों ॥  
देवदेवेन्द्र श्रीमातु सेव सदा । मैं जजों नित्य ज्यों विघ्न होवै बिदा ॥

ॐ ह्रीं वेशावकृष्णद्वितीयायां गर्भागममंगलप्राप्तये श्रीपार्श्वनाथजिनेन्द्राय अर्घं नि०  
पौपकी श्याम एकादशीकोंस्व जी । जन्म लीनों जगन्नाथ धर्म ध्वजी ॥  
नाक नागेन्द्र नागेन्द्र पै पूजिया । मैं जजों ध्यायकें भक्त धारोंहिया ॥

ॐ ह्रीं पौषकृष्णोकादश्यां जन्ममंगलप्राप्तये श्रीपार्श्वनाथ जिनेन्द्राय अर्घं नि०  
कृष्णएकादशी पौपकी पावनी । राजकों त्याग वैराग धार्यो वनी ॥  
ध्यानचिद्रूपको ध्याय साता मई । आपको मैं जजों भक्ति भावे लई ॥

ॐ ह्रीं पौषकृष्णोकादश्यां तपोमंगलमण्डिताय श्रीपार्श्वनाथजिनेन्द्राय अर्घं नि० ॥  
चेतकी चौथि श्यामा महाभावनी । तादिना घातिया घातिशोभावनी ॥

बाह्य आभ्यन्तरे लुन्द लक्ष्मीधरा । जैति सर्वज्ञ मैं पादसेवा करा ॥

ॐ ह्रीं चैत्रकृष्णचतुर्थ्यां केवलज्ञानमङ्गलप्राप्तये श्रीपार्श्वनाथजिनेन्द्राय अर्घं नि०

सप्तमीशुद्ध शोभै महासावनी । तादिना मोच्छपायो महापावनी ॥

शैलसम्भेदते सिद्धराजा भये । आपको पूजते सिद्धकाजा ठये ॥

ॐ ह्रीं श्रावणशुक्लसप्तम्यां मोक्षमङ्गलमण्डिताय श्रीपार्श्वनाथजिनेन्द्राय अर्घं नि०

जयमाला ।

दोहा—पाशधर्म गुनराश है, पाशकर्म हरतार ।

पाशधर्म निजवास द्यो, पाशधर्म धरतार ॥ १ ॥

नगरबनारसि जन्मलिय, वंश इखाक महान ।

आयु वरष शततुंग तन, हस्त सुनौ परमान ॥ २ ॥

जय श्रीधर श्रीकर श्रीजिनेश । तुव गुन गन फणिगावत अशेश ॥ जय जय जय आनन्द-  
कंद चंद । जय जय भविपंकजको दिनंद ॥३॥ जय जय शिवतियवल्लभ महेश । जय ब्रह्मा  
शिवशंकर गनेश ॥ जय स्वच्छचिदंग अनंगजीत । तुव ध्यावत मुनिगन सुहृदमीत ॥ ४ ॥  
जय गरभागमंडित महंत । जगजनमनमोदन परम संत ॥ जय जनममहोच्छव सुखदधार ।

भविस्वारंगको जलधर उदार ॥ ५ ॥ हरिगिरिवरपर अभिपेक कीन । भट तांडव निरत  
 अरंभदीन ॥ बाजन बाजत अनहद अपार । को पार लहत चरनत अवार ॥ ६ ॥ द्रुमद्रुम द्रुमद्रुम द्रुम  
 द्रुम मृदंग । घघनन नननन घंटा अभंग ॥ छमछम छमछम छम छुद्रघंट । टमटम टमटम टंकोर  
 तंट ॥ ७ ॥ भननन भननन नूपुर भकोर । तननन तननन नन तानशोर ॥ सनननन ननननन  
 गगनमाहिं । फिरिफिरिफिरिफिरिफिरिकी लहांहिं ॥ ताथेइ थेइ थेइ थेइ धरत पाव । चटपट  
 अटपट भट त्रिदशराव ॥ करिकें सहस्र करको पसार । बहुभांति दिखावत भाव प्यार ॥ ६ ॥  
 निजभगति प्रगट जित करत इंद्र । ताको क्या कहिं सकि हैं कविंद्र ॥ जहँ रंगभूमि गिरिराज  
 पर्म । अरु सभा ईश तुम देव शर्म ॥ १० ॥ अरु नाचत मधवा भगतिरूप । बाजे किन्नर बजत  
 अनूप ॥ सो देखत ही छवि बनत वृंद । मुखसो केसे बरनै अमंद ॥ ११ ॥ धनघड़ी सोय धन  
 देव आप । धन तीर्थकर प्रकृती प्रताप ॥ हम तुमको देखत नयनद्वार । मनु आज भये भव-  
 सिंधु पार ॥ १२ ॥ पुनिपिता सौंपि हरि स्वर्गजाय । तुम सुखसमाज भोग्यौ जिनाय ॥ फिर  
 तपधरि केवल ज्ञानपाय । धरमोपदेश दै शिवसिधाय ॥ १३ ॥ हम सरनागत आये अवार ।  
 हे कृपासिंधु गुन अमलधार ॥ मो मनमें तिष्ठहु सदाकाल । जबलों न लहों शिवपुर रसाल  
 ॥ १४ ॥ निरवान थान समेद जाय । “वृंदावन” बंदत श्रीसनाय ॥ तुम ही हो सब दुखदं  
 हर्न । तातें पकरी यह चर्नशर्न ॥ १५ ॥

जयजय सुखसागर, त्रिभुवन आगर, सुजस उजागर, पार्श्वपती ॥  
 वृन्दावन ध्यावत, पूजरचावत, शिवथलपावत, शर्म अति ॥ १६ ॥



ॐ ह्रीं श्रीपार्श्वनाथजिनेन्द्राय महार्घनिर्वपामीति स्वाहा ॥

कवित्त—पारसनाथ अनाथनिके हित, दारिद्रगिरिकों वज्रसमान ।

सुखसागरवर्द्धनको शशिसम, दूकषायको मेघमहान ॥

तिनको पूजै जो भविप्रानी, पाठ पढ़ै अति आनंद आन ।

सो पावै मत्तवांछित सुख सब, और लहै अनुक्रमनिरवान ॥ १७ ॥

इत्याशीर्वादः परिपुष्पाञ्जलिं क्षिपेत् ।

## श्रीवर्द्धमानजिनपूजा ।

मत्तगर्भद—श्रीमत्तवीर हरै भवपीर, भरै सुखसीर अनाकुलताई ।

केहरिअंक अरीकरदंक, नये हरिपंकतिमौलि सुआई ॥

मैं तुमको इत थापतु हौं प्रभु, भक्ति समेत हिये हरखाई ।

हे करुणाधनधाकर देव, इहां अब तिष्ठहु शीघ्रहि आई ॥

ॐ ह्रीं श्रीवर्द्धमानजिनेन्द्र ! अत्र अवतर अवतर । संवौपट् ॥ १ ॥

अत्र तिष्ठ तिष्ठ ठः ठः ॥ २ ॥ अत्र मम सन्निहितो भव भव । वपट् ॥ ३ ॥

## अष्टक ।

छंद मण्डी ( यानतरायकृत नंदीश्वराष्टकादिक अनेक रागोंमें भी बने हैं ) ।

नीरोदधिसम शुचि नीर, कंचनभृंग भरों ।

प्रभु वेग हरो भवपीर, यातैं धार करों ॥

श्रीवीरमहा अतिवीर सन्मतिनायक हो ।

जय वर्द्धमान गुणधीर सन्मतिदायक हो ॥ १ ॥

ॐ ह्रीं श्रीमहावीरजिनेन्द्राय जन्मजरामृत्युविनाशनाय जलं निर्वपामीति स्वाहा ॥ १ ॥

मलयागिरचंदनसार, केसरसंग घसा ।

प्रभु भव आताप निवार, पूजल हिय हुलसा ॥ श्री० ॥ २ ॥

ॐ ह्रीं श्रीमहावीरजिनेन्द्राय भवतापविनाशनाय चंदनं निर्वपामीति० ॥ २ ॥

तंदुलसित शशिसम शुद्ध, लीनों थार भारी ।

तसु पंज धरों अविरुद्ध, पावों शिवनगरी ॥ श्री० ॥ ३ ॥

ॐ ह्रीं श्रीमहावीरजिनेन्द्राय अक्षयपद्प्राप्तये अश्रुतान् निर्वपामीति० ॥ ३ ॥

सुरतरुके सुमन समेत, सुमन सुमनप्यारे ।

सो मनमथभंजनहेत, पूजों पद थारे श्री० ॥ ४ ॥

ॐ ह्रीं श्रीमहावीरजिनेन्द्राय कामवाणविध्वंसनाय पुष्पं निर्वपामीति० ॥ ४ ॥

रसरज्जत सज्जत सद्य, मज्जत थार भरी ।

पद जज्जत रज्जत अद्य, भज्जत भूख अरी ॥ श्री० ॥ ५ ॥

ॐ ह्रीं श्रीमहावीरजिनेन्द्राय क्षुधारोगविनाशनाय नैवेद्यं निर्वपामीति० ॥ ५ ॥

तमखंडित मंडितनेह, दीपक जोवत हों ॥

तुम पदतर हे सुखगेह, भ्रमतम खोवत हों ॥ श्री० ॥ ६ ॥

ॐ ह्रीं श्रीमहावीरजिनेन्द्राय मोहान्धकारविनाशनाय दीपं निर्वपामीति० ॥ ६ ॥

हरिचंदन अगर कपूर, चूर सुगन्ध करा ।

तुम पदतर खेवत भूरि, आठों कर्म जरा ॥ श्री० ॥ ७ ॥

ॐ ह्रीं श्रीमहावीरजिनेन्द्राय अपृकर्मविध्वंसनाय धूपं निर्वपामीति० ॥ ७ ॥

रितुफल कलवजित लाय, कंचनथार भरा ।

शिव फलहित हे जिनराय, तुमढिग भेट धरा श्री० ॥ ८ ॥

ॐ ह्रीं श्रीमहावीरजिनेन्द्राय मोक्षफलप्राप्तये फलं निर्वपामीति स्वाहा ॥ ८ ॥

जलफल वसु सजि हिमथार, तनमनमोद धरों ।

गुण गाऊं भवदधितार, पूजत पाप हरो ॥ श्री० ॥ ६ ॥

ॐ ह्रीं श्रीनर्द्धमानजिनेन्द्राय अनर्घ्यपदप्राप्तये अर्घ्यं निर्वपामीति स्वाहा ॥ ६ ॥

### पंचकल्याणक ।

मोहि राखां हो, सरना, श्रीवर्द्धमान जिनरायजी, मोहि राखो० ॥

गरभ साढसित छट्ट लियो थिति, त्रिशला उर अघहरना ।

सुर सुरपति तित सेव करयो नित, मैं पूजों भवतरना । मोहिरा० ॥

ॐ ह्रीं आपाद्गुरुपृथ्वां गर्भमद्गलमण्डिताय श्रीमहावीरजिनेन्द्राय अर्घ्यं नि० ॥

जनम चेतसित तेरसके दिन, कुंडलपुर कनवरना ।

सुरगिर सुरगुरु पूज रचायो, मैं पूजों भवहरना ॥ मोहिरा० ॥ २ ॥

ॐ ह्रीं चेत्रशुक्रयोदश्यां जन्ममद्गलप्राप्तये श्रीमहावीरजिनेन्द्राय अर्घ्यं नि०

भगतिर असित मनोहर दशमी, ता दिन तप आचरना ।

नृप कुमारघर पारन कीनों, मैं पूजों तुम चरना ॥ मोहिरा० ॥

ॐ ह्रीं मार्गशीर्षकृष्णदशम्यां तपोमद्गलमण्डिताय श्रीमहावीरजिनेन्द्राय अर्घ्यं नि०

शुकलदर्शै वैशाखदिवस अरि, घात चतुक छयकरना ।

केवललहि भवि भवसरतारे, जजों चरन सुख भरना ॥ मो० ॥१॥

ॐ ह्रीं वैशाखशुकदशम्यां ज्ञानकल्याणप्राप्ताय श्रीमहावीरजिनेन्द्राय अर्घं नि०

कार्तिक श्याम अमावस शिवत्रिय, पावापुरतें परना ।

गनफनिबृंद जजे तित बहुविधि, भैं पूजों भयहरना ॥ मो० ॥५॥

ॐ ह्रीं कार्तिककृष्णामावस्यायां मोक्षमङ्गलमण्डिताय श्रीमहावीरजिनेन्द्राय अर्घं नि०

## जयमाला ।

छंद हरिगीता २८ मात्रा ।

गनधर असनिधर, चक्रधर, हरधर गदाधर वखदा । अरु चापधर विद्यासुधर, तिरसूल-  
धर सेवहिं सदा ॥ दुखहरन आनंदभरन तारन, तरन चरन रसाल हैं । सुकुमाल गुनमनिमाल  
उन्नत, भालकी जयमाल हैं ॥ १ ॥

घत्तानन्द—जय त्रिशलानंदन, हरिकृतवंदन, जगदानंदं, चंदवरं ।

भवतापनिकंदन तनकनमंदन, हरितसपंदन, नयन धरं ॥ २ ॥

छंद तोटक । जय केवलभानुकलासदनं । भविकोकविकाशनकंदवनं ॥ जगजीत महारिपु  
मोहहरं । रजज्ञानदूगा वर चूरकरं ॥ १ ॥ गर्भादिकमंगलमण्डित हो ॥ जगमाहिं तुमी सत

पंडित हो । तुम ही भवभावविहंडित हो ॥ २ ॥ हरिवंशसरोजनमो रवि हो । बलवंत महंत  
तुम ही कवि हो ॥ लहि केवल धर्मप्रकाश कियौ । अबलों सोई मारगराजति यौ ॥ ३ ॥  
पुनि आप तने गुनमाहिं सही । सुर मग्न रहैं जितने सब ही ॥- तिनकी वनिता गुन गावत  
हैं । लय माननिसों मनभावत हैं ॥४ ॥ पुनि नाचत रंग उमंग भरी । तुअ भक्तिविषै पग येम  
धरी ॥ भननं भननं भननं छननं । सुरलेत तहाँ तननं तननं ॥५॥ घननं घननं घनघंट बजौ ।  
दूमदूं दूमदूं मिरदंग सजौ ॥ गगनागनगर्भगता सुगता । ततता ततता अतता वितता ॥६॥  
धृगतां धृगतां गति वाजत है । सुरताल रसाल जु छाजत है ॥ सननं सननं सननं नभमैं ।  
इकरूप अनेक जु धारि भमैं ॥ ७ ॥ कइ नारि सु वीन वजावति हैं । तुमरो जस उज्जल  
गावति हैं ॥ करतालविषै करताल धरें । सुरताल विशाल जु नाद करे ॥ ८ ॥ इन आदि  
अनेक उछाहभरी । सुरिभक्ति करैं प्रभुजी तुमरी ॥ तुमही सब विघ्नविनाशन हो । तुमही  
निज आनंद भासन हो ॥ तुमही चितचिंतितदायक हौ । जगमाहिं तुमी सब लायक हौ ॥  
तुमरे पनमङ्गलमाहिं सही । जिय उत्तम पुन्नलियो सब ही ॥ हमको तुमरी सरनागत है ।  
तुमरे गुनमे मन पागत है ॥ ११ ॥ प्रभु मोहिय आप सदा बसिये । जबलो वसुकर्म नहीं  
नसिये ॥ तबलो तुम ध्यान हिये वरतो । तबलो श्रुतचिंतन चित्त रतो ॥ २२ ॥ तबलो तब  
चारित चाहतु हों । तबलो शुभ भाव सुगाहतु हों ॥ तबलों सतसंगति नित्त रहौ । तबलों  
मम संजम चित्त गहौ ॥ १३ ॥ जबलों नहीं नाश करो अरिकों । शिवनारि वरों समता  
धरिको ॥ यह द्यो तबलों हमको जिनजी । हम जाचतु हैं इतनी सुनजी ॥ १४ ॥

घत्तानन्द । श्रीवीरजिनेशा नमितसुरेशा, नागनरेशा भगतिभरा ।  
 'बृंदावन' ध्यावै विघननशावै, वांछित पावै शर्म वरा ॥ १५ ॥

ॐ ह्रीं श्रीवर्द्धमानजिनेन्द्राय महार्घं निर्वपामीति स्वाहा ॥

दोहा—श्रीसनभतिके जुगलपद, जो पूजै धरि प्रीत ।

बृंदावन सो चतुरनर, लहै मुकितनवनीत ॥ १६ ॥

इत्याशीर्वादः परिपुष्पाञ्जलिं क्षिपेत् ।

## श्रीसमुच्चयार्घ्य ।

तोटक—सुनिये जिनराज त्रिलोक धनी तुममें जितने गुन हैं तितनी ॥  
 कहि कौन सकै मुखसों सब ही । तिहिं पूजतु हौं गहि अर्घ्य यही ॥१॥

ॐ ह्रीं श्रीवृषभादि वीरान्तेभ्यो चतुर्विंशतिजिनेभ्यः पूणार्घं निर्वपामी स्वाहा ॥

कवित्त । रिखवदेवकों आदिअंत, श्रीवरधमान जिनवर सुखकार ।

तिनके चरनकमलको पूजै, जो प्रानी गुनमाल उचार ॥

ताके पुत्रमित्र धन जोवन, सुखसमाजगुन मिलै अपार ।

सुरपदभागभोगि चक्री ह्ये, अनुक्रमलहै मोच्छपद सार ॥ २ ॥

इत्याशीर्वादः ।

## कविनामग्रामादिपरिचय ।

मनहरन । काशीजीमें काशीनाथ नन्हूंजी, अनंतराम, मूलचंद, आढतसुराम आदिजानियौ । सज्जन अनेक तहां धर्मचंदजीको नंद, वृंदावन अग्रवाल गोल गोती बानियौ ॥ तांनें रचे पाठ पाय मन्ना-लालको सहाय, बालबुद्धि अनुसार सुनो सरधानियौ । यामें भूलचूक होय ताहि शोध शुद्ध कीज्यो, मोहि अलपज्ञ जानि छिमा उरआनियौ ।

॥ इति श्रीकविरवृन्दावनकृत श्रीवर्तमानजिनचतुर्विंशति जिनपूजा समाप्त ॥

तांत् अष्टादशतौ पचाहत्तर १८७५ कार्तिककृष्ण अमावस्या गुरुवारको यह

पुस्तक पूर्ण भया । लिखितं वृन्दावनेन निजपरोपकारार्थम् ।

श्रेयमस्तु । मंगलामस्तु । शुभम्भूयात् ।



